

SHEEKADII

KUN HABEEN IYO HABEEN

KobciAqoontaada

@somalibooks



somali-books

FREE EDUCATION

Hordhaca sheekada Kun Habeen iyo Habeen

oo aad Filimside Maalin walbo kala socon doontid

Waxaa Qoray: Cabdiraxmaan Anteenno

Asc, aqristayaasha qiimaha badan ee Shabakada

magaceyga waa Cabdiraxmaan Xasan Anteenno waxaan qoray ama aan turjumay sheekada caanka ah Kun Habeen iyo Habeen (1001) oo aad hada kadib shabakada Filimside maalin walbo ka aqrisan doontaan.

Hadaba inta aan sheekada bilaabin macluumaad walbo oo ku saabsan Kun iyo Habeen iyo Habeen fadlan hoos kaga bogo:

WAA MAXAY SHEEKADA (1001):

Waa sheeko la isku khilaafay asal ahaan halka ay kasoo jeedo, dadka qaar waxay qabaan in ay kasoo jeedo boqortooyadii saasaan ee xukumi jirtay Hindiya iyo Sandi, halka dadka taariikhda wariya qaarkood kalana ay leeyihiin waxay ka dhacday

Ciraaq, sidoo kale waxaa la sheegaa iney ka dhacday Masar xitaa Yahuuda waa lala xiriiriyay.

Laakiin arinka xaqiiqda u dhaw ayaa waxay tahay boqorka ay sheekada ku socoto ee Shahri-yaar inuu xukumi jiray meelo aasiyo kamida ah, sheekada waxaa ku jiro qisooyin badan oo aan caadi u naqaano sidii qisadii Calaa-udiin iyo Feynuustiisii yaaabka laheyd, waxaa kaloo kamid ah sheekadii Cali-baaba, iyo todobadii safar eee badmaaxii weynaa ee Sindibaad.

YAA QORAY SHEEKADA:

Ilaa iyo hada lama yaqaano qofkii asal ahaan sheekadaan qoray laakiin casrigii dahabiga ahaa khilaafadii cabaasiyiinta ayaa sheekadaan lasoo turjumay markii ugu horeysay, sidoo kale waxaa ingiriis loo tutrumay sanadkii 1704tii.

IMISA LUUQAD AYAY SHEEKADAAN KU QORANTAHAY:

Majirto luuqad caalami ah oo aysan sheekadan ku qorneen waana sheekada loogu akhriska badanyahay aduunka

waxayna ku turjumantahay luuqadaha sida: carabi ingiriis, Talyani, Faransiis, Giriiga, Spain, Portugal, Germany, Swedan, Denmark, Russian, Scotland, Poland, iyo Hungry xitaa Soomaali ayay ku qorantahay, sidoo kale waxaa laga sameeyay filimaan iyo musal-salaad caan ah.

MA RUNBAA SHEEKADA KUN HABEEN IYO HABEEN:

Waxaa xaqiiqo ah inuu jiray boqor Shahriyaar iyo xaaskiisa Shaharzaad, laakiin waxaa la isku khilaafay in sheekooyinka meesha ku qoran oo ay ka sheekeyneyso Shaharzaad iney run yihiin iyo inkale.

Waxayse u badan tahay in qaarkood yihiin sheekooyin khiyaali ah oo hab aad u macaan si farshaxan lehna loo qoray sida sheekada Cali-baabaa oo aan dib ka qori doono iyo sheekadii Badmaaxii weynaa ee Sindibaad sidoo kale sheekadii xamaaligii iyo gabdhihii.

Waxaa kaloo kamid ah sheekadii boqor Yoonaan iyo ninkii xakiimka ahaa ee Rooyaan la dhihi jiray, waxaase ku jiro sheekooyin xaqiiqo ah sida sheekooyinkii

ay ka warineyso boqorkii caadilka ahaa ee HAARUUN AL-RASHIID.

XAGEEN KASOO XIGTAY SHEEKADAAN:

Aniga sheekadaan waxaan kasoo xigtay wabsetka (ar.m.wikisource.org). iyadoo carabi ku qoran ayaad halkaas ka heleysaa.

WAQTI INTEE LA EG AYAY SOCONEYSAA:

Sheekada waa mid aad iyo aad u dheer waana mid ka mid ah sheekooyinka ugu dhaadheer ee aduunkaan la qoray gabadha sheekada warineysana ee Shaharzaad waxay ku qaadanaysaa kun habeen iyo habeen inkastoo buugaagta qaar lagu soo koobay ilaa iyo 200 oo habeen.

Sidaas darteed aniga xitaa ma aqaano mudada ay soconeyso, laakiin waxaan rajeynaa inaan gabi ahaanteedna iyadoo turjuman idin soo gudbiyo.

Waxa ugu muhiimsan ee aan idiin hubo ayaa waxay tahay inaadan marnaba sheekada ka caajiseynin, oo midba mida ka dambeyso kasii macaan tahay, daqiiqadna kama caajiseysid taas anigaa kuu hubo,

mana laga xiiso dhacaayo.

WAQTIGEE IYO QAABKEE SHEEKADA USOO TABIN DOONAA:

Sheekada iyadoo qoraal ah ayaa
maalinkasta Filimside lagu soo daabici
doonaa insha Allah ayadoo tifaaf tiray
sidoo kalena xalqo xalqo ah micna habeen
kasto hal xalqo ama hal sheko ayaan idinla
wadaageynaa.

XUQUUDA TURJUMADA:

Qofkasta ayaa fasax u heysto inuu
sheekadaan sii gudbiyo laakiin waa inuu
xusaa xuquuqda turjumada (xigasho)
micnaha qofka turjumay fadlan xus marka
aad adeegsaneysid.

GABO-GABADII:

Waxaan idinka rajeynayaa inaa igu dhiiri
galin doontaan turjumista sheekadan
xiisaha badan madaama aan jecleestay
inaan afkeena hooyo ku qoro mid ka mid ah
sheekooyinka dunida loogu jecel yahay

SHEEKADII KUN HABEEN IYO HABEEN

Q1AAD

Waxaa la sheegaa ALLE ayaase xaqiiqda oge, inuu jiray waaa hore boqor oo kamid ahaa boqoradii Reer Saasaan taasoo dhacdo Galbeedka Hindiya iyo Sandi.

wuxuuna ahaa boqor leh awood ciidan iyo mid dhaqaaleba wuxuuna dhalay labo wiil, oo kan weyn la dhihi jiray boqor shahri-yaar kan yarna Boqor Shaah-Zamaan.

waxaa dhacday in boqorkii weynaa uu xanuunsaday xanuunkiisii geerida kadibna isugu wacay labadiisii wiil ee Amiiradaha ahaa wuxuuna usheegay in Boqortooyada u kala qeybiyay oo midba goonidiisa wax u xukmin doono oo aysan isku xad gudbin.

Kadib markuu boqorkii weynaa dhintay labadii wiil sidii ayay yeeleen midkasta boqortooyadiisa ayuu maamushay, mudo markii ay kasoo wareegatay oo aysan is arkin ayaa waxaa dhacday in boqorkii weynaa ee shahri-yaar u xiisay walaalkiisa ka yar wuxuuna u qoray fariin uu ugu sheegayo inuu uxiisay oo uu u imaado, boqorkii yaraa wuu ka yeelay hadalka walaalkiisa wuxuuna go,aansaday inuu

Maalintii dambe ayuuu soo safray boqorkii yaraa markuu mudo jidka kusoo jiray ayuu wuxuu soo xusuustay inuu iska soo iloobay hadiyad khaas aheyd oo uu ugu talo galay walaalkiisa ka weyn, sidaas darteeda dib ayuu usoo noqday wuxuuna qasrigiisii kusoo noqday waqti habeen ah, markuu qolkiisii soo galay ayuu wuxuu arkay arin argagax leh aadna uga fajacisay, wuxuu arkay xaaskiisii oo adoon sariirta la saranyahay.

Boqor shaah-zamaan markuu arkay arintaan ayuu aduunkii la madoobaaday wuxuuna is yiri “hadiiba naagtaan falkaan ku kacday adigoo aana wali baladka toos uga bixin maxaa dhici lahaa hadii aad maalmo sii maqnaan laheyd??”

markaas ayuu go,aansaday inuu labadoodaba ka taqaluso asigoo kurka kawada gooyay.

kadib boqorkii asigoo murugeysan ayuu iska soo baxay wuxuuna u yimid walaalkiisii iyo boqortooyadii uu ka talinaayay, kadib boqor shahri-yaar aad ayuu ugu farxay imaatinka walaalkiisa kayar si fiican ayuuna

usoo dhaweeyay lkn wuxuu dareemay in walaalkiisa kayar faraxsaneen.

Markaas ayuu u qaatay inuu la murugeysan yahay maadaama uu kasoo fogaaday dhulkiisii iyo boqortooyadiisii.

kadib boqorkii weynaa wuxuu sameeyay wuxuu diyaariyay mowkib si ay ugaarsi iyo tamashle u aadaan asigoo ugu dan lahaa in walalkiisa kayar kaga farxiyo si uu murugta u iloobo.

maalintii la bixi rabay ayuu boqorkii yaraa ka cudur daartay inuu baxo, kadib walaalkiisii weynaa iyo kooxdiisii kaligood ayaa ugaarsigii aadeen.

boqorkii yaraa asigoo qolkiisii isaga jiro aadna umurugeysan ayuu daaqada qolkiisa oo xigtay dhinaca beerta qasriga shanqar ka dareemay, markaas ayuu dhinacii soo aaday muxuu arkay?

Wuxuu arkay arin ka yaabisay tii heysatayna ka daran, waxaa beerta qasriga soo gashay dumaashidiisa uu qabay boqorkii weynaa oo adoon gacanta heysato iyo 20 jaariyadooda oo mid kasta adoon gacanta

ku heysato halkii ayaana tumasho lagalay.

Markaas ayuu boqorkii yaraa ee shaah-zamaan is yiri wallee dhib ku heystay waxaa ka daran kan walaalkaaga maanta heysto, wuxuuna go,aansaday inuu iska iloowo murugtii heysatay caadina iska noqday.

Markuu soo labtay boqor shahri-yaar wuxuu dareemay isbadalka ka muuqdo walalkiisa boqor shaah-zamaan wuxuuna go,aansaday inuu weydiiyo.

Markii dambe ayuu weydiiyay wuxuuna ku yiri “walaalow halkaan markaad imaanaysay waxaa kaa muuqatay murug iyo tiiraanyo lkn hada caadi ayaad tahay, ee waxaad ii sheegtaa waxa murugta kaa keenay iyo waxa murugta kaa qaadayba?”

Wuxuu ku jawaabay boqorkii yara ” waan kuu sheegayaa waxa murugta iga keenay lkn kuuma sheegayo waxa murugta iga qaaday”

Markaas ayuu boqorkii weynaa yiri waayahaye bal iisheeg waxa murugta kuu keenay, markaaas ayuu uga sheekeeyay arintii uu kala kulmay xaaskiisa iyo adoonkii

ay sariirta la saarneedba,

Markaas ayuu boqor shahri-yaar yiri illaa wa illaa waa inaad ii sheegtaa waxa kurbadaas saas uweyn kaa qaaday markuu ku adkeeyey ayuu usheegay wixii beerta qasriga ka dhacay.

Boqorkii weynaa wuu rumeysan waayay, markaas ayaa walaalkiisa ka yaraa ku yiri hadaad beenteyda umaleyneyso dadka isugu wac oo ku dheh dalxiis iyo ugaarsi ayan aadeynaa markii labaxana inta soo dhuumato qolkeyga soo gal.

Boqor shahri-yaar sidii ayuu sameeyay kadibna maxaa dhacay wuxuu arkay xaaskiisii iyo adoorkii iyo wixii walaalkiisa uga sheekeyay

SHEEKADII KUN HABEEN IYO HABEEN

Q2AAD

Sheekada waxay noo mareysay qeybtii koowaad markii 2-dii Boqor arkeen waxa beerta qasriga ka dhacaayo iyo hab-dhaqanka foosha xun ee ay ku kaceen Naagihii Qasriga oo ay ugu horeyso Naagtii Boqor Shahri-yaar,

boqor shahri-yaar markuu arkay waxa naagtiisa sameyneyso ayuu caqligii ka duulay wuxuuna walaalkiisa kayar ku yiri ” nawad walaalow aan meeshaan isaga tagnee waxba ugama baahnin boqortooyo ilaa aan kasoo aragno in adduunkaan ku nool yihiin dad anaga nala mid ah ama naga liitaan”

Markaas ayuu ka ogolaaday, kadibna labadoodii si wadajir ayay ubaxeen ayagoo qasriga qaab qarsoodi ah uga baxay.

Waxay safar ku jiraan Maalintii dambe ayay Geed hoos fariisteen iyagoo daalan, Geedku wuxuu u dhawaa bad yaro meesha ku taalay iyagoo meeshii ku nasanaayo, ayay badii halmar kacday, waxaana kasoo baxay wax aad moodo tiir weyn kaasoo

cirka isku shareeray, markey arkeen
waxaaan ayay cabsi dareemeen, iyagoo
geedkii orod ku fuuleen waxayna sii
fiirinayeen waxaan bada kasoo baxaya
wuxuu yahay.

Mase waxa bada kasoo baxay Waa jinni
aad u weyn aadna u dheer, oo Feero weyn
wuxuuna madaxa ku xambaarsanyahay
sanduuq weyn.

jinigii sidii uu usoo socday wuxuu imaaday
Geedkii ay labadii Boqor saarnaayeen,
markaas ayuu Geedkii hoos fariistay
wuxuuna furay sanduuqii weynaa markaas
ayuu kasoo bixiyay sanduuq kale, wuu sii
furay markaas ayuu wuxuu kasoo bixiyay
gabar aad moodo xuurul-ceyntii janada
quruxdeeda aad yaabeyso sidii dayaxana u
ifeyso.

Markaas ayuu jinigii gabadhii ku yiri
“boqorodii xorta aheydey waa taan kusoo
afduubtay habeenkii aqal galkaadee
waxaan rabaa hada inaan xoogaa yar
seexdo” markaas ayuu dhabteed inta
madaxa saartay ku seexday.

Gabadhii iyadoo meelaha fiifiirineyso ayay

waxay isheeda qabteen labadii boqor ee Geedka saarnaa, markaas ayay madixii jiniga inta dhabteeda ka qaaday dhulka dhigtay, kadibna usoo jeesatay dhankii labadii boqor ayay u ishaartay iney soo dagtaan.

Markaas ayay dhaheen jinigaan Cifriitka ah ayaan ka baqeynaa, markaas ayay ku tiri soo dagta hadeydnaan soo daganini Cifriitka ayaan soo kicinaa.

Markaas ayay cabsadeen weyna soo dagteen, markey soo dagteen ayay ku tiri labadiina waxaan idinka rabaa inad ila tumataan oo ila raaxeysataan, balse wey ka diideen hase yeeshee waxay ugu hanjabtay in jiniga soo kicin doonto oo uu si xun udili doono.

Markaas ayay waxay rabtay usameeyeen, markey howshii dhameeyeen ayay waxay jeebkeeda kasoo bixisay kolay yar waxaan ku jiray in kabadan 570 Faraanti, markaas ayay ku tiri ” ma garaneysaan waxay yihiin faraantiyaashaan??”

waxay dhaheen: “maya ma garaneyno”

Markaas ayay ku tiri ” jinigaan aad ujeedaan wuxuu isoo afduubtay habeenkii aqal-galkeyga wuxuuna igu xiray sanduuqaan asigoo kusii xiray 7quful wuxuuna igu riday Badda moolkeeda si uu iiga ilaaliyo wax nin ah, sidaas oo ay tahayna waxaan la tuntay dhamaan nimankii faraantiyaashaan leh, ee idiinkana isiiya faraantiyadiina”

labadii boqor markey hadalkaas maqleen aad ayay u yaabeen waxayna isku dhaheen ” hadiiba cifiitkaan saan u weyn oo gabadhaan saan u ilaaliyaayo ku dhaceen wixii anaga nagu dhacay wax kadaran waa arin cajiib ah iyo qaadan waa”

markaas ayay labadoodii oo yaaban dag-dag meeshii uga soo tageen waxayna kusoo laabteen boqortooyadii.

Boqor shahri-yaar oo aad uxanaaqsan ayaa yimid qasrigiisa wuxuuna amar ku bixiyay in lasoo qabto naagtiisa jaariyadihii iyo adoomadii la tuntayba waana lasoo qabtay iyadoo dhamaantooda kurka lagawada gooyay.

Intaas kuma ekaanine boqor shahri-yaar wuxuu amar ku biyay in habeen kasta gabar

cusub loosoo guuriyo subaxiina kurka laga gooyo.

Wixii sidaas xaalku ahaadaba mudo sadax sano kadib waxaa la waayay wax gabar, oo gabdhihii waxay isku badaleen wax la dilay iyo wax cararay.

Wasiirkii uqaabilsanaa Boqorka dhanka Guurka maalintaas markuu soo waayay wax gabar ah oo uu u dhiso ayuu gurigiisa yimaaday asigoo aad umurugeysan.

Wasiirkaas wuxuu dhalay labo gabdhood oo aad u qurux badan mida weyn waxaa la dhihi jiray shaharzaad mida yarna dunyaazaad, mida weyna ee shaharzaad waxay aheyd gabar mutacalimad ah oo waxbadan ka taqaano kutubta taariikhda iyo sheekooyinkii boqoradii hore iyo wararkii umadihii hore.

Waxaana la sheegay in gabadhaas shaharzaad ah ay baratay in kabadan 1000 kitaab oo ku saabsan taariikhdii iyo sheekooyinkii hore.

Shaharzaad waxay aheyd gabar aad u caqli badan waxayna aragtay aabaheeda oo

wajigiisa murug ka muuqato, waxayna ku dhahday ” Aabow maxaa kugu dhacay oo aad sidaan dhan ugu murugeysantahay?”

Markaas ayuu wasiirkii gabadhii usheegay sidey wax ujiraan wuxuuna yiri waxaa la iga rabaa inaan caawo boqorka gabar usoo dhiso hadaaan usoo dhisi waayana kurka ayaa la iga gooynayaa”

Markaas ayay Shaharzaad aabaheeda ku dhahday” Aabow aniga ii guuri labo mid ayay noqoneysaa in la idilo ama inaan madax furasho u noqdo gabdho badan oo Muslimiin ah oo halaagsami lahaayeen”

markaas ayuu waziirkii yiri ” waan kuu cabsanayaa ee naftaada halis ha galinin”

Markaas ayay tiri “waan ku qasbanahay midaas oo waa laga maarmaan ee ii guuri”

Markaas ayuu wuxuu yiri “waxaan kaaga cabsanayaa iney kugu dhacaan wixii ku dhacay Dibigii iyo dameerkii uu ninkii beeraleyda lahaa”

markaas ayay tiri oo maxaa ku dhacay aabow??

SHEEKADII KUN HABEEN IYO HABEEN

Q3AAD

Wasiirkii wuxuu gabadhiisa ku yiri ogoow gabadheydiyeey inuu jiray nin beeraleey xoolo dhaqato ahaan jiray wuxuuna lahaa xaas iyo caruur, ninkaas ALLE CW wuxuu ugu deeqay aqoonta Luuqadaha Xayawaanaadka iyo Shimbiraha, laakiin hadduu ka xog-waramo uu dhimanaayo.

Ninkaas beeraleyda wuxuu lahaa Dameer iyo Dibi, dameerka shaqadiisa waxay aheyd in ninka raaco ee meeshuu doono ku aado , halka Dibigana shaqadiisan aheyd in subaxii ilaa galabtii beerta lagu falo.

Maalintii dambe Dibigii ayaa u yimid Dameerkii asigoo iska fadhiyo oo Cowskana iska cunaayo biyahana ag yaalaan wuxuuna ku yiri ” wey kuu dhacatay adiga, aniga waan daalay oo tacbaan ayaan ahay sidii beer la iigu falaayay laakiin adiga halkaan ayaad cowska iska ruugeysaa shaqo badana ma qabatid”

Markaas ayuu dameerkii yiri “Talo anigaa kuu haayo Barri markii lagu yimaado oo xariga iyo tiirka yaanbada beerta lagu

falaayo lagugu xiro iska fariiso, hana istaagin, xitaa haddey ku garaacaan hadii aad kacdana markale fariiso, markey kaa dareemaan tabar-dari waxay kuu keenayaan bal iyo cows si aad xoog uyeelato ee ha cunin, cuntada iyo cabistana jooji ilaa labo maalin, siddas ayaad shaqada badan kaga nasan kartaa”

Ninkii beeraleyda ahaa sheekadooda ayuu maqlay wuuna la yaabay.

subaxii ku xigay markii la gaaray ayuu Dibigii diiday inuu kaco si kasta oo la isugu dayay waa kici waayay,

markaas ayuu ninkii Beeraleyda ahaa yiri dameerka hala wado oo beerta halagu falo, markaas ayaa dameerkii lawaday oo maalintii dhan beerta lagu falaayay, Galabkii markii uu dameerkii moorada kusoo laabtay waxaa umahad celiyay dibigii abaalka uu usameeyay iyo talada uu siiyay, laakiin Dameerkii uma uusan jawaabin asigoo si xun uga shalaayay in taladaas asiga siiyay dibiga.

Maalintii labaad ninkii Beeraleyda ahaaa wuxuu u yimid dameerkii asigoo Dibiga

faraha ka qaaday mar labaad ayaana beertii lagu soo falay, galabtii asigoo tacbaan ah markuu kusoo laabtay xeradii waxaa markale umahad ceilyay dibigii, laakiin dameerkii ayaan markaan ku yiri Dibigii “aniga waan kuu naseexeyn, waayo waxaan Maanta maqlay ninka Beeraleyda uu shaqaalihiisa ku leh hadii Barri Dibiga kici waayo waxaad ugeysaan kawaanlaha si uu uqalo wax faa,iido laguma qabee marba haduusan beeerta fali karin”

Markuu dibigii hadalkaas maqlay ayuu hadana dameerkii umahad celiyay wuxuuna dhahay Barri waa howl bilabi doonaa,

ninkii beeraleyda ahaa sheekadaasna wuu maqlayaa, subaxii markii lagaaray Dibigii wuxuu bilaabay inuu wax badan cuno asigoo shaqo isku diyaarinayo, subaxii markii lagaaray ninkii beeraleyda ahaa uu arkay fag fagta dibiga ka muuqato iyo siduu shaqo diyaar ugu yahay ayuu qosol la dhacay, naagtiisii oo meesha ka dhaweyd ayaa waxay tiri maxaad ku qosleysaa.

markaas ayuu wuxuu yiri hadaan kuu sheego waan dhimanaa, waxay tiri iisheeg xitaa hadaad dhimaneyso.

Markey ku adkeysatay ayuu ninkii dadkii isugu wacay si uu udar-daarmo, dadkii ayaa isku dayay in ay naagta lahadlaan oo celiyaan laakiin waa ka diiday waxayna tiri waan ogahay aniiguu igu qoslayaa ee ha sheego wuxuu ku qoslayo xitaa hadii uu dhimanaayo.

Ninka beeraleyda ah naagtiisa aad ayuu ujeclaa wuxuu go,aansaday inuu usheego, wuxuuna aaday gurigiisa si uu labo rakaco suno ah utukado, asigoo guriga ku dhex jiro ayuu wuxuu maqlay eeygi guriga ujoogayi oo diiqa lahadlaya wuxuuna ku yiri ” diiqow adiga halkaan ayaad konton dooro iska dhex fadhisaa saaxiibkeenaa wuu dhiman rabaa”

Markaas ayuu diiqii yiri “Wallaahi Saaxiibkeen haddii uu caqli leeyahay Naagta wuu iska edbin lahaa, aniga kontonkaas dooro ayaa ii joogto midaan hadey iga xanaaqdo inta edbiyo ayaan kuwa kale dhexda ka galaa waxaase fiicnaan laheyd in saaxiibkeena naagtiisa edbiyo ilaa ay ka toobad keeneyso”

ninkii beeraleyda ahaana hadalkii ayuu

maqlayaa, kadib ayuu soo baxay wuxuuna u yeeray naagtiisa wuxuuna ku yiri qolka soo gal gooni ayaan kuugu sheegaaye, markey qolkii soo gashay ayuu si daran u garaacay ilaa ay ka qeyliso waan towbad keenaa.

halkaas ayayna naagtii hadalkeedii uga noqotay dadkiina ku farxeen maadaama ay nolosha ninkii bad baaday.

markaas ayuu waziirkii gabadhiisa ku yiri adigana sidii dameerkaas oo kale iney kugu dhacdo ayaan ka baqaa intaad isleedahay dad kale bad-baadi naftaada halis galiso.

Markii shaharzaad maqashay sheekadaas ayay waxay tiri wixii dhacaayo ha dhaceen boqorkaan iiguuri anigaa diyaar u ah.

sidii ayaa gabadhii boqorka loogu guuriyay,

waxayna gabadhii shaharzaad aheyd lasii dar-daarantay walaasheed ka yar ee Dunyaazaad iyadoo ku tiri “markii boqorka la iigeeyo waxaan ka codsanaa Habeenkaas markii uu dantiisa iga bogto inaad habeenkaas wehel ii noqoto, hadii uu ogolaado waxaad igu dhahdaa abaayooy maad nooga sheekeysid sheeko cajiib ah

oo kamid ah sheekooyinkaadi halaasiga
ahaa maadaama aad bari naga tageysid
(lagu dilaayo) aniga insha aAllah sheeko
aan boqorka kaga taqaluso ayaan bilaabaa”

kadibna gabadhii sidii ayaa lagu galbiyay,
markii boqorkii loo geeyay, ayay gabadhii
Shaharzaad aheyd ooysay markaas ayaa
boqor shahri-yaar yiri maxaad u ooyneysa?

waxay tiri “waxaa jirto gabar walaasheyda
ah oo iga yar waxaana raba inaan
sagootiyo ee ii ogolow”

markaas ayuu u ogolaaday, kadib markii
Dunyaazaad imaaday ayay hab siisay
iyadoo sagootineysp,

markaas ayay Dunyaazaad tiri “abaayooy
maad nooga sheekeysid sheekooyinkaagii
halaasiga aha mid kamid ah”

Markaas ayay Shaharzaad tiri waan ka
sheekeynayaa hadii boqorka noo ogolaado,
markuu boqor shahri-yaar hadalkaas
maqlay ayuu yiri bal sheeg aan maqalnee
sheekooyinkaas mid kamid ah’

HABEENKII KOOWAAD

HABEENKII 1-aad:

Shaharzaad waxay sheekadii ku bilaawday:

waxaa isoo gaaray Boqoroow inuu jiray nin taajir ahaa oo xoolo badan iyo caruurba lahaa wuxuuna ahaa nin aamin ah sidaas darteed bay dadka xoolahooda ugu dhiiban jireen, maalintii dambe ayuu ninkii safar galay wuxuu socdaba markii dambe wuxuu harsaday geed si uu ugu nasto, cabaar markuu geedkii fadhiyay ayuu kolay uu watay kala soo baxay xoogaa timir ah asigoo bilaabay inuu cuno, wuxuuna timirta lafteeda ku tuurayay meel udhow, waxyar kadib waxaa agtiisa ka kacay boor aad uweyn haduu sii fiiriyay waaba Cifriit aad uweyn oo gacanta ku sita Seef qaro weyn aadna u af badan.

Cifriitkii siduu usoo socday wuxuu kor yimaaday ninkii taajirka ahaa wuxuuna ku yiri “wan ku dilayaa sidaad wiilkeyga u dishay”

markaas ayuu ninkii taajirka ahaa yiri “sideen wiilkaaga ku dilay maba arkine?”

Cifriitkii wuxuu yiri “Adiga markaad timirta

cuneysay laftii aad tuureysay waxay wadnaha uga dhacday wiilkeyga oo isla goobtii ku dhintay, sidaas darteed qisaas ahaan ayaan kuu dilayaa”

Markaas ayuu taajirkii yiri “Aniga kama war qabin inuu wiilkaaga meesha joogay ee iska keyy cafi”

Hase yeeshee jinigii waa diiday wuxuuna ku adkeystay inuu wiilkiisa uga qisaasi doono.

Markaas ayuu ninkii taajirka ahaa yiri “Cifriityhow aniga waxaan gacanta ku haayaa xoolo badan oo ay dad leeyihiin kuwaas oo amaano ahaan iigu dhiibtay waxaan leeyahay xaas iyo carruur ee ifasax si aan qofkasta xaqiisa usoo siiyo, waxaana kuu ballan qaadayaa markaan qof kasta xaqiisa soo siiyo inaan kuusoo noqon doono si aad wiilkaaga iigu qisaasto hadalkeygana Allaah ayaa wakiil iiga ah”

Markaas ayuu jinigii ka ogolaaday. sidii ayuu ninkii kusoo baxay wuxuuna yimid magaaladii uu daganaa asigoo isugu wacay dhamaan dadkii iyo ehelkiisa si uu qofkasta xaqiisa usiiyo, markuu dhamaan dadkii xaqooda siiyay ayuu u sheegay sideey wax uiraan iyo xaalke halkuu maraayo

xaqooda siiyay ayuu u sheegay sideey wax ujiraan iyo xaalka halkuu maraayo .

Markaas ayay dhaammaan qoyskiisii iyo ehelkiisii wada ooyeen iyagoo sagootiyay adna uga xun sideey wax u dhaceen, ninka maadaama uu balan qaaday si uu balantiisa u oofiyo markuu qofkasta xaqiisa siiyay ayuu soo baxay, asigoo soo aaday halkii uu jinga kula balansanaa.

Wuxuu soo socdaba asigoo karfantiisa wato markuu imaaday geedkii hoostiisa ayuu iska fariistay wuuna iska ooyay, xooga kadib asigoo oohnaya waxa meeshii soo maray oday wata deero, wuu salaamay ninkii wuuna wareystay wuxuna ku yiri “Maxaa kaligaa halkaan oo ah baholo galeen jinyada ku noolyihiin ku fariisiiyay oo aad ugu ooyneysaa??”

Ninkii taajirka ahaa ayaa uga sheekeeyay sideey wax udhaceen , markaas ayuu odaygii go’aansaday inuusan ka tagin ilaa uu ka ogaado sheekadaan halka ay ku dhamaan doonto, iyagoo meeshii sidii ufadhiya ayaa waxaa yimid oo wadadii soo maray nin labo eey wato is wareysi kadib ayay usheegeen sidey wax ujiraan markaas

ayuu asna go'aansaday inuusan meesha ka tagin oo qisada dhamaadkeeda ogaado,

Iyagoo sidii meeshiisii usii fadhiya ayaa hadana waxaa jidkii soo maray nin baqal wato is wareysi kadib markey u xog waramee ayuu isna go'aansaday in sheekada dhamaadkeeda ogaado.

Afartoodii oo meesha sidii ufadhiya ayaa waxaa uyimid Cifriitkii oo seeftiisii qarada weyneyd wata, wuxuu soo qabsaday ninkii taajirka ahaa si uu wiilkiisa ugu qisaaso.

Markaas ayaa waxaa hadllay odaygii deerada watay wuxuuna yiri "Jiniyahow Taajkii boqoradoow hadii aan kaaga sheekeeyo sheekada na dhexmartay aniga iyo deeradaan oo aad ka hesho ninkaan dhiigiisa sadax meelood meel ma ii hibeyneysaa??"

markaas ayuu cifriitkii yiri "hadii ay icajabiso haa waan kuu hibeynayaa" markaas ayuu odaygii sheekada ku bilaabay sidaan:

Deeradaan aad ujeedo waa xaaskeyga ahna ina adeertey, iyadoo yar ayaan guursaday, mudo markaan isqabnay oo waxna ii dhali

weysay ayaan waxan sameystay jaariyad waxayna ii dhashay wiil aad uqurux badan wajigiisana u ifaayo sidii dayax 15-aad ah.

Waxba yaanan war kugu daalinine maalintii dambe ayaan safar aaday, markaan baxay ayay naagteyda oo sixirka wax ka taqaanay sixirtay wiilkeygii iyo hooyadiisba iyadoo ka dhigtay lo' iyo dibi.

Kadibna waxay u dhiibtay ninkii xoolaha ii qaabilsanaa, markaan mudo kadib safarkii kasoo laabtay oo aan reerkii imid ayay naagtii iisheegtay in jaariyadii dhimatay wiilkeygiina la waayay meel uu jaan iyo cirib dhigay, aniga arintaas aad ayaan uga murugooday.

Maalintii dambe ayaa waxaa dhacday in lagaaray ciidii udxiyada, ana si aan udxiiyo u qalo ninkii xoolaha iiqabilsanaa ayaan waxaan ku iri lo' aad u buuran iisoo qabo, markaas ayuu iisoo qabtay lo'dii jaariyada aheyd, markii la ii keenay ayay rafatay oo ooysay anigoo yaaban ayaan qalay laakiin waxba wey kasoo bixi waayeen kaliya waxay noqotay lafo iyo maqaar.

Aniga arintaas aad ayaan ula yaabay

markaas ayaan ninkii xoolaha ii qaabilsanaa ku iri iikeen Dibi, maadaama lo'dii hore hilib laga waayay, balse hadan wuxuu iikeenay wiilkeygii dibiga ahaa, markii la iikeenay ayuu asna ooyay oo raftay inta ka yaabay ayaan ku dhahay war iga wad Dibigaan ee mid kale iikeen.

Markaas ayaa mid kale la iikeenay oo qalay, laakiin waxaad ogaataa inta waxaas dhan dhacayaan naagteyda wey na dawaneyso.

Markii sheekada halkaas mareyso ayay Shaharzaad ogaatay in subaxii lagaaray markaas ayay sheekadii iyo hadalkii u banaanaa joojisay.

Markaas ayay walaasheeda ka yareyd ee Dunyazaad tiri “Maxaa ka macaan badan abaayo sheekadaad waxaan jeclaan lahaa inaad noo dhameystirto”

Markaas ayay Shaharzaad tiri “Dadii boqorka ii ogolaado inaan noolaado sheekada waan dhameystiri doonaa habeen dambe sidoo kalena waxaan idiin sii sheegi doonaa sheekadaan mid kasii fiican”

markas ayuu boqor Shahri-yaar is yiri waa sheeko xiiso leh ee hadilin ilaa ay sheekada ka dhameyso.

Sidii ayuuna ku go'aansaday inuusan dilin ilaa ay sheekada ka dhameyso.

Subaxii markii la gaaray waxaa yimid waziirkii gabadhii dhalay oo karfanteedi wada aadna u murugeysan, balse markuu ogaaday in gabadhiisii nooshahay wuu layaabay aadna wuu ufarxay

KUN HABEEN IYO HABEEN Q5AAD

HABEENKII 2-aad:

Waxaa wali noo socotay sheekadii ninkii taajirka iyo iyo cifriitkii.

Habeenkii labaad markii la gaaray ayay Dunyaazaad ku tiri walaasheeda Shaharzaad “abaayooy maad noo dhameysid sheekadii ninkii taajirk ahaa iyo cifriitkii iyo wixii kala qabsaday ninkii odayga ahaa iyo deeradii?”

Markaas ayay Shaharzaad dhahday “jaceyl iyo sharaf ayay ii tahay inaan idiin dhameystiro hadii uu boqorka ii idmo”

Markaas ayuu boqorkii oo mar horaba sheekada isku sii diyaariyay yiri “noo wad sheekada oo dhameey”

Markaas ayay shaharzaad tiri: Waxaa isoo gaartay boqorow markii uu odaygii arkay in uu dibiga oo oohnaya ayuu ninkii xoolaha uga masuulka ahaa ku yiri war dibigaan iga wad oo mid kale bal iikeen.

Cifriitkiina wuxuu la yaabanyahay sheekada

yaabkeeda iyo sideey wax usocdaan.

Ninkii odayga ahaa wuxuu yiri sayidkii jiniyadow waxaas oo dhan markey dhacayaan naagteyda wey na daawaneysaa waxayna leedahay Dibigaan qal wuu buuranyahay ee qal iwm, laakiin aniga Dibiga eegmadiisa markaan kanaxay ayaan iska sii daayay waxaana ku dhahay ninkii xoolaha ii qaabilsanaa Dibigaan iga wad waan ka yaabanahee.

Subaxii markii la gaaray waxaa ii yimid ninkii xoolaha ii qaabilsana wuxuuna igu yiri bishaareyso, markaas ayaan waxaan dhahay maxaa dhacay??

Wuxuu igu yiri: shalay markii aad Dibiga iga wad itiri waan waday waxaana geeyay gurigeena, gurigana waxaa ii joogto gabar aan aniga dhalay oo iyadoo yar sixirka baratay.

Markii aan Dibigii guriga geeyay oo ay aragtay ayay wajiga ka daboolataay kadibna qososhay hadana ooysay, markaas ayay iigu tiri “Aaboow maxaad noogu soo galineysaa nimanka ajaanibta naga ah anagoon ogeyn??”

Anigoo yaaban ayaan waxaan ku dhahay
“Aaway nimanka aad sheegeyso? mida
kale maxaa la qososhay oo hadana la
ooyay?

Waxay igu tiri “Dibigaan aad ujeedo waa
wiilkii Sayidkaaga wuuna sixranyahay
waxaana sixirtay naagtuu aabihiisa qabo,
taas waa sababta aan u qoslay sababta aan
u ooyayna waxay tahay lo’dii la qalay waxay
aheyd hooyadiisa”

Aniga markii aan hadalkaas gabadhii ka
maqlay waan aamini waayay adiga ayaana
kuu imid.

Markaas ayuu odaygii yiri jiniyahow markii
aan maqlay hadalkii ninkii ii qaabilsanaa
xoolaha ayaaan dag-dag gurigiisa ku aaday,
waxaana utagay gabadhiisa waxaana
weydiyay ma runbaa wuxuu aabahaaga
iisheegay?

Markaas ayay igu tiri haa waa runteyda
Dibigaan waa wiilkaaga, waana beerkaaga
gabalkiisa.

Anigii waan iska ooyay waxaana gabadhii

ku dhahay “hadaad wiilkeyga sixirka iiga furto waxaan ku siin doonaa maalkeyga oo dhan,

Markaas ayay gabadhii igu tiri “Aniga maalkaaga dan kama lihi labo shuruud ayaan wataa, hadaad ii sameyneyso wiilkaaga sixirka waan ka furayaa.

Shardiga koowaad wuxuu yahay inaad wiilkaaga ii guuriso,

Kan labaadna wuxuu yahay in aan naagtaada sixro waayo kama aamin qabo dhagarteeda”

Markaas ayaan gabadhii ku dhahay intaas aad sheegtay waan kuu sameynayaa waxaana kuusii dheer inaan kusiiyo hantideyda oo dhan naagtaana sidaad doontid ka yeel,

Markey hadalkeygii maqashay ayay waxay soo qaadatay dheri yar oo meesha yaalay waxayna ku shubtay xoogaa biyo ah iyadoo wax ku akhrisay, kadibna biyihii ayay waxay ku firdhisay dibigii waxayna dhahday “Dibiyahow hadii ALLAAH adoo dibi ah ku abuuray ha isbadalin oo dibigaaga iska

ahoow, hadiise aad sixrantahay kusoo
laabo abuurkaagii hore idinka Ilaahay”

Markaas ayuu Dibigii dhalaalay wuxuuna
isku badalay insaan markaas ayaan isku
duubay markaan arkay inuu wiilkeygii yahay
waxaana ku dhahay “Allaan kugu dhaarshee
iiga sheekeey sidee waxa udhaceen”

Markaas ayuu sheekadii biloow ilaa
dhamaad iiga sheekeeyay iyo waxay ku
sameysay naagteydii ina adeerteey aheyd.

Markaas ayaan wiilkii gabadhii u guuriyay,
iyadana waxay sixirtay naagteydii oo
deeradaan isku badashay.

Anigana waan isaga soo tagay dhulkii oo
dhan si ay wiilkeyga iyo gabadhaas nabad
galyo ugu noolaadaan.

Anigoo jidkaan maraayo ayaana waxaan
arkay ninkaan meesha cidlada ah kaligii
fadhiya oo oohnaya,

Kadibna markaan wareystay ayuu qisadii
qabsatay iyo seey wax udhaceen iiga
sheekeey, ee jiniyahow hadey sheekadeyda
ku cajib galisay ninkaan dhiigiisa sadax

meelood meel ii hibeey.

Markaas ayuu jinigii la yaabay sheekada ninka odayga ah iyo deeradii ka dhaxeysay, wuxuuna ku jeestay deeradii asigoo yiri “Ma runbaa wuxuu sheegayo odaygaan?”

Markaas ayay madaxa uruxday “HAA”.

Markaas ayuu jingii yiri walaahi waa sheeko cajiib ah weyna icajab galisay marka ninkaan dhiigiisa sadax meelood meel waan kuu hibeeyay.

Markuu jinigii hadalkaas yiri ayaa waxaa hadlay ninkii watay labadii eey, wuxuuna yiri “Jiniyahoow hadii aan ana kaaga sheekeeyo sheekadeyda oo ay ku cajab galiso ninkaan dhiigiisa sadax meelood meel ma ii hibeyneysaa?”

Markaas ayuu jinigii yiri hadii ay icajab galiso waan kuu hibeyn doonaa.

Markaas ayuu ninkii labada eey watay sheekadiisii ku bilaabay:

Sayidkii jiniyadow waxaad ogaataa in labadaan eey ee ila socda ay yihiin

walalaheyga aniga ayaana sadax ku ah,
aabaheena wuu dhintay wuxuuna dhaxal
ahaan nooga tagay sadax kun oo diinaar,
waxaana qeybiyay dhaxalkii oo mid kasta
waxaa kusoo aaday kun diinaar.

Aniga qeybteydii waxaan ku furtay Tukaan
waxbaan soo iibsanaayay waana sii iibinayay,
walaalaheyga xoolahoodii wey la safreen
anigoo uga digaayo safarka iyo dhibkiisa si
uu ganacsiga safareyda u galaan waxayna
maqnaayeen mudo sanad ah, laakiin waxay
soo laabteen iyagoo gaemo maran oo
waxba heysan, waxaan ku dhahay, waan
idiin sheegay in safarka dhibaatooyin
leeyahay ee maxad u safarteen,

Markaas ayay igu dhaheen waa Qadar Alle
maantana waxba ma heysano hadalna
waxba ma noo taraayo, markaas ayaan
waday waxaana geeyay tukaankii anigoo
dhar iyo cuntaba siiyay, kadibna waxaan
kudhahay imaqala waan isla
shaqeysaneynaa oo ganacsigaan ayaan sii
wadeynaa sanadkiina mar ayaa la
xisaabinaa wixii faa'iido ee aan helno waan
kala qeybsaneynaa.

Markaas ayay iga ogolaadeen, mudo sanad

kadib markaan shaqeysanaya oo faa'iido fiican helnay ayay waxay igu dhaheen aan safarno waxaa laga yaabaa inaan soo faa'iidno balse waan ka diiday.

Wixii saas la ahaadaba iyagana maalin kasta igu haayaan aan saffarno ayaa markey mudo kasoo waregatay ogolaaday hadalkooda.

Waxaan xisaabiyay hantidii tukaanka taalay waxayna noqotay lix kun oo diinaar.

Markaas ayaan waxaan ku dhahay lacagta waan kala qeybineynaa sadax kun waan qaadaneynaa sadaxda soo hartay meel ayaan ku duuganeynaa si hadii hadhow usoo qasaaarno aan tan kale ugu baxsano.

Wey iga ogolaadeen kadibna waan safarnay Sheekadii waxay noo mareysay qeybtii hore,

Ninkii labada Eey watay asigoo hadalkiisii sii wato ayuu wuxuu dhahay kadibna waan safarnay aniga iyo labadii wiil ee ila dhashay waxaana horay usii qaadanay lacagtii sadaxda kun aheyd, labadaan wiil ee ila dhashay jiniyahow waxay ahaayeen

kuwa aad xaasid u ah aadna wey iidhibi jireen laakiin aniga waan isaga dulqaadan jiray maadaama ay walaalaheyga yihiin.

Kadibna waan safarnay anagoo mudo bil ah safar kujirna ayaan markii dambe tagnay magaalo aad ucamiran markaas ayaan badeecadii aan wadnay suuqa u iib geynay waxaana halkii diinaar ka faa'iidnay 10 diinaar, kadibna waxaan go,aansanay inaan safar kale galno,

Maalinkii aan safarka gali laheyn maalintii ka horeysay anigoo kaligeey xeebta maraya ayaan waxaan xeebta ku arkay gabar jaariyad ah oo aad uqurux badan, markaas ayay igu tiri inta iisoo dhawaatay “walaalow waxaan kaa codsanayaa inaad iguursato oo aad baladkaaga iiwado, waxaan kuu hibeeyay nafteyda, ee macruufkaan ii sameey waxaa laga yaabaa inaan abaalkaan maalin uun kuu gudo,”

Markaan hadalkeeda maqlay aad ayan ula yaabay qalbigeygana wuu jilcay anigoo ka naxay in gabar kaligeed meshaan cidlada ah joogto iyo duruufta ay kujirto.

markaas ayaan waday waxaana usoo

iibiyay dhar aad uqurux badan anigoo sidoo
kalana markabkii safarka meel qurux badan
uga habeeyay waana guursaday, kadibna
safarkii ayaan galnay laakiin gabadhii
waxay aheyd gabar aad u furfuran
dabeecad wanaagsan markaas ayaan aad
usii jeclaaday oo qalbigeyga dhan iyadaa ka
buuxsantay, heer waxaan gaaray aan
habeen iyo maalinba iyada agfadhiyo,

Waxaana ka mashquulay walalaheyga
markaas ayay aad iiga maseereen iyagoo
xaasidnimo iiqaaday waxayna iga
xaasidayeen hantidan Alle ii barakeeyay iyo
gabadhaan aadka uqurxda badan ee Alle
isiyyay,

Markaas ayaa Sheydaan naclad haku
dhacdee xumaato u qurxiyay iyagoo
go'aansaday iney idilaan kadibna
hantideyda oo dhana kaligood la
wareegaan.

Markaas ayay habeenkii dambe ii imaadeen
anigoo hurda markaas ayay inta isoo
qaadeen bada igu tuureen, laakiin markey
xaaskeyga shanqartii kusoo kacday ayay
aad u xanaaqday ayadoo isku badashay
Cirfiid aad uweyn waxayna isku soo tuurtay

Biyihii Badda iyadoo iga soo bixisay.

kadibna waxay igeysay Jaziirad cidlo ah cabaar ayayna iga maqneyd, markaas ayay iisoo laabatay, markay ii imaaday ayan weydiyay adiga yaad aheyd seeyna wax ujiraan??

markaas ayay igu tiri aniga waxaan ahay xaaskaaga halkaana anigaa ku keenay oo Badda kaasoo saaray waxaana kugu tuuray walaalahaaga idin Alle ayaadna ku badbaaday, waxaadse ogaataa inaan aniga ahay gabar jin ah, markii ugu horeysay ee aan ku arkay ayaana ku jeclaaday waxaana kugu jeclaaday iimaankaaga iyo daacadnimadaada, waxaana ahay gabar mu'minada ah oo Allaah iyo Rasuulkiiisa SCW rumeysan, laakiin hada aad ayaan u xanaaqsanahay xanaaqeygana ma dagaayo anigoon ciqaabin oo dilin kuwii bada kugu tuuray.

Markaan hadalkeeda maqlay markii hore waan uga mahad celiyay iney nafteyda ii badbaadisay, laakiin waxaan ka codsaday ineysan walaalaheyga dilin waxaana usheegay inaan ka samri karin waxkasta oo ay igu sameeyaana ay walalaheyga yihiin.

laakiin way iga diiday waxayna igu tiri isla
caawo ayaan iyaga iyo macal
maraakiibtooda isku soo duminaa.

Markaas ayaan ku dhahay qofka mu'minka
haddii la xumeeyo xumaan xumaan kale
kuma gudo ee wanaaag ayuu ku badalaa,
qofkii xumaanta sameeyayna koleey
naftiisa ayuu halaag uun usoo jiiday oo qof
kale waxba kama qaadi karo,

Sidii aan udajinaayay ayay iga ogolaatay
ineysan dilin, laakiinse waxay igu tiray
laazim waan ciqaabi doonaa oo hadaanan
dilin xitaa ciqab la'aan ma ahaan doonaan.

Markii aan magaaladii u noqday oo aan
Tukaankeygii furay ayaan waxaan arkay
labadaan Eey oo meesha joogto waana
weydiyay waxay igu tiri waa walaalahaaga
tana waa ciqaabtooda oo walaasheyda
ayaan sidaan ku sixirtay, waxayna saan
ahaan doonaan mudo 10sano.

Cifriityahow waxaa dhacday in ay soo
dhamaatay mudadii 10ka sano aheyd,
anigoo usii socdo naagteydii walaasheeda
ee walaalaheyga sixirtay si ay sixirka uga

soo furto maadaama ay mudadii
udhamaatay ayaan waxaaan arkay ninkaan
meesha fadhiyo iyo odaygaan deerada
wato,

Markaas ayay ii sheegeen sideey wax
udhaceen anna halkaan ayaan fariistay si
aan u ogaado dhamaadka sheekadaan ee
jiniyahoow haddii ay ku cajab galisay
sheekadii na dhexmartay aniga iyo
labadaan Eey ee walaalaheyga ah Ninkaan
dhiigiisa sadax meelood meel ii hibeey,

markaas ayuu jinigii lahadlay labadii Eey oo
ku yiri ma runbaa ninkaan wuxuu sheegay??

markaas ayay madaxa uruxeen HAA.

Markaaas ayuu Jinigii yiri Wallaahi waa
sheeko yaab leh aadna wey ii cajabisay
ninkaan dhiigiisana sadax meelood meel
ayaan kuu hibeeyay.

Markaas ayaa waxaa hadlay odaygii
sadaxaad ee Baqasha watay wuxuuna yiri
“Jiniyahow haddii aan anna kuu sheekeeyo
sheekadii na dhexmartay aniga iyo
Baqashaan oo ay ku cajab galiso ma ii
hibeyneysaa inta ka dhiman ninkaan

dhiigiisa??

Markaas ayuu jinigii yiri haa.

markaas ayuu Odaygii Baqasha watay yiri:
Jiniyoow boqorkii Jiniyadoow Baqashaan
aad ujeedo waa naagteyda, aniga waxaan
ahaa nin ganacsade ah oo safar badan,
waxaana lahaa Hanti badan, Maalintii
dambe ayaan baxay oo safar aaday
waxaana maqnaa mudo sanad ah, kadibna
waan soo laabtay markaan gurigeygii
imaaday waxaan u imaaday naagteydii oo
sariirta la saaran nin Aadoon ii ahaa, Markay
i aragtay ayay inta hadal aanan fahmin ku
hadashay biyo meesha yaalayna way igu
soo firdhisay waxayna igu tiri ” ka bax
muuqaan oo Eey noqo, islamarkiiba waxaan
isku badalay oo yeeshay, muuqaal Eey.

Ka dib gurigii ayay iga soo
ceyrisay(burisay) Gurigeygii waan iska soo
baxay aniga oo isku maleeyo in aan
qarwaayo .

Sidii aan u soo socday waxaan u imid nin
kawaanle ah markii uu i arkay ninkii
kawaan ahaa wuxuu i siiyay xoogaa Hilib
ah iyo lafo waxa uuna ii waday Gurigiisa.

markii aan Guriga galay ayaa waxaa i aragtay Gabar uu kawanlaha dhalay waxay ahayd gabar sixirka wax ka taqaano.

Waxayna dareentay in aan sixranahay iyada oo ku tiri aabaheeda” aabow waxaan i hor taagan ma ahan Eey waa nin maskiin ah oo ay naagtiisa sixirtay waxaana awoodaa in aan sidiisii caadiga ahayd ku soo celiyo oo aan sixirka ka furo”.

Markaas ayuu Kawanlihi ku yiri gabadhiisa ” Gabadhaydii waan kuu ducayn ninkaan ka fur sixirka”.

markaas ayay weel yar biyo ku shubtay oo wax ku aqrisay ka dibna igu firdhisay.

Waxaan ku soo noqday suuradii uu Alle igu abuuray aniga oo isla markiiba gabadhii ka codsaday in ay iga caawiso sida aan uga aarsan lahaa naagtaydii i sixirtay.

Waxa ayna isiisay weel biyo ay ku jiraan oo ay wax kuso aqriday iyada oo igu tiri” marka ugu horaysa oo aad naagtada aragto biyahaan ku firdhi waxaadna ku orataa inta aad niyaysato adiga oo wax magac

dhawaya waxaas iyo waxaa isku badal.

Anigana waan soo baxay oo sidii ayaan sameeyay waxaana ku iri ” Baqal isku badal” sidaas ayayna Baqal ku noqotay waana midan ku soo fiirinaysa.

Markaas ayuu Cirfiitkii Baqashii fiiriyay waxa uuna ku yiri “ma sax baa waxa uu ninkaada sheegayo”.

markaas ayay madaxa ugu ishaartay HAA.

Markaas ayuu inta jinigii gil-gilay seeftiisii yiri waan kuu hibeeyay ninkaa dhiigiisa inta ka dhiman,

Markii sheeko halkaas mareyso ayay Shaharzaad dareentay in subaxii lagaaray wayna aamustay iyadoo joojisay hadalkii ubanaanaa.

Markaas ayay walaasheedii ka yareyd ee Dunyazaad tiri “maxaa ka macaan sheekadaada kana fiican”

markaas ayay Shaharzaad tiri “Tan waxba ma ahan hadii lala bar-bardhigo sheekada aan habeen dambe idiin sheegi doono waa

hadii uu boqorka ii ogolaado inaan noolaado”

Markaas ayuu boqor Shahri-yaar yiri “wlhi baan ku dhaartee inaanan dili doonin ilaa ay sheekada ka dhameyso, waayo waa sheeko aad ucajiib ah.

sidaas ayayna maalintaas gabadhii dilka uga bad-baaday.

HABEENKII 3aad.

Markii habeenkii lagaaray ayay Dunyaazaad tiri “abaayooy noo dhameystiri sheekadii Xalay iyo sidey wax ku dhamaadeen”

Markaas ayay Shaharzaad tiri :Boqoroow taajirkii markii naftiisa bad-baaday ayuu wuxuu umahad celiyay odayaashii, iyadoo meeshiina lagu kala dareeray, waxaase tan ka yaab badan sheekadii ninkii kaluumaysatada ahaa.

Markaas ayuu boqorkii yiri oo muxuu ahaa ninkaan kaluumeysatada???

SHEEKADII NINKII KALUUMEYSATADA AHAA.

Shaharxad waxay sheekada ku biloowday :
Boqorkeygiiyoow waxaa jiray nin
kalluumeysato ahaa aadna u da' Weynaa ,
wuxuuna lahaa Xaas iyo Sadax Caruur ah,
qof ka faqiirsanaa Magaalka kuma nooleyn.

Ninkaan Kalluumeysata ah waxaa caado u
ahayd inuu Shabaqa Maalin kasta afar mar
Badda ku tuuro, kabadan waligiis kuma
tuurin.

Maalintii dambe ayuu soo baxay wuxuuna
imaaday Baddii iyadoo xilli duhur tahay,
markaas ayuu Shabaqii Badda ku tuuray
illaa Shabaqii Moolka Badda ka gaaro
markaas ayuu isdhahay fiiri wax makuu soo
qabtay markuu soo jiiday ayuu dareemay
inuu culeys yahay markaas ayuu soo qabo
isdhahay laakiin aad ayuu ucuslaa wuuna
awoodi waayay inuu soo qabto maadaama
oday waayeel iska ahaa sidaas darteed
ayuu Huurigii uu saarnaa xeebta geeyay
asigoona shabaqii jiiday.

Siduu usoo jiidayay markuu soo bixiyay
ayuu wuxuu arkay in waxa culus ee
Shabaqiisa qabtay Maanta dhanna ku
rafaadayay jiididiisa inuu yahay dameer

bakhtiyay,

Markuu odaygii arkay aad ayuu
umurugooday asigoo yiri “{laa xowla walaa
quwata illaa billaah, helista Rizqiga waa
mid cajiib ah”

Kadibna markale ayuu badii ku noqday oo
uu shabaqii tuuray markii labaad asigoo yiri
Bismillaah.

Cabaar markuu joogay ayuu hadana
dareemay in shabaqii wax kusoo dhaceen
wuuna soo qabtay laakiin waxay noqdeen
Jawaan ay ka buuxaan dhoobo iyo
Dhagxaan, Markii uu odaygii arkay ayuu
markale aad u murugooday wuxuuna
meeshii ka tiriyay Gabay uu micnihiisu
yahay.

Hurkii waayahoow bas,

hadaadan bas iga dhihina iga cafi,

nasiib uma lahee sii,

mana sameyn karee bas,

waxaan usoo baxay Rizqigeyga,

waxaanse helay asoo meyd ah,

Alla muxuu jaahil badan muuqdaa,

Caalim badana qarsoonyahay.

Markaas ayuu mar sadaxaad badii ku
laabtay oo uu shabaqii badda ku tuuray,
marku daremay inuu culus yahay ayuu soo
qabtay balse nasiib xumo wuxuu soo
qabtay qashin iyo dhalooyin, Odaygii
miskiinka ahaa aad ayuu usii murugooday
mar afaraad ayuuna bada ku laabtay laakiin
markaan gacmaha ayuu kor utaagay asigoo
Alle baryay wuxuuna yiri ” Ilaahayoow waad
ogtahay inaana afar, mar ka badan
shabaqaan bada ku tuurin, sadax mar waan
tuuray waxaana ii hartay halmar oo kaliya
ee Ilaahow wax kheyr qaba iigu soo rid”

Wuxuuna yiri bismillaah asigoo shabaqii
bada ku tuuray

QEYBTII 7aad

Waxay noo mareysay sheekadiinee markii Ninkii Kalluumaysata ahaa uu Shabaqiisii bada ku tuurtay markii afaraad asigoo markaan Alle baryay bisinkana uqabtay, kadib markii uu cabaar sugay ayaa waxaa dhacday in Shabaqii cuslaaday waliba culeys aad udaran ilaa uu kusigay huurigii yaraah ee Odayga saarnaa inuu la gadoomo, kadibna odaygii wixii tabar Ilaahay siiyay iyo juhdi markuu bixiyay ayuu soo bixiyay wixii culeyska badnaa.

Balse wuxuu noqday Sanduuq Maar ka sameysan afkana ka xiran iyadoo uuna ku asteysan yahay Faraantigii Nabi Suleymaan.

Wuxuu is dhahay Maanta calafkaaga ayaan saan noqday ee sanduuqaan qaad oo Suuqa Maarta iyo macdanta lagu iibiyo gee waa intaasoo quudkii maanta kusoo heshaaye, balse markuu qaad is dhahay ayuu qaadi waayay culeys dartiis markaas ayuu go'aansaday inuu furo si uu u ogaado waxaan culeyska badan ee sanduuqa kujiro,

kadib mindi uu watay inta soo baxsaday
ayuu sanduuqii furay balse wuxuu noqday
sanduuq Eber ah, Ninkii asigoo yaaban ayaa
waxaa Sanduuqii kasoo baxay Xoogaa Qiiq
ah kaasoo marba marka kasii dambeysa sii
xoogeysanayay ilaa uu qiiqii daruuraha
sabeeyay,odaygii miskiinka ahaa aad ayuu
ula yaabay kadibna qiiqii ayaa is qabsaday
wuxuuna isku badalay cifriit aad uweyn,
madaxiisa Daruuraha maraayo halka
Cagihiisana Dhulka yaalaan weyninkiisa
darteed,

Wuxuu lahaa madax sidii qubada
uwareegsan, iyo Gacmo aad uqaro weyn,
Lugo aad moodid iney yihiin darbiyada
dhufeyska ah, Af aad udheer aadna
udhuuban sida kan cantalyaaga, Ilko aad
dhagaxaan waaweyn moodid, waxaa ka
muuqdo Boor iyo Basaas waliba asigoo
Badda kasoo baxay ayay hadana waxaas
oo boor ah ka muuqdaan.

Markuu odaygii Kalluumeysatada ahaa
arkay Cifriitkaan weyn ayuu jareeyay iyadoo
ilkiiha xitaa is garaaceen Candhuuftana laqi
waayay meel laga jirana garan waayay cabsi

darteed.

Cifriitkii markuu arkay odaygii
Kalluumaysatadii ayuu yiri laa ilaaha illaa-
Ilaahu Sulueymaana waa nabigii Alle.

Kadibna wuxuu sii raaciyay “Nabi alloow ha
idilin markale hadalkaaga ma khilaafi
doono, mana kugu caasin doono”

Markaas ayuu odaygii yiri ” ma Suleymaan
baad haddea Nabigii allow leedahay iyadoo
Nabi Suleymaan geeriyooday kun iyo sideed
boqol oo sano kahor?? anagoo joogno
aakhiro Zamaan, maxay tahay qisadaada
maxaana halkaan ku galiyay”

Cifriitkii markii uu maqlay hadalkii odaygii
ayuu ku yiri “hadey saas tahay bishaareyso
oday-yahow”

odaygii “maxaan ku bishaareystaa ood iigu
bishaareyneysaa?”

Cifriitkii ayaa markaas yiri ”
dhimashadaada ku bishaareyso isla
saacadaan inaan ku dili doono dilistii ugu
xumeyd”

Markaas ayuu odaygii yiri ” oo maxaan ku muteystay in sidaas dhan la ii dilo Wallaahi adigaa muteysatay in sidaas lagu dilo, war maxaad igu dileysaa anigoo halkaan oo aad ku dhibaateysneyd kaasoo bixiyay abaalkeyga miyaad sidaan ka dhigeysaa?”

Markaas ayuu Cifriitkii yiri “warkaas ka bax ee dhimasho noocee dooneysaa?”

markaas ayuu odaygii yiri ” waxaan kuweydiinaa muxuu yahay dambigeyga oo maxaan kaa galabsaday oo sidaan iigu abaal marineysaa?”

Markaas ayuu Cifriitkii yiri hadaba anigaa kuu sheegayee dhageyso, odaygii oo cabsanaya ayaa markaas yiri ” soo gaabi hadalka nafteydii lugaheey soo mareysaaye”

Cifriitkii ayaa markaas hadalkii ku bilaabay ” waxaad ogaataa oday-yahow inaan aniga ka mid ahaa jinigii maariqiinta ahaa, waxaana ku caasiyay hadalkii Nabigii Allaah ee Suleymaan Binu Daa’uud, Maalintii dambe ayuu wuxuu iisoo diray wasiirkiisa

Aasif bin Barkhiyaa si qasab ah ayuuna igu waday wuxuuna ii geeyay nabi suleymaan, waxaana la ihor istaajiyay Nabi Suleymaan hortiisa, markuu i arkay Nabi Suleymaan wuu iga cuudu bileystay wuxuuna iisoo bandhigay iimaanka Alle iyo inaan hadalkiisa adeeco, waana diiday.

Markaas ayuu dalbaday sanduuqaan, wuuna igu xiray asigoona igu khatimay faraantigiisii, magaca Alle ee weyn ee hadaad Alle ku bariso ku ajiibayo ayuuna ku qoray wuxuuna amar ku siiyay jinigii adeecsanaa iney igu tuuraan moolka bada, wayna igu tuureen, markaan Badda ku dhex xirnaa mudo boqol sano ayaan waxan ku qeyliyay qofkasta oo iga soo bixiyo meeshaan inaan hodan ka dhigi doono inta noloshiisa ka hartay, boqolkii sano ayaa kasoo wareegatay meeshana qofna igama uusan soo bixinin.

Markaas ayaan hadana ku qeyliyay qofkasta oo iga furo inaan ana ufuri doono keydka dhulka oo dhan, boqolaal sano ayaa kasoo wareegatay hadana qof iga furtay ma arkin kadib markey kasoo wareegatay afar boqol oo sano waxaan ku qeyliyay qofkastoo iga furi waxaan usameyn doonaa

waxkasta oo uu iga codsado, markale hadana qof iga furto waan waayay.

Markaas ayan xanaaqay xanaaq aad udaran waxaana dhahay qofkasta oo iga furo isla saacaduu iga furo ayaan dilaa anigoo dooransiinayo sidaan udili lahaa, markaasna adigaa iga furay ee niyeyso sidaan kuu dili lahaa.

Markuu odaygii kalluumaysatada ahaa maqlay hadalkii Cifriitkii ayuu yiri “waa cajiib wlihi hada qofkad sugeysay inaad disho ee meesha kaa furi doono ma aniguu noqday??

markaas ayuu odaygii hadana yiri iska key cafi Allaha haku cafiyee, markaas ayuu Jinigii yiri waa qasab inaan ku dilo si aan ballanteyda u oofiyo, ee waxaad rabtid intaadan dhiman kahor iisheeg si aan kuugu xaqiijiyo waana ballan inaan ku dilin anoon kuu xaqiijin.

Markaas ayuu odaygii xoogaa fikiray kadibna ayuu yiri magaca Allaah ee weyn ayaan kugu dhaariyee adigoo intaan la eg sidee ku gashay sanduuqan aadka uyar?

Cifriitkii markuu maqlay Magaca Alle ee weyn ayuu gariiray markaas ayuu yiri ma waxaad rumeysan la'dahay inaan sanduuqaan gali karo?

Markaas ayuu odaygii yiri macquul maba ahan waxaaba shaki iiga jiraa inaad sidaad sheegeyso sanduuqaan kasoo baxday.

markaas ayuu jinigii yiri hadaba anigaa ku tusaayee arag.

kadibna Shaharzaad waxay ogaatay in subaxii soo dhawaaday sheekadiina wey joojisay.

HABEENKII 4aad.

Markaas ayuu Jinigii inta qlic iska dhigay Sanduuqii ku aruuray markuu Wada galay ayuu odaygiina kor uga xiray, asigoona shaabadii ku qabtay, markaas ayuu odaygii jinigii ku yiri toogtiisii niyeyso dhimasho noocee ayaad dooneysaa si aan badaan markale kuugu tuuro?

Cifriitkii markuu hadalkaas maqlay ogaadayna in sanduuqii markale lagu xiray ayuu yiri walalow waan ku baryaa bada ha

iicelinin, markaas ayuu odaygii yiri immisa ayaan anba ku tuugayay ood iga diiday waliba anoo meeshaan aad kujirto kumanaan sano kaasoo saaray ayaad abaalkeyga ka dhigtay inaad idisho,

markaas ayuu cifriitkii yiri iga fur wllow waan ku wanaajin doonaa waxaad rabtana waan kuu sameyne, markaas ayuu odaygii yiri been ayaad iisheegeysaa waxaadna tahay Jinni Naclad ku dhacday mana laga yaabo inaan halkaan kaa furo, waxaadna ogaataa inaan aniga iyo adiga lamid nahay sidii boqorkii la dhihi jiray YOONAAN iyo ninkii xakiimka ahaa ee la oran jiray ROOYAAN.

Markaas ayuu Cifriitkii yiri oo maxay ahaayeen boqor Yoonaan iyo xakiim Rooyaan? maxayna aheyd qisadooda?

Markaas ayuu odaygii yiri ma waxaad rabtaa inaad ogaato sheekadii Boqor Yoonaan iyo Xakiim Rooyaan??

markaas ayuu Cifriitkii yiri haa ee bal iisheeg muxuu ahaa xaalkooda?

QISADII BOQOR YOONAAN IYO XAKIIM

ROOYAAN.

Odaygii kalluumaysatada ahaa wuxuu hadal ku bilaabay

waxaad ogaataa Cifriityahow in waa hore oo mudo aad ufog laga joogo inuu jiray boqor utalin jiray magaalooyinka kamid ah dhulka Furus (Beershiya) iyo dhulka roomaanka waxaana la dhihi jiray boqor yoonaan, wuxuuna ahaa boqor hanti badan iyo ciidan aad u xoog badan, waxaana jirkiisa ku yaalay oo uu lahaa baras,

Baraskaasoo ay daaweyn waayeen dhamaan dhakhaatiirtii isku dayay iney daaweeyaan, waxaana wax utari waayay daawooyinkii iyo dhamaan wax walbo oo la siiyay. boqorkana wuxuu dhibsaday oo qaati ka taagnaa cudurkaan baraska ah ee ku dhacay.

iyadoo xaalka sidaas yahay ayaa waxaa Magaaladii soo galay nin Xakiim ahaa aadna u da,weynaa waxaan la dhihi jiray xakiim rooyaan, wuxuuna aqoon ulahaan jiray kutubtii greega , Faarisiga, Roomaanka, Carabiga, iyo Saryaaneyada (waa luuqadii uu ku hadli jiray Nabi

Ibraahim Caleyhi Salaam)

sidoo kale xakiim Rooyaan wuxuu yaqaanay Cilmiga Caafimaadka, kan Xiddigaha, iyo sida looga faa,ideysto.

Wuxuu kaloo yaqaanay sida dadka loogu daaweeyo daaweynta dabiiciga ee dhirta, asigoo sidoo kalana ahaa feylasuuf, sidaas darteed ayaa loo dhihi jiray xakiim rooyaan.

markuu mudo magaalada uu joogay ayuu wuxuu maqlay arinta boqorka iyo inuu baras qabo wax daawana loo waayay.

QEYBTII 8aad

Waxay qeybtii hore noo mareysay markuu Xakiim Rooyaan uu soo galay Magaaladii uu Boqor Yoonaan ka talinayay isla markaasna uu ogaaday in boqorka baras uu qabo wax daawo ahna loo waayay.

Markaas ayuu xakiim Rooyaan utagay boqorkii wuxuuna ku yiri Boqoroow waxaan awoodaa inaan ku Daaweeyo anigoon wax daawo ah ku siinin wax dufan ahna kuu marinin,

Boqorkii arintaas aad ayuu ula yaabay
wuxuuna yiri haddii aad sidaad sheegeyso
sameyso waxaan ku siin doonaa intii
noloshaada ka dhiman wixii aad ku noolaan
laheyd waana ku sharfi doonaa waxaadna
markasta ii ahaan doontaaa mid aad iigu
dhaw, markaas ayuu xakiim rooyaan yiri
waxaan rabaa in teendho la ii dhiso adigana
bari adoo diyaarsan waxaad imaaneysaa
barxada beertaada.

Xakiimkii wuxuu sameeyay markii
Teendhadii la sameeyay ayuu wuxuu
meesha keenay kubad aad uyar iyo ul
asigoo daawooyin kala nooc ah mariyay,
subaxii markii lagaaray ayaa waxaa yimid
boqorkii oo ay la socdaan madaxdii
Dowladiisa sida waziiradii saraakiisha
ciidanka abaan-duulayaashii iwm, markaas
ayuu xakiim Rooyaan usheegay boqorka in
usha qabsado oo kubadana uu ku garaaco
intii awoodiisa ah,

Maanta dhana uu sidaas sameeeyo
wuxuuna ku dhahay markaad dareento in
dhidid kaa yimid dhiigaagana kacay waad
ordeysaa waxaadna tageysaa Musqusha si
dag-dag ah ayaadna u qubeysaneysaa

kadibna waad seexaneysaa.

Boqorkii sidii ayuu sameeyay siduu kubadii marba intii awoodiisa ah utuurayay ayuu dhididi badan ka imaaday wuxuuna xakiimkii boqorka u ishaaray inuu musqusha aado, sidii ayuuna ku aaday wuuna soo qubeystay asigoona seexday ilaa waabarigii.

Subaxii markuu soo kacay ayuu boqorkii muraayada isku fiiriyay balse tan cajiibka leh waxay aheyd inuu noqday qof Saliim ah oo aan haba yaraatee wax Baras ah laheen.

Boqorkii arintaas aad ayuu ugu farxay wuxuuna uwacay Xakiimkii asigoo soo dhaweystay wuxuuna siiyay hadiyado aad ubadan lacag iyo wax yaabo kale, wixii Maalintaas ka dambeeyay markasta oo xakiimka boqorka utago wuxuu siin jiray waxyaabo muhiim ah oo uu xitaa siini jirin kuwa dowlada ugu sareeyo, Nimco kasta oo banii aadam lasiiyo waxay leedahay xaasid waxaana midaas aad uga xumaaday midkamid ah wasiiradii boqorka kaasoo dareemay in boqorka dhanka xakiimka ujanjeero asigoo aad uga maseeray, sidaas darteed wuxuu go,aansaday inuu xakiimka

ka takhaluso.

Wuxuu utagay Boqorkii wuxuuna ku yiri
“boqkeygiiyoow adiga waxaad tahay qof
dadka wanaajiya inaan kuu naseexeeyana
waa igu waajib, sidaas darteed arin ayaan
rabaa inaan kaala hadlo. hadii aad fasax
iisiiso waan kuu sheegayaa,

Markaas ayuu boqorkii hadalkaas inta
dhibsaday yiri ” waa maxay
naseexadaada?”

Wasiirkii wuxuu yiri ” Boqorow Dadkii hore
waxay dhaheen qofkaan waxa soo socdo
ogeyn waxa joogo magaran karo, waxaana
dareemay in boqorka uu cadowgiisa
wanaajinayo halkii uu ka takhalusi lahaa
anigana waan kuu cabsanayaa”

Markaas ayuu boqorkii yiri asigoo aad
uxanaaqay waa kuma qofka cadowga igu
ah ee aan wanaajiyay??

wuxuu wasiirkii yiri “Boqorkeygiiyoow
hurdada ka kac aniga xakiim rooyaan ayaan
kahadalayaa”

Markaas ayuu boqorkii yiri ” miyaad

waalatay xakiimkaan waa ninkii idaaweeyay wuxuuna ii sameeyay waxa ay dadka dhan ka caajiseen, waana kuu jeedaa oo waad ka maseersantahay ee iimaankaaga sugo oo odaygaas miskiinka ah faraha ka qaad, mise waxaad rabtaa inaan dilo xakiimka kadibna aan ka shalaayo siduu ushalaayay boqor sindiyad markuu iska dilay shimbirtiisii??”

Markaas ayuu wasiirkii dhahay oo sidee kudhacday midaas??

Markaas ayay Shaharzaad dareentay in subaxii lagaaray weyna joojisay sheekadii.

HABEENKII 5aad.

Markuu wasiirkii weydiiday sheekadii boqor sindiyaad iyo shimbirtiisii ayuu boqorkii hadalka ku bilaabay:

Waxaa jiray boqor kamid ah Boqoradii reer Faaris, kaasoo aad ujeclaa safarka iyo ugaarsiga wuxuu kaloo jeclaa tamashlaynta iyo dalxiiska, Boqorkaas wuxuu lahaa shimbir uu aad ujeclaaa meelkastana uraaci jirtay.

Maalintii dambe ayaa waxaa dhacday in boqorkii ugaarsi ubaxay kadibna waxay arkeen Deero, markaas ayuu boqorkii Askartiisii ku yiri afarta dhinac halaga soo maro qofkii ay dhinaciisa ka fakatana ha ogaado inaan kurka ka goyn doono.

Markaas ayaa deeradii la hareereyay kadibna waxaa dhacday in deeradii dhinaca boqorka aaday oo ayna ka baxsatay, markaas ayay askartii is fiifiiriyeen oo hoosta war ka sheegeen, kadib ayuu boqorkii wasiirkiisii uwacay kuna yiri maxay leeyihiin?

markaas ayuu wasiirkii yiri waxay leeyihiin inaad adiga dhahday qofkii ay dhinaciisa Deerada ka baxsato in kurka laga goynaayo.

Markaas ayuu boqorkii yiri waxaa igu ballan ah inaan keeno kadibna asiga iyo faraskiisii iyo Shimbirtii ayaa baxeen wuxuu socdoba wuxuu arkay Deeradii wuxuuna sii daayay Shimbirtii taasoo iyadana indhaha kaga dhagtay deeradii si uu boqorka uqabto.

kadib ayuu boqorkii deeradii qabtay markaas ayuu qalay oo maqaar siibay wuxuuna soo qaatay maqaarkeedii iyo

madaxeedii.

Waqtigana wuxuu ahaa mid aad ukulul cabaar markey socdeen ayay oon dareemeen markaas ayuu boqorka hareeraha fiiriyay wuxuuna arkay geed ay biyo kasoo burqanayaan.

Markaaas ayuu boqorkii ubadiisii lasoo baxay oo biyihii ku shubay wuxuuna damcay inuu cabo hasa yeeshee waxaa kusoo booday shimbirkii oo ka daadiyay, markas ayuu boqorkii isdhahay asigaa aad u oomanee bal sii, biyihii ayuu markale soo shubay oo uu shimbirkii hoos dhigay balse shimbirkii biyihii ayuu daadiyay, kadibna ayuu boqorkii oo yaaban mar sadaxaad soo shubay oo faraskii siiyay, balse waxaa markale daadiyay shimbirkii.

Markaas ayuu boqorkii aad uxanaaqay asigoo shimbirka ku qeyliyay wuxuuna dhahay wahi hadaad markaale daadiso seeftaan ayaan kula dhacayaa, wuxuuna soo shubtay biyihii asigoo cab isleh ayaa hadana waxaa daadiyay shimbirkii.

Markaas ayuu Boqorkii xanaaqay oo shimbirkii seeftii ku dhuftey dhulkana

kudhacay, balse wuxuu arkay boqorkii shimbirkii oo madaxa wax ugu ishaarayo asigoo nafta kasii baxayso sida inuu leeyahay geedka korkiisa fiiri, markaas ayuu boqorkii geedka korkiisa fiiriyay mise waxaaba saaran abeeso aad uqaro weyn waxaan shubmayana waa sunteedii.

Markaas ayuu boqorkii aad uga shalaayay iskana ooyay shimbirkiina halkii ku dhintay.

Marka Wasirow ma waxaad rabtaa inaan noqdo sidii Boqorkaas oo aan dilo ninkii Daaweeyay kadibna hadhow ka shalaayo??

markaas ayuu wasiirkii yiri Boqorkeygoow aniga hadal kasta oo aan kudhaho inuu sax yahay gadaal ayaad ka ogaan doontaa hadii aad hadalkeyga iga yeesho waxaa laga yaabaa inaad bad-baado, balse hadaad taladeeyda iga diido oo aadan ka takhalusin xakiim rooyaan waxaad u halaagsami doontaa sidii uu uhalaagsami rabay amiirkii ugaarsiga jeclaa.

markaas ayuu boqor yonaan yiri oo maxay aheyd sheekadii amiirkaas .

Markaas ayuu wasiirkii hadalkiisa ku

bilabay : boqoroow waxaa jiray boqortooyo
waa hore jiri jirtay,

boqorka ka taliyana wuxuu dhalay wiil
kaasoo aad ujeclaa ugaarsiga.

Maalintii dambe ayuu ugarsi ubaxay kadib
ayuu wadadii ka dhumay asigoo jidka
kaligiisa socda ayuu wuxuu arkay gabar
jaariyad ah oo jidka kaligeeda fadhiso
markas ayuu wareystay waxayna usheegtay
iney la socotay safar qoyskeeda ahaa oo
ayna ka dhuntay una baahantahay inuu
caawiyo .

Markuu hadalkeeda maqlay ayuu naxariis
dareemay wuxuuna go,aansaday inuu
caawiyo wuuna sii waday ilaa ay kasoo
gaareen meel xeeb ah oo bada udhow,
markaas ayay ku tiri inta wax yar igu sug
xaajo ayaan soo gudanaa.

kadib ayay ka tagtay lkn iyadoon ogeyn
ayuu soo daba kacay balse yaabka waxay
ahayd markuu arkay iyadoo caruur la joogto
kuna dhaheyso ” waan idiin imid waxaana
idiin keenay wiil aad ucayilan”

markii amiirkii hadalkii maqlay ayuu aad

unaxay naftiisana ubaqay, asigoo isla markiiba faraskiisii kusoo dhacay meeshiina kasoo cararay oo uu sidaas ku bad-baaday.

marka boqorow waxaan ka baqaa in sidii wiilkaas amiirka ahaa ee gabadha jaariyada dad cunka aheyd uu caawi isdhahay u haligi gaartay inuu adna xakiim rooyaan maanta saasoo kale kuu haligo, waxaadna ogaataa in ninkaan maanta shey aad qabatay haduu kugu daaweeyo uu barina shey aad urisay kugu dili karo waxaana laga yaabaa inuu yahay jaajuus ay cadowgaaga kuusoo direen si uu kuu dago ee aniga waan kuu naseexeyne ka takhalus.

Markaas ayuu boqor yoonaan yiri wallee waa runtaa oo hadii maanta shey aan taabtay igu daaweeyay waa macquul in barina shey aan uriyay uu igu dilo, waxaana laga yaabaa sidaad sheegtay inuu jaajuus yahay

QEYBTII 9aad.

Sheekadii waxay noo mareysay qeybtii hore markuu wasiirkii ku yiri Boqor Yoonaan ninkaan Xakiim rooyaan ah hadii uu maanta

kugu daaweeyay shey aad qabatay maxaa diidayo inuu barina kugu dilo sheey aad urisay???

Markaas ayuu boqor yoonaan yiri wlhi waa runtaa waana arin macquul ah, waxaana laga yaabaa inuuba jaasuus yahay sidaad sheegtay.

Markaas ayuu boqor yoonaan ku yiri waziirkiisa oo hada maxaa talo ah oon ka yeelnaa ninkaan?

Markaas ayuu wasiirkii ugu jawaabay: isla waqtigaan la joogo qof udir una sheeg inuu kuu yimaado, oo haduu yimaado kurka ka gooy shartiisana iska xir ileen biyo inteysan kusoo gaarin baa la iska moosaaye, markaas ayuu boqor yoonaan sidii sameeyay, wuxuuna udiray qaar askartiisa kamid ah weyna keeneen, asigoo faraxsan oo khabaar moog iska ah.

Markii lakeenay, ayuu Boqor Yoonaan yiri ma ogtahay sababta halkaaan aan hada kuu keenay??

markaas ayuu xakiim Rooyaan yiri cilmul-qeybka Alle unbaa og, markaas ayuu

boqorkii yiri waxaan kuu keenay inaan ku dilo, kuna daldalo.

Markaas ayuu xakiim Rooyaan yaabay aad ayuuna uyaabay markuu hadalkaas maqlay, wuxuuna yiri ” maxaan galabsaday oo igu dileysaa??

Markaas ayuu boqor yoonaan yiri “waxaa isoo gaartay inaad jaasuus tahay, halkaana aad utimid inaad idisho, waana igu qasab inaan ku dilo intaadan idilin”, markaas ayuu boqorkii amar ku siiyay askartiisii iney qoorta ka gooyaan.

Markaas ayuu odaygii xakiimka ahaa ku yiri boqorkii “boqorow iska key daa alle ayaa ku deyn doonee wuuna baryay sidaan aniga kuu baryay cifriityahow (odaygii kalluumaysatada ahaa sheekada waday ayaa wuxuu lahadlayaa cifriitkii sanduuqa ku xirnaa)

Markaas ayuu boqor yoonaan yiri “aniga kuguma aamin qabo waayo waxaad shalay igu daaweysay wax aan qabtay waxaana macquul ah inaad barina igu disho waxaan carfiyay marka waa inaan kaa takhalusaa”

Markaas ayuu xakiim rooyaan yiri ” ma sidaan ayaad igu abaal marineysaa wanaagiina xumaan iigu badaleysaa?

Hase yeeshee boqorkii go,aankiisii ayuu ku adkeystay markaas ayuu xakiim rooyaan markuu yaqiinsaday in la dilaayo yiri waxaan kaa codsanayaa intaadan idilin ka hor inad ii ogolaato inaan gurigeyga ku laabto oo ehelkeyga soo macsalaameeyo una soo dardarmo, sidoo kalana aan soo hibeeyo kutubteyda cilmiga ka buuxaan waxaana ku jiro kutaab aad ufiican khaasna ii ah kaasoo aan adiga si khaas kuugu sii hadiyeyn doono maadaama uu kitaab muhiim ah yahay.

Markaas ayuu boqorkii yiri waa maxay kitaabkaan muhiimka ah?

Markaas ayuu xakiimkii yiri waxaa ku jiraan ood ka heleysaa waxyaabo aan halkaan kusoo koobi karin iyo siro aad ubadan,

Markii aad aniga madaxa iga goysana oo aad akhriso sadax baal oo kamid ah baalasha kitaabkaas midkasta sadax sadar oo kamid ah, madaxeyga wuu kula hadli doonaa asigoona kaaga jawaabi doono

su,aal kasta oo aad weydiiso”

Markaas ayuu boqor yoonaan aad uyaabay wuuna rumeysan waayay hadalka xakiim rooyaan asigoona ku yiri oo hadaan madaxa kaa gooyo miyuu awood usii yeelanaa inuu ila sii hadlo?

Markaas ayuu xakiimkii yiri haa waana arin cajiib ah soo ma ahan. kadib aya Xakiimkii loo waday si uu reerkiisa usoo sagootiyo, maalintii ku xigtay oo aheyd maalintii la dili lahaa xakiimka ayaa asigoo la wado lakeenay waxaana yimid boqor yoonaan oo ay la socdaan dhamaan madaxdii dowladiisa oo inta badan ka xumaayeen in ninkaas boqorka abaalka ugalay la dilo.

Kadib ayuu xakiimkii boqorkii soo hordhigay kitaabkii wuxuuna dalbaday baaquli ama saxan weyn waana loo keenay markaas ayuu boqorkii udhiibay kitaabkii wuxuuna ku yiri markii aad madaxa iga goyso kurid weelkaan su,aashaa doontana wuu kaaga jawaabayaa.

Markaas ayuu boqor yoonaan soo qabtay kitaabkii wuuna kala furay lkn warqadihiisii aad ayay isugu dhaganaayeen sidaas

darteed ayuu gacantiisa candhuuftiisa mariyay asigoo ku kala bixinaaya warqadihii isku dhaganaa, markuu sii maraayay ilaa lix baal oo uu waxna buugii ka arki waayay ayuu boqorkii dareemay inuu tabar dhigay istaagana ka dhacay sababta ma taqaanaa cifriityahow? sababtu waxay tahay kitaabka uu xakiim rooyaan meesha keenay wuxuu ahaa kitaab sumeysan boqorkana markuu gacantiisa afka galinaayay oo uu candhuufta marinaayay ayay sunta jirkiisii gashay isla goobtii ayuuna ku dhintay.

Marka cifriityahow boqorkaas haduu xakiimka faraha ka qaadi lahaa wuu bad-baadi lahaa lkn wuu diiday inuu faraha ka qaado asiga ayaana dhintay wuxuuna Xakiim Rooyaan meeshaas ka tiriyay tixi gabay oo micnaheedu yahay.

way xukmiyeen wuuna la dheeraaday, iyagoon ogeyn ineyba yartahay waqtiga xukunkooda, hadey cadaalad fali lahaayeen waa loo cadaalad fali lahaa, lkn wey xad-gudbeen iyagana waa lagu xad-gudbay, waqtigana wuxuu udiyaariyay afooyin badan iyo mixnad, waxayna noqdeen iyagoo carabkoodana ku heesa tan anagaa isku keeney shalaayse wax ma tarto. waxayna

ogaatay shaharzaad in subaxii lagaaray
hadalkiina wey joojisay.

HABEENKII 6aad.

Habeenkii xigay shahrzaad waxay sheekadii
ku bilowday boqoroow waxaad ogaataa
markii odaygii kalluumeysatada ahaa
Cifriitkii uga sheekeeyay sheekadii boqor
yoonaan iyo xakiim rooyaan ayuu wuxuu
odaygii kalluumeysatada yiri cirfiityahaow
hadii aad iska key sii deyn laheyd waad
bad-baadi laheyd lkn waxaad go,aansatay
inaad idisho allana dhagartaada waa iga
qabtay waxaadna noqotay sidii boqor
yoonaan oo kale anigana hada meeshaan
kaama bixinaayo waxaana kugu tuuri
doonaa moolka bada ilaa aad ka dhimatana
meeshaas ayaad ku jireysaa.

Markaas ayuu cifriitkii yiri ninyahow ixsaan
ii fal oo xumaanteydii wanaag iigu badal
hana sameynin siduu umaama ku
sameeyay caatikah..

Markaas ayuu odaygii kalluumeysatada
ahaa yiri oo muxuu sameeyay??

markaas ayuu Cifriitkii yiri anigoo halkaan

maxbuus ku ah kaagama sheekeyn karo ee
iga fur oo iga bixi halkaan anigana waan
kaaga sheekeyne waxaana igu ballan ah
inaan waxba ku yeelin balse taas
badalkeeda faa,iido kuu noqdo”

Laakiin odaygii uu ka diiday wuxuuna yiri
hadaad markii hore idhaafi laheyd dhibkaan
dhan ma imaadeen marka anigana aamin
kuguma qabo.

Cifriitkii ayaa markaas ubalan qaaday
inuusan waxba yeeli doonin asigoo ugu
dhaartay inuu faraha ka qaadi doono.

Markii ballantaas qaaday ayuu odaygii
go,aansaday inuu ka furo meeshuu ku
xirnaa asigoo ballantaas isku haleynaya
wuuna ka furay, laakiin markuu jinkii
meeshii kasoo baxay ayuu inta sanduuqii
qabtay bada moolkeeda ku tuuray.

Odaygii kalluumaysatada ahaa ayaa isku
naxay wuxuuna isdhahay tan calaamad
kheyr leh ma ahan in la dilaayana wuu
yaqiinsaday markaas ayuu cifriitkii ku yiri ”
cifriityahow allaah wuxuu yiri ballanta hala
oofiyo anigana waxaad iga ballan qaaday
inaadan waxba iyeeli doonin ee iska key sii

daa”

Markaaas ayuu cifriitkii qoslay wuxuuna ku yiri kalluumaysatadii isoo raac wuuna waday siduu uwaday ayuu wuxuu geeyay meel magaaladii ka baxsan oo ay ku taalo barkad biyo ku jiraan wuxuuna jinigii odaygii ku dhahay shabaqaaga barkadaan ku tuur wuuna ku tuuray mise waxaaba kasoo baxday afar kalluun oo kala midab ah kalluunkastana midab gooni ah ayuu wataa noocooda oo kalana horay uma uusan arkin, odaygii kalluumaysatada ahaa aad ayuu ula yaabay arintaas markaas ayuu cifriitkii yiri ” maalinkasta halmar shabaqaaga ku tuur wixii kuusoo baxana qaado kadibna boqorka magaalada kalluunkaas ugey wuxuu kaa siisan doona qiimo aad ufiicane qofna ha usheegin wixii na dhexmareay iyo meeshaan aad kaluunka ka dabataba”

Kadibna cifriitkii lugtiisa ayuu dhulka ku garaacay weyna kala dilaacday asigoona dhex galay.

Ninkii odayga ahaa sidii ayuu yeelay oo kaluunkii ayuu qaaday wuxuuna ugeeyay boqorkii magaalada kadibna boqorkii aad

ayuu ula yaabay kalluunkaan cajiibka ah ee aan noociisa horay loo arkin wuxuuna amray in odaygii lacag fiican la siiyo sidii ayaana lagu siiyay, kadib boqorkii wuxuu kalluunkii udhiibay waziirkii dhanka cuntada qasriga uqaabilsan asigana wuxuu usii dhiibay jaariyad boqortooyada ku cusbeyd oo markaas uu boqorka roomaanka usoo hadiyeeyay.

Markaas ayay jaariyadii kalluunkii qaaday oo jigadii geysay markii ay dabkii saartay ayaa waxaa daaqada jikada soo istaagtay gabar jini ah oo aad ula bisan waxayna dhahday ” kalluunyahow wali ma ballantii ayaad kujirtaa??” markaas ayuu kalluunkii inta madaxa soo qaaday yiri HAA.

gabadhii jaariyada markey aragtay arintaas ayay suuxday

QEYBTII 10aad

Waxay sheekada noo mareysay qeybtii hore markey Gabadhii Jaariyada aheyd Kalluunkii jikada soo galisay, oo markay dabka saartay gabar jin ah daaqada soo istaagaty kadibna gabdhii jaariyada aheyd suuxday.

Markaas ayay gabadhii markey soo naaxday aragtay kaluunkii oo gubtay iyadoo naxsan ayaa waxaa uyimid waziirkii wuxuuna ku yiri aaway kaluunkii?? markaas ayay jaariyadii uga warantay waxay aragtay oo dhan.

Wasirkii ayaa yaabay wuxuuna uwacay ninkii kalluumeysatada ahaa wuxuuna ka dalbaday in afartii kalluun kuwa lamid ah markale keeno, markaas ayuu ninkii kalluumeysata ahaa baxay oo barkadii tagay wuxuuna soo dabay kaluunkii asigoona ukeenay wasiirkii.

markaas ayuu waziirkii kalluunkii udhiibay jaariyadii asigoona ku yiri bal toogtaan anigoo ku arkaayo kari.

Markaas ayay jaariyadii kalluunkii qabatay oo dabkii saartay balse markey dabkii saartay ayaa waxaa sidii hore oo kale daaqada jikda soo istaagtay gabadhii jinka aheyd iyadoo kalluunkii ku tiri “kalluunyahow wali ma ballantii horaad kujirtaa?”

markaas ayuu kalluunkii inta madaxa kor

usoo qaaday yiri HAA HAA.

HABEENKII 7aad.

Markuu waziirkii arinkii arkay ayuu wuxuu yiri arintaan waa arin aanan laga aamusi karin waana inaan boqorka usheegaa.

markaas ayuu boqorkii usheegay boqorkii markii loo sheegay wuu aamini waayay wuuna rumeysan waayay wuxuuna dhahay indhaheyga inaan ku arkaan rabaa, markaas ayaa waxaa loo wacay odaygii kalluumaysatada ahaa kalluunkii ayuuna keenay kadibna boqorkii wuxuu waziirkii ku dhahay toogtaan adiga kari kalluunka Wasiirkii ayaana kalluunkii dabka saaray lkn sidii markii hore dhacday oo kale ayaana dhacday , boqorkii markuu arkay ayuu wuxuu yiri kalluunkaan xaalkiisa uma bogin ee hala ii keeno ninkii laga soo gaday markaas ayaa waxaa loo geeyay odaygii kalluumaysatada ahaa, markii laweydiiyayna wuxuu tilmaamay inuu kasoo dabay barkad udhow buurrta heblaayo,

Markaas ayuu boqorkii yiri imisa maalmood ayaa barkadaas loo soconaa, lkn odaygii wuxuu ku jawaabay boqorow nus-saac

kama badna.

Boqorkii hadalkaas aad ayuu ula yaabay wuxuuna amar kusiiyay in ciidankiisa oo dhan soo baxaan asigoo soo aaday meeshii loo tilmaamay waxaana soo raacay ninkii kalluumeysatada ahaa oo jinigii habaaraya, sidii loo socday markii barkadii latagay oo ay wada arkeen ayaa dadkii yaabeen waxayna la yaabeen barkadaan meesha ku ooli jirin iyo kalluunkeeda kala nuuca ahba.

Markaas ayaa boqorkii inta dadka ka dhex kacay yiri “war maijraa qof barkadaan horay u arkay?”

markaas ayay waxay dhaheen maya boqorow.

Markaas ayuu boqorkii yiri “waxaa igu ballan ah inaan boqortooyadeyda unoqon kuna fariisan carshigeyga anigoon soo ogaanin xaqiiqda ka damabeysa barkadaan iyo kalluunkeedaba”

Markaas ayuu boqorkii amar ku siiyay ciidanka iney meesha dagaan, kadibna wuxuu uwacay waziirkiisii kaasoo ahaa mid aad ucaqli badan wuxuuna ku yiri ” waxan

go,aansaday inaan kaligeey baxo oon qofna iraacin soona ogaado xaalka barkadaan iyo xaqiiqdeedaba, marka adiga waxaad sameyneysaa waxaad hor istaageysaa teendhadeyda qofna uma ogolaaneysid inuu soo galo una sheeg qofkii ubaahan inuu i arko inaan mashquulsanahay ilaa aan kasoo laabanayo”

Markaas ayuu waziirkii sidii yeelay, markaas ayuu boqorkii habeenkii saqdhexe guureeyay wuxuu socdaba markuu mudo maalmo ah safarka ku jiray ayaa maalintii dambe wuxuu kusoo baxay qasri aad umadow lagana sameeyay dhagaxaan aad umadow wuxuuna leeyahay labo albaab oo midkood furnaa kan kalana xirnaa, markuu boqorkii arkay ayuu aad ufarxay wuxuuna isdhahay waxaa laga yaabaa qof kuu warama inaad ka hesho, markaas ayuu qasrigii hor istaagay albaabkiina garaacay idin ahaaan lkn wax u idmo ayuu waayay cabaar markuu garaacayay qof ka furana uu waaya ayuu markii dambe qasrigii galay.

Markaaaas ayuu layaabay quruxda iyo bilicda qasriga wuuna ku dhex wareegay xoogaa lkn qofna wuu ka waayay waxaana qasriga ka buuxay alaab iyo maacuun ka sameysan

dahab wax joogana malahan meesha.

Cabaar markuu qasrigii ku wareegayay qofna ka waayay ayuu markii dambe meel iska fariisatay asigoo yaaban, lkn wax yar kadib ayuu shanqar sidii qof xanuun haayo maqlay markaas ayuu boqorkii soo aaday dhankii uu shanqarta ka maqlay mise waa wiil sariir kor saaran go,na huwan murugna ka muuqato, markaas ayuu boqorkii wiilkii salaamay, markaas ayuu wiilkii salaantii ka qaday markuu xaal wareystay ayuu wuxuu boqorkii yiri waxaan rabaa inaan su,aal kuweydiiyo, markaas ayuu wiilkii yiri iweydii,

Kadib boqorkii ayaa wiilkii uwaramay wuxuuna ka wareystay barkadii iyo inuu uga xaal waramo. wiilkii markuu hadalkii boqorka maqlay ayay ilin kasoo daadatay, asigoo aadna u ooyay, markaas ayuu boqorkii yiri maxaa kaa ooysiinaya wiilkeygiyoow? wiilkii ayaana ku jawaabay oo maxaanan u ooyay waayay iyadoo xaalkeygana sidaan yahay markaas ayuu wiilkii go,ii uu huwanaa iska qaaday.

mise wilka qaarka dambe wixii xudunta ka hooseeyo dhagax ayuu kayahay inta kalana

dad, markaas ayuu boqorkii yaabay kuna yiri wiilkii maxaa kugu dhacay oo xaalkaagan muxuu yahay.

Wiilkii ayaa markaas yiri boqorow waxaad ogaataa in buurahaan aad ujeedo ee afarta ah inta udhaxeeyso ay magaalo ahaan jirtay waxaana ka talin jiray aabaheyga mudo 70sano ah kadibna markuu dhintay anigaa xilka la wareegay waxaana guursaday ina adeertay oo aheyd gabar aad uqurux badan waxayna ii jecleyd si aad udaran waligeyna ma arkin qof sideeda oo kale ii jeclaaday heer waxay gaartay xitaa hadii aan ka maqanay waxba aysan cunin waxna cabin.

Gabadhaas waxaann qabay mudo 5sano ah, maalintii dambe ayaa waxaa dhacday cunto kariyihii ayaan ku amray inuu casho fiican noo diyaariyo kadibna waxaan uwacay labo jaariyadood si ay iigu riiriixaan , anigoo sariirta saaran iyagana ii riiriixayaan ayaan lulmooday oo hurdo iga imaaday lkn hurdo weyn ma aheyn oo ma gam,in markaas ayaan waxaan maqlay labadii jaariyadood oo sheekeysanaya.

Mid ayaa waxay tiri boqorkeena waa nin miskiin ah oo kama war haayo dhagarta ay

naagtiisa habeen kasta umaleegta waxay sameysaa habeenkii markuu casheynaayo ayay cabitaanka binji ugu dartaa kadibna markuu sariirta tago ayuu seexdaa hurdo uusan kasoo kici kiarin iyada wey baxdaa waxayna imaadaa subaxii hore iyadoo kadibna wax ku qiijsa si uu usoo kaco, markaan hadalkaas maqlay ayaan naxay hadana murugooday mana ujawaabin gabdhihii, kadibna habeenkii markii lagaaray oo aan casheynay ayaa sharaabkii la iikeenay lkn ma aanan cabin waxaana iska dhigay qof cabay waana seexday, cabaar kadib ayay naagteydii iisoo gashay iyadoo leh ” naga seexo oo waligaa hasoo kicin waanba ku nacee adiga iyo muuqaagaba”

kadib ayay labisatay labis kii ugu bilicda samaa weyna is carfisay iyadoona seefteediina sii qaadatay waxayna ka baxday.

Markaas ayaan kacay oo kadaba baxay iydoonan idareemin weyna socotay ilaa ay ka tagto magaalada albaabkeeda, markaas ayay waxay ku hadashay hadal aanan fahmin

QEYBTII 11aad

Waxay sheekada inoo mareysay markii wiilkii boqorka ahaa ee uu daba kacay naagtiisii taasoo markey albaabkii magaalada looga baxayay gaartay ku hadashay hadalo aanan la fahmin, kadibna waxaa furmay albaabkii weyna baxday, asigooo hadalka sii wado ayuu wuxuu yiri waan ka daba baxay iyadoon idareemin waxaan daba socdaba waxaay markii dambe gashay guri qasri u eg aadna usharaxan.

waxaa qasrigaas ku jiray wiil mado oo bishintiisa hoose digsi u egtahay halka tan korena digsigu daboolkiisa la moodo, wuxuuna afkiisa ku gurbinanayay dhagaxaanta yaryar ee quruurxa kuwaasoo dhulka daadsanaayeen, markuu arkay naagteydii oo usoo gashay ayuu wuxuu ku yiri ” naa hoogto maxaa kugu dhacay oo aad usoo daahday? saaxiibadey mar hore ayay inta baashaaleen kala tageen ana saacaan ayaan kaligey halkaan fadhiyaa”

Markaas ayay ku tiri “waad ogtahay sayidkeygoo inuu iqabo ina adeerkey

wajigiisa ha gubtee, hadaanan adiga kuu baqi laheynta magaalada mar horaan ka dhigi lahaa mid qariban waana baabi, in lahaa si ay isugu badasho meel dugaaga ku noolyihiin oo dadka ka caagan”

Markaas ayuu ku yiri ” naayaa beenley yahay aniga beentaas ha ii sheegin waxadna ogaataa hadii maanta kadib adoo xiligaan oo kale socotid aan ku arko inaana mardanbe ku taaban doonin khaa, inad yahay”

Markaan hadalkaas iyo bahdilaada loo geysanayo maqlay ayuu aduunkii oodhan ila madoobaaday ciil aad udarana wuu iqabtay naagteydiina waxay jilbaha ku dhagantahay ninkaas oo ay tuugeysaa iyadoo leh ” qalbigeygoow xabiibkii aan jeclaayow nuurkii indhaheygoow iwm”

ilaa uu ka raali noqday markaas ayay faraxday oo dharkii iska siibtay iyadoo weydiisatay waxay cunto markaas ayuu wuxuu utilmaamay weel ay wax kujiraan mise waaba lafo la dubay kadib inta cuntay ayay ninkii madoobaana hoosta ka gashay.

markaan arkay waxay sameysay naagteyda

ayaa wixii xanaaq aduunka ahaa inta
dareemay go,aansaday inaan labadoodaba
isku dilo waxaana la soo baxay seeefteydii
waxaana qoorta uga dhuftay ninkii anoo
umaleeyay inuu dhintay, markii shaharzaad
sheekadii halkaas marineyso ayay waxay
ogaatay in subaxii la gaaray markaas ayay
sheekadii joojisay.

HABEENKII 8aad

Wiilkii boqorka ahaa oo sheekadii sii wado
ayaa wuxuu yiri markii aan adoonkii
madoobaa seeftii ku dhuftay waxay uga
dhacday dhuunta iyadoo goysay maqaarkii
iyo hunguriga waxaana umaleeyay inaan
dilay meeshana waxay aheyd mugdi daran
oo si fiican la iskuma arkeynin, markaas
ayuu adoonkii khuuriyay kadibna naagteydii
ayaa soo booday oo qaaday inta wxa aanan
fahmin akhrisay, anigana anoo aad uyaaban
kana shakisan iney i aragtay iyo inkale
ayaan soo baxay waxaana imid qasrigii
waxaana iska dhigay qoaan waxba ogeyn,
markaas ayay subaxii ii imaaday iyadoo
xiran dhar madowna xiran waxayna igu
dhahday waxaa isoo gaartay in qof
qaraabadeena ka mid ah uu dhintay oo
dhanka hooyo iga soo galo marka tacsii

ayaa iitaaalo ee waxaan rabaa qubo yar
inaad iidhisto.

markaas ayaan ka ogolaaday anigoo ka xun
inaanan dilin iyada waxaana ku gaadayay
jaanis, balse markii dambe waxaan
ogaaday iney qubada ay dhistay ku heyso
adoonkii madoobaa oo dhaawaciisa aad
udarnaa.

Markaas ayaan soo qaatay seefteydii si aan
labadoodaba kurka uga gooyo, balse
markaan ugalay ayay hadal aanan fahmin
inta tiri ayay wax igu soo firjisay kadibna
sidaan aad ujeedo ayaan noqday oo qaarka
hoose ayaan dhagax ka noqday.

Naagteydii intaas kuma ekaanine waxay
sixirtay magaaladeydii oo dhan oo isku
badashay qaraabka aad hada ujeedo,
waxaana magaalada ku noolaa afar nuuc
oo dad ah kuwaasoo kala ahaa muslimiin,
yahuud, nasaaro, iyo majuus,
dhamaantoodna wey sixirtay iyagoo isku
badaleen afarta nooc ee kalluunka aad
sheegtay. ee barkada kujiray.

Intaas kuma aysan harine maalin kasta wey
ii imaan jirtay weyna igaraaci jirtay

galabtiina wey idaaweyn jirtay.

Markaas ayuu boqorkii wiilkii ku yiri
“murugtii iheysay waxaad iigu sii dartay
murug kale ee aaway naagta aaad
sheegeyso hada xagee joogtaa?”

Markaas ayuu wiilkii yiri waxay kujirtaa
qubadii oo maalinkasta u imaado ninkii
madoobaa ee dhaawaca ahaa kaasoo
aanan hadli karin wax dhaqaaq ahna
sameyn karin markasta oo ay kasoo
tagtana aniga ayay iciqaabtaa.

Markaas ayuu boqorkii yiri wlhi baanan
sidaan iyo xaalkaan kaaga tagi dooni wax
kasta oo aan awoodana waan kuu sameyn
doonaaa sidii aad naagtaan uga xoroobi
laheyd ugana aarsan laheyd, kadubna wiilkii
ayuu la fariistay ilaa waabarigii, markuu
waagii barayay ayuu boqorkii dharkii
dhuuqsaday seeftiisiina labaxay wuxuuna
galay qubadii balse ninkii dhaawaca ahaa
unbuu ugu tagay markaas ayuu kurka ka
gooyay kadibna inta soo jiiday kudhex riday
ceel meesha ku yaalay.

kadib ayuu boqorkii dharkii adoonkii
madoobaa inta gashtay go,iisiina huwaday

seeftiina hoosta gashtay ayuu sariirtiisii
seexday, waxyar kadib waxaa imaaday
naagtii markii hore waxay ugashay wiilkii
boqorka ahaa ee lugaha dhagaxa ka ahaa
markaas ayay garaacday waliba si xun
ugaraacday kadibna waxay ugashay
boqorkii oo kujira qubadii asigoo isaga
dhigaya adoonkii madoobaa inta go,iina
huwan.

markay ugashay ayay waxay ku tiri ”
sayidkeygoow ila hadal maalintii dhibkaan
kusoo gaaray ilaa iyo hada waan
murugeysanahay farxaeyda adiga ayay
kugu xirantahay e halmar oo kaliya ila
hadal” markaas ayuu boqorkii hadal daciif
ah kula hadlay oo ay fahmi weysay markii
ay maqashay ayay aad ufaraxday weyna
rumeysan weysay kadib ayuu cod daciif ah
ku yiri “aniga waxaan la caafimaadi la ahay
waaa cuqabada ninkaaga ee hadaad rabtid
inaan caafimaado sixirka aad ku xirtay ka
furu farahana ka qaad”

markaas ayay naagtii oo aad ufaraxsan tiri
waayahay isla hada ayaa ka qaadaa
markaas ayay inta sixirkeedii akhrisay wiilkii
boqorka ahaa sixirkii ka furtay.

markaas ayuu wiilkii sidiisii hore kusoo noqday kadib inta lahadashay ayay ku tiri isaga tag meeshaan yaanan ku arkin markale. markaas ayuu wiilkii meeshii ka tagay.

kadibna inta qubadii soo gashay ayay tiri “sayidkeygow go,a iska qaad aan ku arkee”

markaas ayuu boqorkii yiri “adiga maxaad suubisay faracii bas ayaad iga daaweysay iyadoo asalkiina ka tagtay?

ma sidaan ayaad igu jeceshahay?

markaas ayay ku tiri “waa maxay asalka aan ka tagay bal iisheeg”

markaas ayuu boqorkii yiri ” adiga markii aad dadkii magaalada daganaa wada sixirtay oo aad kalluun ku sixirtay maalintaas ilaa iyo hada habeen kasta wey ihabaaraan ee hadaad rabtid inaan caafimaado iyagana sixirka ka fur”

markaas ayay inta soo baxday oo sixirkeedii akhrisay magaaladii sideedii kusoo celisay oo dadkii halkii ay nolosha umereysay kasii wateen.

kadib ayay iyadoo faraxsan boqorkii usoo gashay markaas ayay ku tiri sayidkeygow ii ogoloow inaan kuusoo dhawaado oo gacantaadana dhunkado

markii ay sheekadii halkaas mareysay ayay shaharzaad ogaatay in subaxii lagaaray.

HABEENKII 9aad.

kadib ayuu boqorkii markay ka codsatay iney usoo dhawaato si ay gacanta uga dhunkato ayuu dhahay soo dhawoow markey udhawaatayna seeftii hoosta ugu jirtay inta lasoo baxay wadnaha kaga suray asigoo dhabarka kasii bixiyay kadibna labo qaar ukala jaray.

markuu dilay naagtii ayuu qubadii boqorkii kasoo baxay waxaana ka hor yimid wiilkii boqorka ahaa oo aad ufaraxsan. halkii ayuu boqorkii ugu mahad celiyay wuxuuna weydiiyay “ma boqortooyadaadii ayaad ku noqoneysaa mise halkaan ayaad joogeysaa?”

markaas ayuu boqorkii yiri waxaan kasoo tagay ciidankeygii oo meel cidla ah joogaan

marka waa inaan dag-dag ugu laabtaa.

markaas ayuu wiilkii boqorkii weydiiyay
imisa ayaad umaleysaa iney
boqortooyadaada kuu jirto?

wuxuu boqorkii ku jawaabay labo ilaa sadax
maalin kama badna.

markaas ayaa waxaa dhoola cadeeyay
wiilkii boqorka ahaa asigoo ku yiri boqorkii
weynaa “magaalada aad iisheegtay waxay
inoo jirtaa oon usoconeynaa mudo bilooyin
ah sababta aan sidaan isugu soo
dhawaanayna waa sixirka uun ee halkaan
nala joog in mudo ah waxaana kuu ballan
qaadayaa inaan magaaladaada si nabad
galyo ah kugu geeyo

QEYBTII 12aad.

Waxay sheekada inoo maraysay markii
boqorkii loo sheegay inuu magaaladiisa
loo socon doono mudo bilooyin ah.

kadib boqorkii in mudo ah ayuu wiilkii
boqorka ahaa lasii joogay.

Mudo markey kasoo wareegatay waxaa la go,aansaday in boqorka la galbiyo oo boqortooyadiisa la geeyo,

sidii ayayna isku soo raaceen labadii boqor iyo askartoodii waxay jidka kusoo jiraan mudo bilooyin kadib waxay imaadeen halkii ay joogeen ciidankii boqorkii weynaa oo sey boqorka usugayeen qaati billaah taagnaa, halkaas ayaa labadii boqor lagu soo dhaweeyay waziirkiina waxaa looga waramay sheekadii ka dambaysay afartii kalluun aheyd ee kala nooc ahaa iyo barkadii biya aheyd, kadibna waxaa loo wacay odaygii kalluumeysatada ahaa ee sabab unoqday in magaalo dhan sixirka la qaado .waxaan la wediiyay xaalkiisa iyo hadii caruur iwm ujoogaan wuxuuna sheegay inuu xaaskiisa iyo labo gabdhood uu dhalay la noolyahay, markaas ayaa gabdhihii mid kamid ah loo guuriyay wiilkii boqorka ahaa halkii gabadhii kalana uu guursaday boqorkii weynaa sidaas ayuuna odaygii kalluumeysatada ah ku noqday sodoga labo boqor oo kamid ahaa boqoradii ugu waaaweynaa aduunka waqtigaas.

Markaas ayay markii ay sheekadii

dhameysay shaharzaad tiri waxaase ka yaab badan sheekadaan tii xamaaligii iyo gabdhihii.

markaas ayuu booqrkii yiri oo maxay aheyd sheekadaasna

SHEEKADII XAMAALIGII IYO GABDHIHII

wuxuu ahaa wiil dhalin yar muuqaal dabiici leh aadna ubilicsan. Ikn wuxuu ahaa wiil iska danyar oo aan waxba heysan wuxuuna ku noolaa magaalada baqdaad sidaas darteeda nolol maalmeedkiisa wuxuu ku dhacsan jiray xoogiisa oo wuxuu ahaa xamaali dadka suuqa usoo adeeg doonta alaabtooda uqaada.

maalintii dambe ayaa waxaa dhacday asigoo aana wax shaqo heysnin suuqa iska dhex joogo kuna sintaacsan gaarigii uu alaabta ku qaadi jiray ayaa waxaa soo kor istaagtay gabar taasoo ku labisneyd dhar xariir ka sameysan aadna u asturan wayna waji dadneed.

Markas ayay inta xijaabkii wajiga usaarnaa iska qaaday (indho shareerkii) ku tiri ” soo qaado gaarigaaga oo isoo raac”

Markaas ayuu wiilkii kor madax usoo qaaday balse wuxuu arkay gabar aad uqurux badan oo indho madow leh korkeeda uu liisho yahay tilmaan kasta oo quruxdan leh, markaas ayuu xamaaligii soo qaaday gaarigiisii wuuna soo daba kacay ilaa ay ka imaaday albaab tukaan waxaayna tukaan lihii siisay labo diinaar iyadoo kasoo qaaday qiyaas xoogaa zeytuun ah waxayna udhiibtay xamaaligii, kadibna waxay utagtay nin miraha faakihada iibiyo waxayna kasoo iibsatay nooc kasta oo miro ah waxayna udhiibtay xamaaligii, kadibna waxay utagtay kawaanlihii waxayna ka iibsatay 10 rodol oo hilib ah iyadoona udhiibtay xamaaligii, kadibna waxay utagtay nin iibiya waxyaabaha carfa sida catarada miskigiga cuudka iwm waxayna kasoo iibsataya shumac iyo nooc kasta oo kamid ah waxyaabaha carfa.

markaas ayuu xamaaligii yiri wlhi hadaan ogaan lahaa inaad suuqa dhan wixii yaalay soo iibsaneysid waxaan soo kaxeysan lahaa baqasheyda . markaas ayay dhoolo cadeysay oo tiri isoo raac kadibna waxay utagtay ninka iibiya raashiinka iyo

cuntooyinka iyadoo dhowr nooc oo raashiin kasoo iibsatay.

Kadib siday usoo waday waxay keentay guri aad uqurux badan aadna loo sharxay muuqaalkiisa kore kusoo jiidanaayo, albaabkii ayay ugaraacday si tartiib ah asigoo isla markiiba furmay sidii inuu albaabka qof sii taagnaa oo la sugaayay .

.Markaas ayuu fiiriyay qofkii albaabka furay mise wuxuu arkay gabar aad uda,yar shaf yar oo taagana leh, waxayna laheyd indho u eg kuwa indhaha deerada, dhabano shuban, suniyo sidii bil hada dhalatay aad moodo, san dhuuban, af yar oo aad uqurux badan, waji u ifaayo sidii dayaxa oo kale, calool yar iyo dhex aad udhuuban, markuu wiilkii xamaaligii ahaa arkay gabadhaas wixii qurux aduunka ahaa kulansatay ayuu ku sigtay in alaabtii uu waday ka daadato markaas ayuu yiri ” cimrigeyga intaan noolaa ma aan arkin maalin maanta ka barako badan”

markaas ayay gabadhii labaad ee albaabka furtay tiri ” soo dhawaada”.

Markaas ayuu gurigii sii dhex galay asigoo

alaabtii wado kadibna waxaa loo sii gudbiyay qeyb sidii hoolka usameysan waxaana dhex taalay sariir lagu xardhay go, ka sameysan xariir aad uqurux badan waxaana sariirta ku fadhiso gabar iyadana ad uqurux badan oo leh indho buluug ah iyo joog aan caadi aheyn una qurux badan sidii meerayaaasha ifa iyo xidigaha habeenkii .

Markaas ayay soo istaagtay xoogaana soo socotay ilaa ay ka timid hoolka dhexdiisa waxayna tiri “maxaad u istaagsantihiin xamaaliga alaabta ka dajiya ” markaas ayaa labadii gabar ee kale alaabtii ka dajiyeen.

Markii xamaaligii alaabtii laga dajiyay ayay siiyeen 2diinaar, waxayna dhaheen waad fasaxantahay.

Markaas ayuu wiilkii fiiriyay gabdhihii hantida ay heystaan sidey uqurux badan yihiin iyo guriga quruxda badan ee ay ku nool yihiin, lkn waa kaligood oo wax niman ah lama joogaan, asigoo yaaban walina aanan bixin kana caga jiidaayo inuu baxo ayay gabdhihii ku dhaheehn maxaa kugu dhacay oo aad ubixi la,dahay.

Asigoo yaaban walina aanan bixin kana

caga jiidaayo inuu baxo ayay gabdhihii ku dhaheehn maxaa kugu dhacay oo aad ubixi la,dahay mise lacagtaa kula yaraatay??

Markaas ayay ugusoo dareen 2diinaar oo kale.

Markaas ayuu wiilkii ku jawaabay ” wahi lacagta aad isiiseen ilama yaraaninin weyna badantahay, lkn qalibigeyga ayaa idinka idinku mashquulay iyo xaalkiina waxaana layaab igu ah inaad idinkoo saan ah uusan wax nin ah idinla nooleyn, waadna ogtihiin guri kasta wuxuu ku tiirsanyahay tiir kaasoo ah ninka, gurigii aan tiir laheynta wuxuu qarka usaaranyahay inuu daqiiqad kasta dumo, naagaha nasiibkoodana wuxuu noqdaa mid dhameystiran markey nin heystaan oo naagtaan nin heysan nasiib malahan, idinka waxaad tihiin sadax waxaadna ubaahantihiin nin idin afareeyo, kaasoo ah caaqil geesi idin ilaaliyo idinna difaaco,”

Markaas ayay waxay dhaheen ” anaga gabdho ayaan nahay waana ka cabsaneynaa in siraheena qofkale ogaado waana dhibaato in sirtaada la ogaado sidii horay loo yiri qofkii sirtiisa dayaca

naftiisana wuu dayacay”.

Markaas ayuu wiilkii yiri “aniga xamaali oo kaliya ha ii maleunina waxaan ahay nin aqoon leh waxbadana og halkaana duruufta ayaa idhigtay waxaanse ahay qof wixii fiican muujiya wixii xuna qariya oo dadka sirahooda uxifdiya” wuxuuna utiriyay tix gabay ah oo micnaheedu yahay:

sirta ma qariyo qofaan lagu kalsooneyn
waxayse taalaa dadka akhyaarta agtooda,
iyadoo lagu qariyay guri qufulan,
furihiisiina waa hore dhumay.

Markey gabdhihii maqleen hadalkii wiilka iyo tixda gabayba ayay waxay dhaheen.

FIIRO GAAR AH:

Sheekada qeybtaan xoogaa waxaa ku jiro dareen badan marka hadii aad dareen dhawdahay waxaan kuugu naseexeynayaa inaadan akhrisan, waana sababta keentay inay xalay baaqato xalqadaan, kadib markii aan la tashanay akhristayaal badan waxaa noo soo baxday inaan sideeda ku daabacno maadaama ay tahay sheeko socoto oo haddii qeyb laga tago aysan micno yeelaneyn.

QEYBTII 13aad.

Waxay sheekada noo mareysay qeeybtii hore markii xamaaligii gabdhihii ku yiri aan idinla joogo waxaan ahay nin diin ceeb qarín doono idina difaaci doono sidoo kalana waxaad ubaahantihiin ayaan idiin qaban doonaa asigoona halkaas ka tiriyay tix yaroo gabay ah oo uu kaga hadlaayo siduu ugu fiicanyahay sirta heynteeda.

Markey gabdhii maqleen hadalkii xamaaligi iyo tixdii gabayga aheyd iyo qaabka uu uqanciyay wiilka ayay ka ogolaadeen inuu la joogo laakiin hal shardi ayay ku xireen

taasoo aheyd:

Hana weydiinin waxaanan ku quseynin
waayo waxaad la kulmi doontaa waxaan ku
raali galin.

Wiilkii wuu ogolaaday hadalkooda.

Markaas ayay gabadhii koowaad istaagtay
wiilkiina gacanta soo qabatay weyna waday
iyadoo geysay musqusha kadibna waxay ku
amartay inuu qubeysto oo uu is nadiifiyo
waxayna siisay wax kasta oo uu ubaahnaa.

Kadib markii uu soo qubeystay ayuu
gabdhihii uyimid iyagoo qadadii diyaariyay
markaas ayay si wada jir ah u qadeeyeen
markii la qadeeyay ayay midii 3aad soo
qabatay dhalo khamri ah oo meesha taalay
waxayna gabdhihii kale midkasta u shubtay
koob sidoo kalana wiilkii ayay u shubtay.

Markey cabeen oo khamrigii caqligooda
gaaray ayay sarqaameen ayay gabdhihii
wiilkii usoo dhawaadeen asigana wuxuu
isku maleeyaa inuu riyoonaayo wuuna aamini
la'yahay inuu gurigaan qasriga ah
saxdaan gabdhood ee sidaaan u quruxda
badan kaligiis la joogo.

Markaas ayay halkii dhunkasho qaniinyo ka bilaabatay waxyar kadib waxaa istaagtay gabadhii weyneyd waxayna iska wada siibtay dharkii ay gashneyd iyadoo barkad lagu dabaasho oo meesha ku taaalay gashay oo isku tuurtay.

Markaas ayay xoogaa inta dabaalatay biyihii barkada ku jireena afka kusoo qaaday kusoo shubtay wiilkii oo meesha fadhiya lana ciyaarayo gabdhihii kale, kadibna waxay ku laaabatay biyihii iyadoo si fiican isku dhaqday min madaxa dhabarka caloosha cajarada ilaa lugaha .

Markaas ayay iyadoo sidii uqaawan biyihii kasoo baxday waxayna ku fariisatay dhabtii wiilkii xamaaliga ahaa,

kadibna inta cajarada kala qaaday ayay wiilkii ku tiri iyadoo gacanteeda ugu ushaareyso farjigeeda “xabibiibi kan magaciisa iisheeg”

Markaas ayuu ku dhahay “Waa farjigaaga markaas ayay dhunkatay dhagtana ka qaniintay si qaniinyo tartiib ah kadibna inta qoorta ka qabatay ayay ku tiri “ma

xishooneysaa? hadaadan xishooneynin
magaciisa iisheeg”

Markaas ayuu kudhahay waa rixinkaaga

Markaas ayay inta sidii hore yeeshay
hadana ku tiri maya ee magac kale sheeg,

Markaas ayuu hadana yiri s.....kaaga kadib
ayay hadana tiri maya ee ii sheeg magaciisa
siduu marba magac ugu sheegayay ayuu
markii dambe yiri adiga iisheeg magaciisa.

Markaas ayay tiri waa mirihii beerta.

Kadib ayaaa tii labaad inta dharkii iska
siibtay biyihii gashay kadibna markey ku
qabeysatay ayay waxay kasoo baxday
iyadoo qaawan, kadibna waxay ku
fariisatay dhabtii wiilkii xamaaliga ahaa,
markaas ayay inta luga kala qaaday
wiilkiina farjigeeda gacanta usaartay ku
dhahday magaciisa iisheeg.

Markaas ayaa waxaa dhexmaray hadal
lamid ah sidii tii hore oo kale ugu
dambeyntii iyada ayuu ku dhahay
magaciisa iisheeg, markaas ayay ku tiri waa
biyihii Samsuum.

Kadibna tii sadaxaad ayaa kacday oo iyadana isla sidii yeeshay markaas ayay weydiisay isla magacii markaas ayuu ku yiri bal adiga iisheeg, waxayna ku tiri waa xeradii Abii Mansuur.

Kadibna wiilkii xamaaliga ahaa ayaa inta toogtiisa dharka iska bixiyay barkadii kusoo dabaashay.

HABEENKII 10aad.

markuu barkadii kusoo dabaashay ayuu asigoo qaawan kasoo baxay gabdhihii ayuuna uyimid inta soo kor istaagay ayuu ku yiri inta geedkiisii gacanta ku qabtay kan magaciisa??

markaas ayay qosleen waxayna dhaheen waa g....kaaga,

markaas ayuu dhahay maya eee iisheega magaciisa markasta oo ay magac sheegaanba midood inta soo qabto oo uu shumiyo ayuu dhahayay maya.

markii dambe waxay dhaheen adiga noo sheeg,

markaas ayuu dhahay “waa baqashii jazuur ee daaqday mirihii buundada cabtayna biyihii samsuum, kadibana ku hoyatay mooradii abii mansuur”

markaas ayay wada qosleen halkii ayaana la camirtay,

sidii maalintii oo dhan ubaashalayay wiilkii oo uu marba mid ufuulayay iyagana hoosta uga jireen dhidikiina meesha sidii biyaha uga da,ayay ayaa waxaa la gaaray habeenkii.

iyagoo faraxsan oo meeshii fadhiya ayaa albaabkii lasoo garaacay,

markaas ayay gaabdhiihii isfiiriyeen qofka saacaan albaabka gurigooda soo garaacay,

kadibna midood ayaa kacday si ay ufiiriso qofka albaabka soo garaacay

QEYBTII 14aad:

Waxay sheekadii noo mareysay markii willkii xamaaliga ahaa uu la raaxeystay gabdhihii sadaxda ahaa, kadibna habeenkii lagaaray oo iyagoo meeshii ku baashaalayo albaabka lasoo garaacay.

Markaas ayaa midoo kacday oo kadibna soo noqotay waxayna gabdhihii kale ku tiri ” waxaa irida taagan sadax nin oo cagam sacluug ah (sacluug waa eray carabi ah wuxuuna micnihiisu yahay in qofka faqiirnimo dhaafay qofkaasoo aanan laheyn maal ehel iyo meel uu uhoydaba) oona madaxyo xiiran isha bidixna la’san (ilbuun) waana dad qariib ah oo wadanka ku cusub waxayna ka yimaadeen dhulkii roomaanka, midkasta oo iyaga kamid ahna muuqaalkiisa hadaad aragto waad ku qosleysaa, waxayna rabaan caawo inaan marti soorno ee ma marti soornaa?”

Markaas ayay labadii kale dhaheen soo daa hasoo galaaneeee una sheeg shuruuda ineysan na weydiinin waxaan quseyn hadii kale ay maqli doonaan waxaysan jecleysan.

Sidii ayaana nimankii faqiiriinta ahaa kusoo galeen,

Markey soo galeen ayay waxay arkeen xamaaligii oo meesha fadhiya sidoo kalana sarqaansan markii hore waxay moodeen masuulka meesha lkn gadal ayay ka ogaadeen waxayna dhaheen ileen waa faqiir anagoo kale ah.

Markaas ayuu xamaaligii inta madaxa kor usoo qaaday nimankii ku yiri warjecli la,aan fariista mise waad ilowdeen shuruudaha aad halkaan ku joogtaan haka hadlin waxaanan ku quseynin waxaad maqli doontaa waxaadan raali ka aheyn, markaas ayay gabdhihii qosleen.

Kadibna cabaar ayaa la joogay oo lawada sheekeystayayaa xamaaligii ninmankii faqiiriintii ku yiri hadaad heesaha wax ka taqaanaan caawo wax noogu dhufta.

Markaas ayay bilaabeen iney heesaan halka gabdhihiina ciyaarayeen.

Habeenkaas waxaa sidii caadada aheyd magaalada wareegayay amiirkii mu❖❖❖miniinta HAARUUN AL-RASHIID iyo wazirkii

Jacfar iyo Masruur oo gacanyare u ahaa.

Waxaana Haaruun Al-Rashiid caado u aheyd inuu dad shacab ah inta iska soo dhigo magaalooyinka ku wareego is uu ula socdo waxa magalada ka socdo iyo dhaqdhaqaaqeedaba.

Kadibna waxay soo agmareen gurigii ay gabdhihii daganaayeen waxayna maqleen shanqartii heesta iyo ciyaarta ee guriga kasoo baxaysay.

markaas ayuu amiirkii mu'miniinta ubaaqay Jacfar si ay gurigaan caawo ugalaan una ogaadaan waxa ka socdo.

Waxyar kadib albaabkii ayay soo garaaceen iyagoo iska dhigayay iney yihiin niman tujaar ah oo gabalka meesha ugu dhacay.

Markaas ayaa albaabkii laga furay kadibna waa lasoo galiyay iyadoo sharad looga dhigay ineysan ka hadlin waxaanan quseynin hadii kale ay maqli doonaan waxaysan raali ka aheyn.

Sidii ayayna gurigii ku galeen.

Kadibna gabdhihii ayaa u adeegeen waxayna siiyeen waxay ubaahan yihiin, markuu haaruun al-rashiid arkay muuqaalkii nimankii faqiiriinta ahaa iyo quruxda uu gabdhaha alle siiyay ayuu la yaabay, kadibna waxaa loo keenay koob khamri ah balse wuu ka cudur daartay oo ma uusan cabin, markaas ayay gabadhii yareyd usoo hagaajisay cabitaan si khaas ah ay usmaeysay maadama uusan khamriga cabin wuuna uga mahad celiyay.

Cabaar markii la joogay ayay gabadhii weyneyd ee 1aad istaagtay waxayna xamaaligii ku tiri kaalay i caawi, markaas ayuu dhahay maxaan kuu qabtaa markaas ayay qol meesha ku yaalay oo maanta dhan xirnaa furtay, markaas ayuu xamaaligii arkay labo eey oo aad uwaaweyn oo qolka kujireen doofaarna aad umaleyso sidey uweyn yihiin owgeeed markaas ayay ku tiri ii qabo, kadibna wuu uqabtay una soo qaaday asigoona keenay hoolkii guriga.

Markaas ayay gabadhii 2aad istaagtay oo eygii madaxa ka qabatay halka tii sadaxaadna inta ul soo qaadatay aygii garaacday waliba si daran ayay ugaraacday iyadoo eeygiina uu qeylinaayo markaas

ayay hadana inta qabatay laabta galisay
ilintiina ka tirtay madaxiina ka dhunkatay
kadibna xamaaligii ku tiri orod oo eygaan
qaad meeshiisii ku celi oo tan kalana iikeen.

Markaas ayuu imaamkii haaruun al-rashiid
arintaas aad uga xumaaday wuxuuna
ubaaqay jacfar aan ka qabano oo aan
weydiino waxay sidaan kawadaan?

Markaas ayu Jacfar dhahay amiiral
mu,mininow yaanan iloowin in ay shuruud
nagu xireen marka aan sugno xoogaa.

Kadib ayay gabadhii 3aad istaagtay inta
sariirtii qurxaneyd ku fariisatay ayay labadii
kale ku tiri waxaad heysaan soo daaya, tii
koowaad sariirtii ayay la fuushay oo
madaxiina qabatay halka tii labaadna
tixdaan gabay utirisay:

Usoo celiya madaxeyga hurdadii laga
qaaday,

una sheega caqligeyga halkuu aaday,

waxaan ogaaday markaan raali kunoqday
jaceylka gurigiisa,

in hurdo uu seexdo madaxeyga laga saaray,

waxay dhaheen waxan kaa ballan qaadnay
inaad reer rashaad noqotid, ee maxaa ku
xad gudbiyay?

waxaan dhahay dhiigeyga la daadiyay
marmarsiiyo malahan.

waxaan idin leeyahay si kas ayaa loo
daadiyay,

qofkuuse Alle siiyo biyaha nolosha,

inta noloshiisa ka dhiman wuxuu ku qaataa
hoostiisa,

maxaadse ka aragtaa jaceylka waxaan kuu
sheegay,

markii laga reebo cabasho murug iyo
baroor,

waxaan sarqaamay waqti mase joogteynin,

hurdadiina wey iga janjeeratay janjeersi,

markaas ayay dharkii iska jeexday dhulkana
ku dhacday iyadoo suux

markaas ayay dharkii iska jeexday dhulkana
ku dhacday iyadoo suuxday,

Markaas ayuu khaliifkii arkay jirkeeda uu ka
muuqdo garaac iyo raad ul markaas ayuu
aad ula yaabay.

Kadibna waxaa kacday midii labaad oo biyo
ku shubtay gabadhii suuxsaneyd kadibna
dhar ukeentay una galisay.

Kadibna gabadhii xigtay aya kacday oo
iyadana sidii tii hore tix gabay tirisay
waxayna tiri.

Hadaan waxwalboo rabno ka dacwoono
maxaad kaleedahay?

ama udhimano jaceyl maxaa noo wado ah?

ama nala soo diro is aanwaxwalba usoo
ogaano,

maxay dacwadaas jaceyl ka tari?

ama aan sabarnoo inkastoo joogis jirin.

kadib markaan weynay dadkaan jecleyn

inyar mooyee,

waxaan murug iyo walbahaar ka aheyna ma
ahane,

iyo ilin ku hoobata dhabanadeena,

dadkaan ka maqanoow araga isheyda,

kana maqan dareenka qalbigeyga,

agteyda waqti iyo saacad midna kama
socdee,

mise waxaad ilwdeen kala
fogaanshaheena,

hadiise qiyaamo nala soo saaro waxaan
rajeyni,

in xisaabteena aysan dheeraanin.

Markaas ayay iyadana sidii hore oo kale
dharkii iska jeexday dhulkana ku dhacday
mise iyadana waxa jirkeeda ka muuqdo
raad ul sidii tii hore. markaas ayaa inta biyo
lagu shubay dhar loo galiyay

kadibna waxaa istaagtay midii sadaxaad

waxayna tiri:

ilaa goormee ayuu xanuunkaan iyo
jafaalintaan soconi,

xaqiiqdee qalbigeyga wuxuu ooyay kumase
filnaanin,

maxaad maqnaanshiyahaaga si kas ah iigu
dheereysay?

hadiisa dantaada tahay xaasidnimo waxba
kama qabo,

hadduu u gar sheegaayo waayahaan
caashaqeyga,

maba jiri doonto maalin la isku cadaalad
falay,

waligeyna kuu sheegan maaayo
dhaawaceygee

kii ka balan baxay ballantii iyo cahdigow,

xanuunkii ihaayay walbahaar kale iigu sii
daray,

alla maxaad balan qaaday iigana baxday?

muslimiinow digniintiina ka qaata waa
khaa,ine,

kun dhaar iyo kun been isdaba dhigee,

ma sharciga jaceylkaa ubaneeyay inuu
iduleeeyo,

wuxuuse igu kalifay nolol dhan.

Markaas ayay iyadiina dharkii iska jeexday
oo dhulkiina ku dhacday kadibna raadkii
usha jirkeeda kasoo muuqdeen.

Intey waxaas oodhan dhacayaan khaliifkii
haaruun alrashiid iyo dhamaan ninmankii
kale wey daawanayaan mana weydiin
karaan sidey wax ujiraan iwm.

Markaas ayaa faqiiriintii dhaheen maxaa
nasoo galiyay gurigaan walaahi qaab aan
hada u seexano manaqaano waxaana
indhaha lagama laaban karo.

Markaas ayuu khaliifkii ku yiri “oo idinka
gurigaan ma daganidiin miyaaa?”

Markaas ayay dhaheen maya gurigaan

caawo ayaa noogu horeeyo waxaana ugu nimid ninkaan xamaaliga ah”

Markaas ayuu xamaaligii yiri aniga xitaa caawo aya iigu horeyso.

Markaas ayay is dhaheen aan weydiino waxaan anga nahay 7nin iyagana waa sadax gabdhood oo kaliya hadii ay noo jawaabi waayaana qasab ayaan uga sheegsiineynaa.

Arinkaas ayayna isku raaceen si ay u ogaadaan waxa gurigaan ka socdo.

Markaas ayuu jacfar markale yiri “Aniga ra’yigaan ilama haboona gabdhahaana shuruud ayay nagu xireen weyna nasoo dhaweysteen marka inaan shuruuda uga baxno ma ahan waagana wax saacad kabadan kama harin ee aan ka joogno” markuu saas leeyahay wuxuu u baaqayaa khaliifkii muslimiinta wuxuuna hoos ugu sheegay “ha iska waalin subaxii waxyar ayaa ka dhiman dadkaana bari ayay hortaada wada imaan doonaa ee aan sugno”

Markaas ayuu khaliifkii diiday wuxuuna

dhahay iima harin wax dulqaad ah
daqiiqadna ma sugaayo oo waan
weydiineynaa,

Markaas ayaa hadana la isyiri yaa
weydiinaayo markaas ayay dhaheen
xamaaliga ileen asigaa guriga ugu soo
horeeyee iyagoo meshii ku shiraya ayaa
waxaa uyimaadeen gabdhihii waxayna ku
dhahee maxaad ka hadleysaan?

Markaas ayuu xamaaligii yiri “Allaan idinku
dhaariyee waa maxay xaalka eeyahaan aad
garaaceysaan kadibna dhunkaneysaan iyo
garaaca jirkiina ka muuqdo iyo waxa
gurigaan ka socda?

Markaas ayay gabdhihii dhaheeh idinkana
maxaad leedihiin xamaaliga waaba na
weydiiyee?

Markaas bey dhaheen dhamaantooda
markiii laga reebo jacfar waan la qabnaa
ra,yiga ee noo sheega.

Markey gabdhihii hadalkoodii maqleen ayay
waxay dhaheen” Wallahi waad na dhibteen
shuruud ayaan idinki xirnay, ee ma waxaa
idinkaga dartay marti soorka aan idiin

sameynay iyo inaan gurigeena idin soo galinay cuntadeenana idin siinay, danbiga idinka ma ahan ee waa qofkii idin soo dhaweystay”

Markaas ayay inta xanaaqeen lugaha dhulka ku garaaceen sadax mar,

Mise waxaa furmay albaab dhulka hoostiisa ku yaalay waxaana kasoo baxday 7nin oo adoomo ah aadna uxoog badan, waxayna wateen seefo af leh.

Sheekada waxay noo mareysay qeybtii hore markey Gabdhihii xanaaqeen oo sadax mar lugaha dhulka ku garaaceen ayaa waxaa kala furmay albaab dhulka hoostiisa ku yaalaya waxaana kasoo baxay todobo adoon oo aad uxoog badan sidoo kalana ku hubaysan seefo. markaas ayay gabdhihii ku amreen adoomadii in nimankaan xiraan kadibna kurka ka gooyaan.

HABEENKII 11aad.

Markaas ayay gabdhihii dhaheen ukaadiya oo siiya mudo hal saac midkastana sababta halkaan keentay iyo qisadiisa hala

weyddiyo kadibna kurka halaga gooyo.

Markaas ayuu wiilkii xamaaliga ahaa yiri
“waan idin baryaa aniga hala iga cafiyo
dilkaan wlihi nolol macaan oon dhib laheen
ayaan kujirnay kahor inteysan fuqaradaan
iyo tujaartaan baas noo imaan oo aduunkii
daba gadin balaayo haku dhacdee ee iska
key cafiya aniga wuxuuna tiriyay tix gabay
oo micnaheedu yahay, maxaa ka fiican in
qaadirka ku cafiyo, gaar ahaan markaadan
wax gargaare heysan, ee ha xarimina
kalgaceylkii dhexdeena yaalay, hana udilana
kan hore dhibkey keeneen kuwa dambe.

markaas ayay gabdhihii ku qosleen
maadaama uu si qosol badan hadalka
isugu duway iskuna difaacay, kadib waxay
dhaheen midkasta qisadiisa hanoo sheego
kadibna irida haka baxo halkaan dambana
yuusan kusoo laaban.

Waxaa istaagay xamaaligii wuxuuna yiri
aniga qisadeyda waa lawada yaqaanaa
waxaana iska ahay xamaali basiid ah, ilaa
aad idinka iiga imaadeen waxkake oo aan
wariyana ma jiraan.

Markaas bay ku dhaheen waad

fasaxantahay ee halkaan isaga tag
markalana yaanan lagu arkin. markaas ayuu
yiri maya wllhi baanan baxeynin anoon
maqlin sheekada nimankaan kale halkii
ayuuuna fariistay.

Markaas ayaa waxaa lasoo qabtay
faqiiriintii midkii koowaad waxaana la
weydiiday maxay tahay sheekadaaada
ishaada saan ahna maku dhalatay
maxaana sabab u ah in madaxaaga
xiirnaado iyo faqrigaan aad ku jirtid??

Markaas ayuu yiri aniga ilbuun kuma dhalan
sidaana ma aheyn waxaana iqabsatay
sheeko qariib ah oo hadaan ku qoro xitaa
irbad ay cibro unoqoneyso qofkastoo cibro
qaato

SHEEKADII FAQIIRKII KOOWAAD.

wuxuu hadalkiisii ku bilaabay:

Aniga waxaan ahaan jiray wiil uu boqor
dhalay waxaana jiray nin adeerkey ahaa oo
isna boqor kale ka ahaa magaalo kale,

aniga adeerkey inaan utago oon soo
booqdo wiilkiisana oo ahaa ina adeerkeey

lasoo ciyaaro aad ayaan ujeclaa,

inta badana waan booqan jiray waana utagi jiray.

Maalintii dambe ayaan adeerkey booqday wuuna isoo dhaweeyay asigoona isharfay kadibna waxaa dhacday waxaa ii yimid ina adeerkeey wuxuuna igu dhahay ina adeerow hal arin ayaan kaa codsanayaa ee ma iisameyneysaa markaas ayaan dhahay haa waana ka ballan qaaday inaan usameeyo wixii aan awoodo, markaas ayuu iwaday wuxuuna igeeyay meel quburo ah agteeda wuxuuna idhahay halkaan igu sii sug waan soo noqone, markuu in cabaar maqnaa ayuu soo noqday asigoo ay la socoto gabar xijaaban oo aanan la arkeynin kadibna god meesha ku yaalay ayuu qoday cabaar markuu qodayay ayaa waxaa so baxay albaab wuxuuna galiyay gabadhii kadibna wuxuu igu dhahay ” walalow hadii an ina adeerkaa ahay waxaan kaa codsanayaa inaad godkaan markii aan albaabka xirto igu daboosho oo kor ka duugto qofna usheegin waa codsi”

markaas ayaan ka ogolaaday oo sidii usameeyay, kadibna waxaan kusoo laabtay

qasrigii, subaxii markuu waagii baryay
ayaan soo kacay anigoo naxsan waana ka
murugooday inaan ina adeerkii godkii ku
xiray kadibna waxaa dhacday waan soo
baxay waxaana imid goobtii lkn meeshii
waan garan waayay saan uraadinayay ayuu
gabalkii iigu dhacay kadibna waxaan
ulaabtay qasrigii anigoon adeerkey waxba
usheegin ayaan subaxii dambe ku noqday
boqortooyadii aabaheyga anoo shalaay
daran dareemayo maxayse shalaay ii tari.

Kadib waxaa dhacday markii aan kusoo
laabtay magaaladii uu aabaheyga ka
talinaanayay ayaan waxaan magaalada ugu
imid jawi kale iyo iyadoo wax walba isku
qasan yihiin kadib ayaan dadkii wareystay
waxaana la iisheegay in aabaheyga la dilay
boqortooyadiina uu la wareegay waziirkii
iyadoo hadalkii la ii wado anigana
naxsanahay kana xumahay dilkii aabaheyga
loo geystay ayaa waxaa meesha yimid
ciidankii waziirka wayna iwadeen iyadoo la
iigeeyay waziirkii oo ay xurguf hore noo
dhaxaysay.

Waxayna aheyd anoo yar ayaa maalin
qasriga waxaa kusoo dagatay shimbir
anigana waxaa gacanta iigu jiray fargan

markaas ayaa shimbirtii dhagax ku tuuray
anigoo fargankii adeegsanayo nasiib xumo
waziirkii oo meesha marayay ayuu isha uga
dhacay dhagixii halkaas ayuuna ishiisa ku
waayay.

Ciilkaas hore ayuu ii qabay sidaas darteed
maadaama aan markaas ahaa wiil boqor
igama uusan aarsan karin lkn hada
gacantiisa ayaana kujiraa, markii la iigeeyay
ayuu wuxuu amar kusiiyay askartiisii horta
in isha la iga rido sidaas ayaa ishii la iiga
riday.

Kadibna mid kamid ahaa askartiisii ayuu ii
gacan galiyay wuxuuna dhahay ninkaan
wad oo meel hebla geey kadib in ta disho
meydkiisa bada ku tuur.

Sidii ayuuna iisoo waday askarigii oo aan
aqoon ulahaa markaas ayuu markuu
meeshii ikeenay ayaan waxaan ka tuugay
inuusan idilin anigoo soo xusuusinaay.

Markaas ayaan waxaan kudhahay aniga
gabadhaada waxba kama ogi lkn wiilkaada
waxaa dhacday sidaas iyo sidaas waana
uwaramay sidey wax udhaceen, markaas
ayuu farxay igana codsaday inaan geeyo

goobtii, kadibna markaan geeyayoo aan
god god ufaagnay meeshii ilaa aan markii
dambe albaabkii ka aragnay kadibna
gudaha ayaan horay ugu galnay axaana
godkii ku aragnay raashiin cuno iyo
cabitaan badan ilaa markii dambe aan
utagnay wiilkii iyo gabadhii oo sariir isla
saaran lkn isku badaleen dhuxul .

Markaas ayuu odaygii adeerkey ahaa
dhahay naclad haku dhacdee imisaan uga
digayay walaashiisa wuxuuna iisheegay in
wiilkiisa uu ku fidnoobay walaashiisa isla
markaasna laga kari waayay lkn markii
dambe waan kala qariyay ayuu dhahay
balse si ay isku helaan ayay waxaan
usameeyeen cadaabkii alle ayaana sidaas
ugu yimid.

markaas ayuu igu dhahay waan duugeynaa
wixii dhacayna qofna ma ogaaneyso
waayahay ayaana dhahay si ceebta
banaanka aysan u imaanin.

kadibna markaan magaaladii kusoo
laabanay ayaan waxaan ka warhelnay in
waziirkii magaaladii adeerkeyna uu kusoo
duulay xoogna kula wareegay markuu ka
itaal roonaaday ciidankii ilaalalda ahaa

sidaas darteeda aniga si aan dhibaato ugu soo jiidin miskiinkii ibadbaadiyay ayaan timihii isaga xiiray magaaladiina kasoo safray

HABEENKII 12aad

Markii aan ogaaday in waziirkii uu la wareegay magaladii adeerkey ayaan si aan la ii aqoonsan timihii isaga soo xiiray dharkiina isaga badalay kadibna waxaan imid magaalada baqdaad si aan amiiral mu,minii haaruun al-rashiid ugu waramo anigoo jidka socda ayaan waxaan la kulmay ninkaan kale ee faqiirka ah markaan is wareysanay kadibna waxaan naga horyimid faqiirkaan kale sidii ayaana isku soo weheshanay sadaxdeenii aqiir ilaa aan halkaan ka imaanay.

aniga waa taasaa sheekeydii waxaana halkaan u imaaday inuu wax ii qabto khaliifka.

markuu amiirkii mu,miniinta hadalkaas maqlay ayuu aad ula yaabay aadna uga murugooday.

markaas ayay gabdhihii ku dhaheen faqiirkii

koowaad waad fasaxantahay waadna bixi kartaa.

markaas ayuu dhahay maya wlhi baanan baxeynin ilaa aan ka maqlo sheekada nimankaan kale, halkii ayuuna fariistay.

waxaa soo kacay faqiirkii labaad

SHEEKADII FAQIIRKII LABAAD

QEYBTII 16aad:

Waxay qeybtii hore ee sheekada inoo mareysay markii uu sheekadiisii bilaabay faqiirkii labaad.

SHEEKADII FAQIIRKII LABAAD:

wuxuu hadalkiisa ku bilaabay

anigana wlhi kuma aanan dhalanin ishaan buqsan ee waxaa isoo martay sheeko qariib ah oo hadii irbad xitaa lagu qoro ay cibro unoqoneyso dadka cibro qaato, waxayna tahay:

aniga waxaan kasooo jeedaa qoys boqortooyo waxaana akhriyay todobada

ruwaayad ee uu quraanka ku yimid,
waxaan kaloo akhriyay kutubta diiniga
anigoo la fariistay mashaa,ikh caan ah,
intaas waxaa iisii dheer culuumta kala ah,

cilmiga xidigaha, gabayada, ilaa ay
khabarkeyga meel kasta iyo boqortooyo
kasta uu ku faafay.

kadibna waxaa arinteyda maqlay boqorka
hindiya,

markaas ayuu aabaheyga ergo usoo diray
kuwaaso wadeen hadiyado qaali ah iyo
fariin uu aniga igu codsanaayo inaan
booqdo boqortooyadiisa asigoo marti qaad
ii fidiyay.

markaas ayuu aabaheyga diyaariyay
6markab waanna baxnay anagoo bada kusii
jirnay mudo bil ah,

ilaa aan barigii ka tagnay waana soo baxnay
anagoo horay usoo raacnay 10rati geel ah
oo maraakiibta horay noogu saarnaayeen si
ay alaabta iyo anagaba horay noogu sii
qaadaan.

markaan cabaar soconay ayaa waxaa na

heleen koox burcad carab ah ah,

markaas ayaan ku dhahnay anaga waxaan
nahay ergo boqorka india loo soo diray,

waxayse noogu jawaabeen boqorkaad
sheegeysaan halkaan kama taliyo iyagoo
naga furteen wixii xoolo aan wadanay
intaas kuma ekaanine waxay go,aansadeen
inay na laayaan.

markaas ayaan kala cararnay,

anigana anoo dhaawac ah ayaan soo
baxsaday,

sidaan usoo cararayay anigoo naf ah gaajo
iyo oona tacbaan la,ahay ayan markii
dambe magaalo aanan aqoonin soo galay
qofkii ugu horeeyay aan arkana wuxuu ahaa
nin harqaanle ah (dhar tole)

markaas ayaan salaamay oona xaalkeyga
uga waramay,

wuxuu igu yiri ‘ hadalkaan iyo qofkaad
tahayba cidna ha usheegin waayo boqorka
magaaladaan ka taliyo wuxuu kamid yahay
cadowga ugu weyn ee uu aabahaaga

leeyahay hadii uu ogaado qofkaad tahayna shaki la,aan wuu ku dilayaa”

markaas ayuu gurigiisa igeeyay oo waxaan xirto iyo waxaan cunaba isiyyay, waxaana la joogay mudo sadax maalin,

subaxii dambe ayuu ii yimid wuxuuna igu yiri” wax aqoon ama shaqo aad taqaanid kuna shaqeysan kartid majirto miyaa?”

markaas ayaan kudhahay waxaan ahay faqiih caalim ah isla markaasna arday ah.

markaas ayuu igu dhahay dadka magaaladaan ku nool waa wada caamo ah aqoon iyo wixii lamid ahna shaqo kuma lahan ee wax kale ma taqaanaa??

markaas ayaan kudhahay maya.

wuxuu igu yiri hadey saas tahay dhexda dhuuqso oo faaskaas qaado duurkana qoryo kasoo gur cidna hala sheekeysan hana usheegin qofkaad tahay ilaa aan kaaga heleyno halkaad ku wajahantahay.

markaas ayaan baxay oo xaabadii soo guray kadibna suuqa u iib geeyay waana

wada gaday lacagtii ayaana soo qaatay
qeybna waxbaan ku gatay qeybtii kalana
meel ayaan dhigtay.

wixii aan sidaas ahaadaba oo ku noolaado
xaabadaas lacagteeda ayaa maalintii
dambe duurka imaaday waxaana arkay
geed weyn , markaas ayaan go,aansaday
inaan maanta geedkaas googooyo.

waxaan soo qaatay faaskeygii waxaana ku
garaacay geedkii markaan cabaar
garaacayay ayaa markii dambe faaskii
wuxuu ku dhacay wax sidii maartii
usameysan oona geedka dhexdiisa ku
yaalo geedkana wuxuu ahaa mid xoogaa
weyn,

markaas ayaan sii fiiriyay mise waa albaab
waan furay waxaana iisoo baxday jaranjaro
geedka hoostiisa ku aadan jaranjartii
ayaana hoos ugu dagay.

layaabka wuxuu ahaa in meesha uuba ka
dhisanyahay guri weyn oo qasri ah ah waan
galay markaas ayaan waxaan arkay gabar
aad uqurux badan quruxdeeda darteedna
adoo murug kasta ku heyso markaad
aragto iyada waad ilooweysaa murugtii,

markaan arkay ayaan sujuud la dhacay
anigoo umahad celinaayo allihii abuuray
gabadhaan sidaan uqurux badan indhahana
uroon.

markay i aragtay gabadhii ayay igu tiri adiga
ma jini ayaad tahay mise insi??

waxaan ku dhahay waxaan ahay insi.

markaas ayay igu tiri yaa ku keenay
meeshaan oo aan aniga kaliya daganahay
mudo dheer wax insina aanan horay ugu
arag?

markaan hadalkeeda maqlay ayaan xoogaa
macaan dareemay waxaana kudhahay ”
halkaan alle ayaa ikeenay waxaana laga
yaabaa murugta iyo rafaaadka aan ku jiro in
alle iga qaado” waxaana uga waramay
qisadii isoo qabsatay.

markaas ayay aad iila murugootay waxayna
ii sheegtay in iyadana xaalkeeda uusan
fiicneyn, waxayna idhahday:

aniga waxaan ahay gabar ina boqorad ah
wuxuuna aabaheyga igu daray ina adeerkey
balse intaana la iguri geynin waxaa isoo

afduubtay cifriit la yiraahdo jarjariis binu
rajuuz binu ibliis,

wuxuuna ikeenay halkaan aad ujeedo
asigoo sidoo kalana iikeenay wax kasta oo
aan ubaahanay 10kii habeena hal habeen
ayuu ii yimaadaa asigoo isku soo ekeysiiyo
muuqaal nin cajam ah.

wuxuuna iisheegay in hadii aan wax
ubaahdo aan qubadaas yar ee halkaas taala
taabto,

markastoo aan taabtana anigoon xitaa
gacanta ka qaadin ayuu ii imaadaa,

hada asiga wuxuu iga sii maqanyahay
4maalin wuxuuna ii imaan doonaa 6maalin
kadib ee kawaran hadii aad ila joogto mudo

Cabdiraxmaan Xasan Anteenno

wuxuuna iisheegay in hadii aan wax
ubaahdo aan qubadaas yar ee halkaas taala
taabto,

markastoo aan taabtana anigoon xitaa
gacanta ka qaadin ayuu ii imaadaa,

hada asiga wuxuu iga sii maqanyahay
4maalin wuxuuna ii imaan doonaa 6maalin
kadib ee kawaran hadii aad ila joogto mudo
5maalmood ah maalintuu imaan rabo
maalinta ka horeysana aad iga tagto, wlihi
qof insi ah oo aan la sheekeysto waan
uxiisaye?

markaas ayaan ka ogolaaday.

kadibna wey iwayday waxayna iikeentay dhar
qurux badan waxayna ii ishaartay inaan
soo qubeysto kadibna dharka aan soo xirto,

markaan sidii yeelay ayay ii keentay cunto
iyo cabitaan macaan, halkii ayaana ku
casheynay kadib ayayna igu dhahday
xoogaa yar naso oo seexo waad
daalantahay,

Cabdiraxmaan Xasan Anteenno

markaas ayaan umahad celiyay oo aan
seexday anigoo iskaba iloobay dhibkii
iheystay,

mudo kadib waan soo kacay waxaana
arkay iyadoo ikor fadhiso oo lugahana ii
riiriixeyso markaas ayay igu tiri “waxaa

mahad iska leh allihii halkaan ku keenay
wlhi baan ku dhaartee nolosheydii ciil ayay
isku badashay tan iyo markii halkaan
maxbuuska la iiga dhigay, markaas ayayna
tirisay tixdaan gabay:

hadaan ogaan lahaa imaatinkaaga,

waxaan firaashi lahaa sariirtaada,

iyo bartamaha qalbigeyga,

iyo madowga isheydaba,

waxaan firaashi lahaa guduudka
dhabandeyda,

waxaana ukulmi laheyn si heer sare,

balse waa qadaroo ma ogaan kartid,

maxayse waayaha aduunka wax kusii
qarsanyihiin.

markaan gabaygeeda maqlay ayaan
gabadhii jeclaaday jaceyl dhab ah halkii
ayaana kula sheekeystay waxaana la
qaatay habeen aanan waligey ilaabi doonin.

markaas ayaan waxaan ku dhahay “soo bax oo nakeen aan halkaan kaa kaxeeyee

QEYBTII 17aad:

waxay sheekada inoo mareysay qeybtii hore markuu faqiirkii labaad oo sheekada waday uu gabadha ku dhaho soo baxa oo nawad aan halkaan kaa kaxeeyee.

gabadhii markey hadalkayga maqashay ayay igu qososhay waxayna idhahday “iimaan yeelo cifiitkaan 10kii habeenba hal habeen ayuu ii yimaadaa inta kale adigaa lehe isdaji”

markaas ayaan kudhahay uma dulqaadan karo sidaan waana garaacaa qubadaas gambaleeelka ah markii uu imaadana kurka ayaan ka goynaa,

markey hadalkeyga maqashay ayay tirisay gabaygaan

midkaan kala taga ucararyoow sug,

xiiso wuu dhimanyahee sug,

sabar ileen zamanka wuu dhagar
badanyahee,

kulanka dambana dib noogu dhig.

balse anigii ma aanan maqlin oo waxaan
garaacay gambaleelkii

HABEENKII 14aad

markii aan gambaleelkii garaacay ayay
gabadhii inta isku naxday igu tiri “maxaad
sameysay soo kuma dhihin ha garaacin
hada cifriitkii wuu soo socdaaye dhuumo
intuusan ku dilin dhib culus ayaa noo
keentee”

markaas ayaa dhulkii kala dilaacay inta isku
naxay ayaan dhankii albaabka u cararay
cabsi darteedna waxaan kasooo cararay
faaskeygii iyo kab aan lahaa,

markaas ayuu cifriitkii yimid oo gabadhii ku
yiri maxaa darnaa ood iigu wacday waxayna
dhahday wax kale majiraan xoogaa caajis
ayaan dareemay iyo oon daran waxaana
rabay biyo qabow caajiskana iga qaado,

markaas ayuu jinigii arkay kabtii iyo faaskii

ayuu gabadhii weydiiyay agabkaan waa mid
insi ukhaas ahee maxaa halkaan keenay
mise gadaasheyda ayaad si qarsoodi ah
dad insi ula kulantaa,

markaas ayay gabadhii tiri maanta ka hor
maba arkin waxaase laga yaabaa markaad
soo galeysay oo dhulka kala jeexmayay
inuu adiga kula socday,

balse jinigii midaas kuma qancin wuxuuna
ku xoiray tiir meesha ku yaalay asigoona
garaacay lkn iyada waxba ma aysan
sheegin,

aniga anoo naxsan aadna ushaleynaayo
ayaan waxaan imid gurigii waxana is cabaar
markaan joogay ayaa waxaa iisoo galay
harqaanlihii oo igu leh waxaa banaanka
joogo nin cajam ah oo faaskaagii iyo
kabtaadiiba wado,

markaas ayaan soo baxay mise waa
cifriitkii oo ku dhaartay inuu keeni doono
qofkii lahaa faaskaas iyo kabtaas.

Markuu i arkay ayuu inta cifriit isku badal
dhulka ila galay ilaa uu iigeeyo gabadhiii oo
tiirkii ku xirneyd,

markaas ayuu gabadhii ku yiri ninkaan ma taqaanid miyaa?

waxay tiri waligeey maanta ka hor ma arkin.

markaas ayuu inta seef udhiibay yiri hadey saas tahay qabso seeftaan oo kurka ka gooy,

markaas ayay tiri qof insaan ah oo aanan wax dambi ah iga sameynin sidee qoorta uga gooynaa?

kadib ayuu aniga iisoo jeestay wuxuuna igu yiri ma taqaanaa gabadhaan?

waxaan ku iri maya.

markaas ayuu toogteydii seefta iidhiibay oo uu igu yiri hadii aadan aqoonin seeftaan qabso oo kurka ka gooy mana ku dili doono,

markaas ayaaan kudhahay “hadii iyadoo gabar ah ay garatay qiimaha insaanka leeyahay maxaa iidiiday inaan garto anigoo nin rag ah?

markaas ayuu seeftii qaatay oo gabadhi

gacanta midig ka gooyay, kadibna gacanta bidix, kadibna lugta midig, kadibna lugta bidix. wuxuuna igu yiri sidaas ayaan ku abaal mariyaa naagtii ikhiyaanto, adiga soo ma ahan waxaannkugu sameyn doonaa wax dilka kaaga daran.

markaas ayuu igu sixray inaan nodo daanyeer kadibna dhul howd ah igu tuuray,

anigii waxaan howdkii ku jiraba anigoo ka xun wixii gabadhii ku dhacay dhibkaan soo maray iyo siduu xaalkeyga hada yahayba ayaan waxaan maalintii dambe kusoo dhacay meel xeeb ah.

mise waa markab safar ah markaas ayaan si qarsoodi ah markabkii kusoo fuulay,

mudo kadib waxa i arkeen nimankii markabka lahaa waxayna is weydiyeen markaas ayaa midi yiri bada aan isaga turno xayawaankaan inttusan dhib noo keenin markaas hadalkooda maqlay ayaan koodii aan islahaa wuu ugu sareeyaa hoosta ka galay kuna kor ooyay markuu i arkay ayuu ii beer jilcay wuxuuna ku yiri faraha halaga qaado daanyeerkaan aniguu imagan galaye.

wixii markaas ka dambeeyay ninkaas kama aanan ag fogaanin jirin waxkasta oo uu ubaahanyahayna waan ukeeni jiray aad ayuuna ii jeclaaday,

wixii aan soo soconayba oo safar aheyn ayaa markii dambe waxaaa kacday duufaan aad uxoog badan waxaana ujiheysanay dhankii xeebta si aan isku badbaadino.

markaan xeebtii tagnay ayaa waxaa noo yimid ciidan ka socdo boqorkii magaaladaas utalin jiray waxayna aheyd magaalo cilmiga aad looga jeclaa dadkeedana waxay ubadnaayeen dad culimo ah,

markaas ayay noo keeneen waraaqo iyagoo dhahay boqorka wuu idin soo salaamayaa wuxuuna idiin soo dhiibay waraaqahaan qofkastana fartiisa iyo wuxuu yaqaano haku soo qoro qofkii ugu far qurxoonaada boqorka ayaa abaal marin doono.

markaas ayaan warqadihii la qeybinaayay dhinac ka galay lkn waa la iidiiday balse hal warqad ayaan dafay markaas ayay askartii damceen iney idilaan iyagoo mooday inaan

warqada jeexjeexi rabo,

markaas ayuu ninkii markabkeena
masuulka ka ahaa ku yiri iska sii daayaa oo
ha dilina aan fiirinee wuxuu warqada ku
sameeyo wlhi baanan arkin daanyeer ka
fahan badane.

markaas ayaan warqadii soo qaatay
waxaana ku qoray tixdaan gabay,

waayaha ayaa qoray fadliga ay leeyihiin
dadka fiican,

adigana abaalkaada hada lama gudi karo,
alle kaama qaado fadliga aqoonta,

ileen cilmiga wuxuu leeyahay fadli weyne.

markaas ayay waraaqihii aruuriyeen
waxayna ugeeyeen boqorokoodii kadib
markuu fiifiiriyay ayuu warqadeydii aad ugu
dheeraaday fiirinteed kadibna wuxuu ku yiri
“ninka warqadaan qoray haloo tago oo
dharkaan haloosoo labiso faraskaana
halagu soo qaado hana la ii keeno”

markaas ayay akartii is fiifiiriyeen kadibna

qosleen,

balse waxaa xanaaqay boqorkii oo ku yiri
ma waxaan idin amrayaa hadal oo aad igu
qosleysaan?

markaasey dhaheen boqoroow adiga
kuguma qosleyno ee waxaan ku qosleynaa
daanyeerinii warqadaan soo qoray.

Cabdiraxmaan Xasan Anteenno

markaas ayuu boqorkii yaabay wuxuuba
dhahay orda oo qaada dharka una taga oo
daanyeerkaan iiga soo iibiya dharkaan iyo
faraskana halagu soo galbiyo,

kadibna waxaa la iigeeyay boqorkii markaas
ayu idhahay fariiso markaasan horay ka
fariistay iyadoo dadkii oo dhan ila
yaabanyihiin sidaan ufahmayo darteed
waxaana ugu darnaa boqorka.

markaas ayaa waxaa la gaaray waqtigii
qadada qeyb ayaa la iga galiyay waana
qadeeyay,

kadibna boqorkii ayaa waxaa loo keenay
ciyaarta shadranjiga (iskaako ama chess

midkaad utaqaanaba)

markaas ayuu isoo fiiriyay wuxuuna igu yiri
ma ciyaari kartaa markaasaan madaxa ugu
ishaaray haaa.

markaas ayaan isla ciyaarnay labo
ciyaarood waana ka badiyay labadiiba.

markaas ayuu boqorkii aad uyaabay
wuxuuna yiri “wlhi daanyeerkaan waa mid
cajiib ah midaana ma ahan mid dhici karto
in daayeer ka maskax badiyo insaan”

Cabdiraxmaan Xasan Anteenno

kadibna wuxuu uwacay khaadimkiisii
wuxuuna ku yiri iigu wac sayidadaadii
naagtii hebla aheyd, waxayna aheyd
naag sixirka waxbadan ka taqaano iyadoo
ka baratay 77baab oo sixirka ka mid ah kan
ugu yarna ay buuraha magaalada ku rujin
karto,

markii la keenay ayay ku tiri boqorkii
waxaan aaad ujeedo ma ahan daanyeer ee
waa wiil caalim ah ah oo ina boqor iimaar
ah waxaana sixray jarjariis cifriit la
yiraahdo”

markaas ayuu boqorkii ku yiri saaxiradii
“ilaahaan kugu dhaarsheee waxaan kaa
codsanayaa inaad ninkaan sixirkaan ka
furto”

markaas ayay tiri hadii aan dhaho waan ka
furaa sixirkaan waxaan halis galinayaa
boqortooyada oo dhan wiilkaana waxaa
sixray waa cifriit uu ibliis owoowo uyahay si
aan uga furo sixirkaana waa inaan
cifriitkaas awooda badan dilaa.

markaas ayuu boqorkii yiri wax walbo ha
nagu qaadatee xitaa hadaan
boqortooyadaan ku weynaayo ee wiilkaan
noo daawee oo sixirka ka fur”.

Wey socotaa...

QEYBTII 18aad:

Sheekada qeybtii hore waxay noo mareysay
markay dhahday naagtii saaxirada aheyd in
hadii la rabo inaan sixirka ka furo ninkaan
ay qasab noqoneyso inaan dilo cifriitka
waxaana laga yaabaa in boqortooyada halis
gasho dad badanan ku baaba,aan.

markaas ayuu boqorkii dhahay wixii dhacaa haka dhacaane ninkaan sixirka ka fur.

HABEENKII 15aad:

markaas ayay naagtii saaxirada aheyd soo qaaddatay buug ay ku qorantahaya luuqada cibraaniga iyo weel biyo kujiraaan,

markaas ayay wax akhrisay kadibna iyadoona goobo weyn sameysay, markaas ayuu qasrigii oo dhan mugdi noqday anagoo umaleynay in aduunkii oodhan daba gadoomay,

mise waaba cifriitkii oo kusoo baxay muuqaal kii ugu fool xumaa asigoona holac ka kacaayo,

markaas ayay saaxiradii ku dhahday ” soo dhaweyn iyo salaam midna ma lihid”

markaas ayuu cifriitkii inta isku yeelay muuqaal libaax yiri “khaa,inad yahay sidee dhaartii uga bixi kartaa? soo kuma heshiin inaan midkeen kan kale hor istaagin?

markaas ayay kudhahday ma adoo ina ibliis

ah ayaad aniga dhaar igala hadleysaa?

markaas ayuu cifriitkii yiri hadaba dhibkii aad uyeeratay waa kane qabso.

markaas ayuu inta afka kala taagay naagtii ku booday, markaas ayay dagdag inta tin kamid ah timaheeda uqabsatay ayay gilgishay, markaas ayay tintii seef inta isku badashay cifriitkii labo ukala gooysay, markaas ayuu madaxii cifriitkii isla markiiba isku badalay dib qalooc (hangarale) saaxiradiina abeeso weyn, iyadoo halkii dagaal culus ku dhexmaray.

marba labadooda midkii laga adkaan rabo wuxuu isku yeelayay muuqaal kale ilaa uu markii dambe cifriitkii isku badalay dhimbil dab ah oo uu damcay inuu gubo qasrigii oo dhan neef kasta oo afkiisa kasoo baxdana waxay aheyd holac taasoo galaafatay dad badan oo uu boqorkeenii kamid ahaa anigana qeybo kamid ah jirkeyga ayaa gubtay ishana dhaawac culus ayaa markaas iga soo gaaray anoo wali daanyeer ah.

markaas ayaan wada yaqiinsanay inaan halaagsanay oona dhimanay, balse naagtii

saaxirad aheyd ayaa dagdagtay oona barkad meesha ku taalay biyana ka buuxaan inta waxa ku akhrisa jinigiina qabatay barkidii ku tuurtay kadibna ka dabo gashay.

wuxuu dagaalkii socdoba saaxiradii ayaa biyihii kasoo baxday iyadoo gacanta ku heysa madaxii cifriitkii oo isku badalay burbur.

markaas ayaan takbiirsanay oona faraxnay lkn nasiib xumo saaxiradiina iyadoo dhaawac daran qabto ayay soo baxday markaas ayay wax igu akhrisay oo aan qaabkeygii hore markii laga reebo isha dhaawaca iga soo gaaray caadi kusoo noqday.

mudo yyar kadibna saaxiradii dhaawacii ayay udhimtay markaas ayaa dadkii magaaladii joogay tacsii weyn dhigeyn iyagoo ubaroor diiqayo dhimashadii ku timid boqorkoodii oo ay aaad ujeclayeen.

subaxii dambe aya waxaa ii yimid maamulkii ugu sareeyay boqortooyada waxayna igu dhaheen “nin yahow anaga mudo dheer ayaan halkaan daganahay wax

musiibo ahna ma aana arki jirin ilaa aad adiga nooga imaaday oo musiibadaan nagu dhacday, marka ma rabno in musiibo kale nagu sii dhacdo ee isaga tag magaaladaan”

sidii ayaana magaalada uga soo baxay anoo aad umurugeysan kana xun wixii gabadhii ku dhacay iyo sida naxariis darada aheyd ee loo dilay iyo boqorkii dhibkii aniga darteeey usoo gaaray.

markaas ayaan madaxa iska soo xiiray halkiina kasoo safray ilaa aan ka imid magaalada baqdaad waxaana halkaan kula kulmay labadaan nin oo meeshii ayaana iska soo raacnay ilaa aan gurigaan ka imaanay.

markaas ayuu khaliifkii HAARUUN AL-RASHIID ku yiri waziirkiisii jacfar ahaa wlhi sheekadaan mid lamid ah waligey ma aanan maqlin.

markaas ayay gabdhihii faqiirkii labaad kudhaheen waad fasaxantahay ee orod oo iska bax,

markaas ayuu dhahay maya wlhi baanan baxeyn ilaa aan ka maqlo sheekada

labadaan nin.

kadibna waxaa soo kacay faqiirkii sadaxaad oo sheekadii bilaabay.

SHEEKADII FAQIIRKII SADAXAAD.

Wuxuu sheekadiisa ku bilaabay.

aniga waxaan ahaa boqor waxaana ka talin jiray xeeb udhow jaziirado badana ku yaalaan, waxaana aad ujeclaa safarka.

maalintii dambe ayaaan safar 10markab ka kooban diyaariyay markaan mudo jidka kusii jirnay ayaa waxaa na qabsatay duufaanaad uculus,

markaas ayaan meel xeeb ah dagnay inta duufaanta ka dageyso anagoo joognay mudo labo maalmood,

markey duufaantii dagtay ayaan soo baxnay mudo markaan jidka kusoo jirnay ayaa waxaa dhacday waxaan dareenay inaan jihadii ka dhunay,

markaas ayuu kabtankii markabka waday ku yiri ninkii naaduurka ahaa (naaduur waa

qofka markabka dushiisa saaran ee fiiriya
waxa markabka ka horeeyo kabtankana la
socodsiiyo si uusan markabka shil ugalin
ama buur iwm ugu dhicin) maxaad
aragtaa ??

markaas ayuu naaduurkii yiri wlhi waa wax
iga yaabiyay ayaan arkaa waana wax
madow oo wareegsanaya markastana noo
soo dhawaanaya.

markaas ayuu kabtankii yiri inaa lillaahi wa
inaa ileyhi raajicuun waan halaagsanay,

markaas ayaan ku dhahay maxaa dhacay
oo sidaas uleedahay?

wuxuu igu yiri boqorkeygoow waxa madow
ee naga horeeya waa buur weyn oo birlab
ka sameysan waxaana ku maqlay
sheekooyin badan.

Wey Socotaa...

Intii Ka Harsaneyd Qaybta 18-aad:

wuxuu igu yiri boqorkeygoow waxa madow
ee naga horeeya waa buur weyn oo birlab
ka sameysan waxaana ku maqlay

sheekooyin badan oo ay iisheegeen
kabtanadii hore ee aan lasoo shaqeeyay
buurtaas markabkasta oo agteeda mara
wey jiidataa waxaana hoosteeda ku yaalo
bohol aad uweyn oo biyaheeda
wareegsanayaan markabka markuu
bohoshaa ku dhaco ayuu burburaa
waxaana meesha ku bur buray maraakiib
badan waxaase jirta buurta horteeda waxaa
ku yaalo buur yar oo ay saarantahay faras
laga sameeyay maar uuna saaran yahay nin
isna maar ka sameysan sida kaliya ee lagu
badbaadi karana ay tahay in faraskaas iyo
macal ninka saaran meesha laga tuuro
hadii kale inteena badan waan halaagsami
doonaa, anagana hada aad ayaan ugu
dhawnahay marka aan iscafino”

markaas ayaan wada naxnay qofba qofka
kale cafiyay waxaana yaqiinsanay inaan
halaagsanay,

kadibna markabkii ayaa qalibmay inta
badan dadkii ila socdeena halkuu ayay ku
dhinteen waxaana ka badbaadaya tirio yar
oo fara ku tiris ah meelna aanan isku
sheegin oo aan aniga kamid ahaa.

aniga waxaan ku badbaaday alwaax yar oo

kamid ahaa burburkii markabka ayaan
kudhagay oo siduu ii waday igeeyay buur
yar oo meesha ku taalay markaas ayaan
buurtii fuulay sidii aan ufuulayay ayan xaan
tagay qeybta ugu sareyso mise qol ayaa
meesha ka dhisan qolkii ayaana galay
waxaana yaalay agab guri markaas ayaan
labo rakacadood tugaday aadna waan
udaalana,

halkii ayaana eexday anigoo meeshii hurda
ayaan waxaan maqlay dhawaaq ii yeeraya
oo ileh hebeloow meesha aad hurudo
hoosteeda qod waxaana kujira fallaar iyo
gamuun ee qaado oona ku rid faraska iyo
ninka kor saaran ee buurta hor qotoma
kadibna si musiibadaaan dadka uga
bdabaadaan.

markaas ayaan soo hambaabiray oo
meeeshii qoday kadibna waxaan kasoo
bixiyay fallaartii waxaana ku tuuray faraskii
iyo ninkii saarnaa, markey ku dhacday
ayay badii halmar kacday ilaa ay buurtii
lasoo ekaatay anigana waxaa iqaaday
hirarkii weynaa ilaa ay igu tuureen meel
jasiirad ah aadna uyar cidlana ah.

markaas ayaan isdhahay markastood

musiibo ka badbaado midkale ayaad
madaxa lasii galeysaa, anoo meeshii joogo
ayaan waxaan arkay markab jaziiradii kusoo
socda waxaana kasoo dagatay 10 nin oo
adoomo ahaa waxayna yimadeen jaziiradii
iyagoo dhulkii banaana qoday kadibna
waxay ku noqdeen markabkii markaas ayay
waxay kasoo qaadeen raashiin cuno iyo
cabitaan badan iyagoona godkii ku guray
kadibna afka ka xiray markabkii ayayna ku
noqdeen.

anigoo yaaban ayaan soo baxay meeshii
ayaana imid kadibna wan qoday waxaana
iisoo baxay albaab markaas ayaan galay
waxaana ku arkay beero badan ooo meesha
ku yaalo markaas ayaan hadana waxaan
arkay faras meesha daaqayo markaas
ayaan fuulay faraskii cabaar markii aan
saaraan ayuu inta seyntiisii igu garaacay
iska key riday halkaas ayaana isheydii ku
waayay.

markaas ayaan godkii isaga soo baxay
waxaan meeshii joogaba markii dambe
waxaan la kulmay dad safareey ah oo
meesha maraayay waxayna ikeeneen
magaalada baqdaad maadama ay meesha
kusooo wajahnaayeen

markii aan imid magaalada baqdaad oo aan
cidna ka aqooni ayaan waxaan la kulmay
labadaan nin waan salaamay halkii ayaana
iska soo raacnay ilaa aan ka imaanay
gabdhahaan gurigooda waana taas
sheekadeyda.

markaas ayay gabdhihii dhaheen waad
fasaxantahay waadna bixi kartaa.

markaas ayuu yiri maya ma baxaayo ilaa
aan ka maqlo nimankan kale sheekadooda.

markaas ayay gabdhihii khaliifkii iyo labadii
nin ee la socotay ku dhaheen idinkana
maxay tahay sheekadiina?

markaas ayuu jacfar dhahay anaga niman
safareey ayaan nahay wax kalana majiraan.

markaas ayay gabdhihii dhaheen waad
fasaxantihiin waadna bixi kartaan.

markaas ayay soo wada baxeen cabaar
markey socdeen ayuu khaliifkii ku yiiri
faqiiriintii xagee hada aadeysaan
markaasey dhaheen ma naqaano,
markaas ayuu khaliifkii jacfar ku yiri orod oo

wad meeley seexdaan sii bari subaxna
iikeen si aan arintooda uxalino.

sidii ayuuna jacfar ku waday.

habeenkaas oo dhan khaliifkii caadilka
ahaa ee HAARUUN wuu fikirayay,

markii subaxii la gaaray ayuu wuxuu
uwacay jacfar wuxuuna ku yiri iikeen
sadaxdii faqiir iyo sadaxdii gabdhood iyo
labadii ayba,

markaas ayuu jacfar baxay oo
dhamaantooda wadda keenay markii
gabdhihii ay arkeen ogaadeena in nin kaan
yahay khaliifkii mu,miniinta ee haaruun al-
rashiid ayay yaabeeen markaas ayuu jacfar
ku dhahay “imaqla khaliifka wuxuu
doonayaa inuu ogaado waxkasta oo
gurigaas ka socdo xaalkiina iyo xaalkii
labadii ayba anaga xalay maadaama aan
shuruud kujoognay gurigiina idinkuma xad
gudbin, lkn saakay waxaad hor taagantihiin
khaliifkii shanaad eee dowlada
cabaasiyiinta ahna amiirkii mu,miniinta
waxaan run aheynta kuma badbaadeysaan”

markey gabdhihii hadalkaas maqleen ayay

dhahday gabadhii ugu weyneyd.

WEY SOCOTAA.....

QEYBTII 19aad.

HABEENKII 19aad:

Gabadhii koowaad waxay sheekadeeda ku bilowday.

waxaad ogaataa amiirkii mu,miniintoow in ay isoo martay qiso cajiib ah oo hadii iyadana lagu qoro xitaa irbad ay cibro unoqoneyso kuwa cibro qaato.

waxaad ogaataa in gabdhahaan walaalaheyga yihiin yihiin waxaana nahay isku aabo wuxuuna aabaheena lahaa hanti badan,

kadibna wuu geeriyooday markaas ayaan dhaxalkii si siman uqeybsanay.

kadib labadii gabdhood ee walaalaheyga ahaa wey guursadeen iyagoo nimankooda safar la galeen mudo markey maqnaayeen ayay ii yimaadeen iyagoo aad umurugeysan aadna uwalwalsan,

waan wareystay waxayna iisheegeen in
nimankooda ay khiyaameen wixii xoolo
ahaana ka furten.

markaas ayaan aad uga murugooday waan
soo dhaweeyay waana sharfay waxaana
usheegay in nimanka xiligaan jira aan la
isku haleyn karin nin fiicana uu dhif yahay,

kadib markii aan mudo isla joognay ayaan
waxaan go,aansaday inaan safar ganacsi
ku aado magaalada basra, waxaana
diyaariyay markab weyn anigoo
lacagteydiina ukala qeybiyay labo qeybood
mid aan ku safray iyo mid aan kyd ka
dhigtay.

kadiban waxaan uwacay gabdhihii
walaalaheyga ahaa waxaana ku dhahay
hadaad rabtaan waad iraaci kartaan
hadaad rabtaana waad iska joogi kartaan
ikhtiyaarka idinkaa leh,

markaas ayay dhaheen marnaba kaama
hareyno oo waan ku raaceynaa.

halkii ayaan kasoo safarnay markaan mudo
maalmo jidka kusoo njirnay ayaa waxaa ii

yimid naaquudihii markabka waday
wuxuuna iisheegay iney dabeylo daran
wadadii naga wareejiyeen oo aan badii aan
naqaanay ka dhunay isla markaasna aan
bad la aqoon dhex galnay,

kadib wixii ay dabeyshii nawado ayay waxay
nakeentay meel jaziiradd ah oo aad uqurux
badan aadna cajiib u ah,

waan soo dagnay waxaana soo galnay
jaziiradii oo ay dadkii ku noolaayen wada
masakhmeen qof dhaqaaqayana uusan
jirin.

aad ayaan ula yaabnay waxana ku kala
firxanay jaziiradii si aan arinta yaabka leh u
aragno,

aniga cabaar saan meeshii ugu wareegayay
ayaan waxaan markii dambe arkay qasrigii
looga talinayay jaziirada oo dahab kawada
sameysan waan soo baxay albaabkii
ayaana furay mise waa cajab cajabkiisee
waxaan arkay qasri quruxdiisa aad
layaabeyso darbiyadiisa waxaa lagu
xardhay dahab iyo qalin,

gudihiisa waxaad ka heleysaa noockasta

oo dhagaxaanta ifa sida luulka dheemanka
yaaquutka iwm.

waxaa meesha ku yaalo hool aad uweyn
waxaana dhexyaalo carshi laga sameeyay
luul iyo dheyman xariirna lagu xardhay
waxaana ku fadhiya nin wata taaj aad
uqurux badan waxaana qiyaaseysaaa inuu
yahay boqorkii qasriga agtiisana waxaa
fadhiso naag aad ulabisan iyadan uu
uxiranyahay taaj qurux badan iney
boqorada tahayna waad ka dareemeysaa.

hareerahoodana waxaa ku waregysan
ciidan ku hubeysan seefo dahab ka
sameysan,

anigoo qasrigii ku wareegeysanaayo ayaan
markii dambe arkay ifttin meel kasoo
baxaayo dhankii iftiinkii ayaan kor imid
wuxuuna ahaa shumac shidan.

waxaan isdhahay shumacaan qofkii shiday
meelahaan kama foga waxaana ugalay
raadintiisa, balse intaan raadinayay ayaan
qasrigii ku dhex dhumay maadaama uu aad
uweynaa.

habeenkii markii lagaaray albaabkiina garan

la,ahay ayaaan meel iska fariistay, waxaan isku dayay inaan seexdo balse hurdo wey iga imaan weysay kadibna anoo meeshii sidii ufadhiyo ayaan waxaan maqlay cod qof quraan akhrinaayo,

waan la tacajubay qofkaan xiligaan quraanka akhrinaayo qofkuu yahay waxaana soo raacay codkii macaanaa.

kadibna waxaan soo galay qolkii uu codka kasoo baxayay mise waxaa dhex fadhiyo wiil aad uqurux badan wajigiisana uu u ifaayo sidii dayaxa,

markaan arkay ayaan salaamay salaantii ayuu iga qaaday, kadibna waxaan kudhahay ilaah baan kugu dhaariyee waxaad iisheegtaa siday wax ujiraan iyo dadka magaaladaan waxa ku dhacay.

markaas ayuu wuxuu igu yiri adiga waxaad iisheegtaa sidaad halkaan ku timid?

markaas ayaan uga sheekeeyay qisadeydii iyo sidey wax udhaceen, kadiban waxaan ku dhahay waxaad iisheegtaa adigana qisadaada iyo qisada magaaladaan.

wuxuu igu yiri magaaladaan aad ujeedid
waxaa xukumi jiray aabaheyga waxayna
ahaayeen dadka ku nool dad majuus ah oo
dabka caabudaan,

kadib markii aan aniga dhashtay ayuu
wuxuu aabaheyga ii geeyay islaan waayeel
ah oo dadka wax barta si ay wax iibarto.

islaanta waxay aheyd naag muslimad ah
lkn wey qarsan jirtay oo aabaheyga ma
uusan ogeyn,

markii la iigeeyay ayay waxay ibartay diinta
ilaahay quraanka iyo sunada waxayna igu
tiri aabahaaga ka qari,

sidii ayaan ana kaga qariyay.

mudo kadib islaantii wey geeriyootay.

kadib waxaa dhacday maalin iyadoo lawada
joogo yay magaaladii halmar gariirtay
waxaana dhawaaqy dhawaaqe dadka uga
digaya caabudista asnaamta iyo dabka.

kadibna dadkii waxay uyimaadeen
aabaheyga balse wuxuu ku dhahay diintiina
waxaas ha uga tagina iyagana hadalkiisii

ayay yeeleen.

WEY SOCOTAA.....

Raali Ahaada Qoraaga Sheekada
Abdirahman Wuu Naga Mashquulay
Habeenadan:

QEYBTII 20aad:

waxay inoo joogtay sheekada qeybtii hore
markuu boqorkii kudhahay dadkiisa yaanan
dhag jalaq loo siinin waxaad maqasheen ee
diintiina ku dhaganaada.

mudo markey kasoo wareegatay dadkii
magaalada ku noolaana fasahaadkooda
batay ayaa maalintii dambe cadaabkii alle
ku yimid waxayna dhamaantooda isku
badaleen sidaad argtid,

aniga oo kaliya ayaana ka bad-baaday.

wixii maalintaas ka dambeeyay waxaan
soon iyo salaad iyo quraan akhris aheyn ma
wadin,

waxaana halkaan ku dareemay cidlo daran

qof aan weheshado xitaa mijirin sidaas
darrteeda quraanka iyo salaada ayaa wehel
ii ahaa.

markaas ayaan waxaan ku dhahay “ma ii
raaceysaa magaalada baqdaad si fuqahada
halkaas jooogto aan arintaan ugu
bandhigno,

anigana aan kuu noqdo jaariyadaada,
inkastoo an ahay sayidada qowmkeyga isla
markaasna i hoos imaadaan shaqaale
badan iyo adoomo, waxaana xeebta
jazirada iigu diyarsan markab ganacsi
wado, halkaan qadarta ayaa nagu soo
tuurtaay”

sidaan ugu qancinaayay inuu nasoo raaco
ayuu markii dambe ogolaaday inuu nasoo
raaco.

HABEENKII 18aad.

markuu wiilkii iga ogolaaday hadalkyga
ayaan aad ufarxay waana isi soo raacnay
ilaa aan uga imaano kooxdeydii oo sidy ii
radinayeen daaleen.

markey iwareysteen ayan uga sheekeyay

qisada dhacday iyo xaalka magaaladaan aad ayayna ula yaabeen.

lkn dhibka dhacay wuxuu yahay gabdhihii walaalaheyga ahaa markey arkeen wiilka ila socdo quruxdiisa iyo inuu yahay wiil aad ufiican ayay ixsadeen iyagoo aad uga xumaa,

aniga dhankeyga wiilkii ayaan aad ujeclaaday,

waxaan sugnay inta dabeylaha iska badalayaan kadib markii dabeylihii isbadaleen oo la bixi rabay waxaa ii imaaday gabdhihii walaalaheyga ahaa waxayna igu dhaheen wiilkaan maxaad rabtaa inaad ku sameyso??

waxaan ugu jawaabay waxaan rabaa inuu ninkeyga noqdo oo guursado noloshana asigaa igu filan idinkana waxaan idinku wareejinayaaa wixii hanti aan leeyahay.

markaas ayay iga ogolaadeen balse waxay wali ka xumaayeen in aan wiilkaas quruxda badan helay.

kadibna sheydaan ayaa uqurxiyay naftooda

waxyaabo xun waxeyna ku tashteen inay
iga takhalusaan aniga iyo wiilkaba.

kadib habeenkii dambe ayaa waxaa
dhacday anagoo bada dhexdeeda kujrino
baqdaadna kabiga ku heynta ayay anigoo
hurda iyo wiilkii inta noo imaadeen bada
nagu tuureen, nasiib xumo wiilka dabaal
ma uusan aqoonin oo isla meeshii ayuu ku
geeriyooday lkn aniga nasiib ayaan waxaan
uhelay inaan qabsado jab alwaax ah oo
sidey hirarka hadba meel ugu wadeen
markii dambe meel xeeb ah igu soo
tuureen.

anigoo naxsan aadna uyaaban kana xun
falkey walalaheyga ku kaceen ayaa waxaa
dhacday waxaan arkay abeeso dhaawac
daran ku yaalo soona ordeyso oo uu daal
badan ka muuqdo waxaana bursanayay
mas aad uweyn.

aniga abeesadee ayaan unaxay waxaana
go,aansaday inaan caawiyo kadibna dhagax
weyn inta qaatay ayaa maskii madaxa uga
dhuftay halkii ayuuna ku dhintay.

kadib markaan abeesadii bad-baadiyay
ayaan meel isku tuuray oo iska seexday

maadaama aan aad udaalanaa,

cabaar markaan hurday ayaan soo kacay
balse waxaan arkay gabar aad uqurux
badan oo agteyda fadhiso.

markaan arkay ayaan xishood yar dareemay
waana weydiyay qofkey tahay, balse
waxay igu tiri ilowsho dhawidaa aniga
waxaan ahay abeesadii aad bad-baadisay
waxaana ahay jini, maskii ibursanayayna
wuxuu ahaa jini cadowgeyga ah hadaadan
adiga ibad-baadiseena wuu idili lahaa,

lkn waxaad ogaataa in aan soo ogaaday
waxay walaalahaaga kugu sameeyeen
sidaas darteeda waxaan go,aansaday inaan
ciqaabo anigoo ka dhigay labo eey waxaana
kuusoo celiyay markabkaagii iyo hantidaadii
allaah ayaana waxaan ugu dhaaranayaa in
hadaadan maalinkasta garaacin aan inta
adigana kuu imaado sidooda oo kale kaa
dhigi doono waayo falkey ku kaceen ma
ahan mid loo dulqaadan karo.

markaan fiiriyay xeebtii mise waa
markabkeygii halkii ayaana kasoo baxay
wixii maalinkaas ka dambeeyay
maalinkasta waan garaacaa waa taas

sheekadeyda.

khaliifkii muslimiinta markuu maqlay
hadalkii gabadhii koowaad ayuu la
tacajubay,

markaas ayuu gabadhii labaad ku yiri
adigana muxuu yahay xaalkaaga iyo ushaan
korkaaga ku taalo??

waxay tiri gabadhii labaad ” khaliifkii
mu,miniintow aniga waxaan aabaheyga ka
dhaxlay lacag aad ubadan kadibna waan
guursaday mudo markaan qabay ayuu
ninkeygii iga geeriyooday balse asna
waxaan ka dhaxlay lacag aad iyo aad
ubadan.

maalintii dambe ayaan anigoo gurigeyga
iska dhex joogo waxa iitimid islaan waayeel
ah duruuf iyo diifna ka muuqato, hadaad
xaaladeeda aragtidna aad ubeer jilceysid
waxayna igu tiri ” gabadheydiiyey waxaa
iijoogto gabar aan agoonimo kusoo koriyay
maantana waa arooskeeda halkaana qof
iqiimeyso oo arooskeeda igala soo
qeybgasho kama helin ee waan kuu
duceynaa gabadheydiiyey arooska imoow”

markey haddalkaas idhahday xaalkeedana
aan arkay ayaan ubeer jilcay waana ka
ogolaaday waxaana dhahay caawo fiidkii
ayaan kuu imaan.

habeenkii markii lagaaray ayaan dhowr
jaariyadood sii watay inta labisanay ayan
halkii ka baxnay,

markaan gurigii tagnay ayaan la yaabnay
qaabka uu udhisan yahay

Cabdiraxmaan Xasan Anteenno

habeenkii markii lagaaray ayaan dhowr
jaariyadood sii watay inta labisanay ayan
halkii ka baxnay,

markaan gurigii tagnay ayaan la yaabnay
qaabka uu udhisan yahay waa guri asiga
dhan lagu sharaxay xariir iyo wax kastoo
qurux badan, runtaa gurigaan filaayay iyo
kaan utagay isma lahan.

anigoo yaaban ayaan gurigii galay kadibna
gudaha naloo sii gudbiyay, mudo yar kadib
waxaa iisoo gashay gabar aad uqurux
badan waxayna igu dhahday kusoo
dhawoow gurigeena.

markaas ayaan gabadhii wareystay
waxayna igu dhahday hadaan runta kuu
sheego islaantii halkaan kaa wacday
walaalkeyga ayaa kuu soo diray, runtii
markii ugu horeysay ee uu ku arkay ayuu
kujecclaaday wuxuuna doonayaa inuu ku
guursado sidaas darteed ayuuna islaantii
duqda aheyd kuugu soo dirsaday, marka
maadaama aad isguursan kartaan maka
aqbaleysaa codsigiisa ah inuu ku
guursado???

WEY SOCOTAA...

QEYBTII 21aad.

waxay inoo mareysay qeybtii hore markii
gabadhii labaad ay tiri markaan gurigii galay
waxaa iitimid gabar aad uqurux badan
waxayna iisheegtay in naagtii duqda aheyd
uu walalkeeda soo dirsaday aadna
ijecelyahay uuna doonayo inuu iguursado.

aniga markey hadalkaas igu tiri oona aan
dareemay inaan qasrigaan ku dhex
xanibanahay ayaan kudhahay waayahay ee
aaway wiilka?

markaas ayaa waxaa albaabka kasoo galay
wiil quruxdiisa aad yaabeyso wuuna
isalamay kadibna wuxuu igu dhahay aniga
ma rabo inaan ku qasbo jaceyl ayaana kuu
qabaa waxaana rabaa adoo raali ah inaan
ku guursado ee raali maka tahay??

markaas ayaan ku dhahay raali ayaan ka
ahay.

kadibna wuxuu idhahay intaan is mehersan
waxaan rabaa inaad balan iga qaado hal
shey wuxuuna yahay inaad qofkale iga
door bidin ee ma iga ballan qaadeysaa??

waxaan dhahay haa,

kadibna waxaa noosoo galay wadaad iyo
afar marqaati isla meeshii ayuuna arooskii
ka dhacay.

wiilkii mudo bil ah ayaan isqabnay waxaana
ku nooleen nolol aad umacaan aadna
ufarxad badan,

maalintii dambe ayaa waxaa dhacday in
aan ka codsaday in suuqa adeeg ka doonto
wuuna ii fasaxay,

kadib waxaan isi soo raacnay islaantii duqda aheyd waxayna iigeysay tukaan uu leeyahay wiil dhalinyaro ah kaasoo haayo alaabta ugu fiican ee suuqa taalo.

adeegii aan ubaahneen ayaan dalbaday intii uuu ii adeegayay islaantii duqda aheyd waxay ii amaaneysay wiilka waxaan ku dhahay maxaad iigu amaaneysaa wiilkaan waadba ogtahay inaan xaas ahaye??

aniga halkaan inaan ka adeegto ayan u imid adeegeena ayaan qaadaneynaa waana ka tageynaa.

kadibna markii uu adeegii noo dhameeyay ayaan lacagtii utaagay balse wuu diiday inuu qaato,

waxaan dhahay maxaa dhacay oo aad lacagta uqaadan la,dahay??

wuxuu dhahay wax lacag ah kaama rabo alaabtaan hadiyad ahaan uqaado hadaad halmar ishumiso.

waxaan kudhahay aniga waxaan ahay xaas laqabo mana iga suurtoobeyso inaan sidaas yeelo,

kadib wuxuu dhahay ama alaabtayda ayaan ceshanaa ama saan kudhahay iiyeel ikhtiyaarka adigaa leh.

markaas ayay naagtii duqda aheyd igu tiri alaabtaan oo dhan qaado waana alaab fiican suuqa qashin ayaa ka buuxo halmar oo aad dhunkatana waxba kaama dhibeyso,

sidey iigu qal-qaalineysay inaan dhunkado ayaan markii dambe ka ogolaaday,

markaas ayaan inta xijaabkii iska rogay dhabankeyga aadiyay si uu iidhunkado lkn meeshii aan dhunkasho ka sugaayay qaniinsho ayaan lakulmay waliba mid aad udaran ilaa aan ka suuxay.

cabaar kadib markaan soo naaxay ayaan waxaan arkay anoo tukaankii ku dhex jiro wali kaasoo kor ka xiran dhaawac darana dhabanka iiga yaalo, waxaana ikor joogtay islaantii duqda aheyd.

aniga waxaan dareemay walbahaar iyo murug aad ubadan markas ayay duqdii igu dhahday soo bax aan baxnee meeshaana anigaa kaa daweynayee.

markaan gurigii imaaday ayuu ninkeygii
arkay dhaawaca igu yaalay ayaa waxaa
dhacday inuu aad uxanaaqay wuuna
iweydiyay dhaawacaan yaa kusoo
gaarsiiyay??

waxaan kudhahay maadaama suuqa ciriiri
ahaa awr xaabo wado ayaa midkamid ah
xaabadiisa daanka iga gashay siddas ayuu
dhaawaca iisoo gaaray.

markaas ayuu wuxuu dhahay waxaan
udacwoonayaa qaadiga magaalada si uu
suuqaan ciriiriga ah ooo maalinkasta
shilalka sababayo wax uga qabto.

waxaan kudhahay khaladka anigaa lahaa ee
iska daa lkn wuu iga diiday markaan arkay
inay ka go,antahay inuu utago qaadiga
magaalada ayaan runta usheegay,

markaas ayuu aad uxanaaqay wuxuuna
amar kusiiyay qaar kamid ah adoomadiisa
inay ixiraan halkii ayana la igu xiray,
kadibna wuxuu soo qaatay seef aad udheer
asigoo rabay inuu kurka iga gooyo ayaa
waxaa soo gashay islaantii cajuusada
ahayd waxayna ku dhahday “gabadhaan

wax dambi ah ma aysan sameynin intii
aysan isheeda kaasoo bixin iska cafi
korimadii aan kusoo koriyay darteed”

sidey utuugeysay ayuu markii dambe ka
ogolaaday lkn wuxuu kuyiri waan cafinayaa
balse ciqaab daran ayay mari doontaa,

markaas ayuu wuxuu amar kusiiyay mid
adoomadiisa kamid ahaa inuu igaraaco
garaacis daran,

sidii la iigaraacayay ayaan miir daboolmay
kadibna inta isoo qaadeen ayaan waxaa la
iiga tagay meel cidlo ah.

aniga anoo aad uxanuunsan ayaan
magaaladeydii kusoo laabtay kadibna
waxaan lakulmay gabadhaan labada eey
wadato waxayna iiga sheekeysay
qisadeeda waxaana isla kireysanay
gurigaan iyadoo gabadhaan sadaxaadna
nagu soo biirtay waxkasta oo aan
ubaahanana wey noo soo iibisaa ilaa ay
markii dambe lakulantay ninkii xamaaliga
ahaa kadibna wixii dhacay ayaa dhacay oo
inta ka dambeyso waad ogtihiin.

markii uu khaliifkii mu,miniinta haaruun al-

rashiid hadalkaas maqlay ayuu aad uyaabay,

markaas ayay shaharzaad ogaatay in lagaaray subaxii waxayna ka aamustay hadalkii ubanaanaa.

HABEENKII 19aad

Habeenkii 19aad.

Kadib wuxuu amray khaliifkii muslimiinta in qisadaan lagu qoro diiwaanka laguna keydiyo maktabka boqortooyada,

Kadib khaliifkii wuxuu weydiiyay gabadhii “maka war heysaa cifriitkii sixirtay walaalahaaga??

Markaas ayay ugu jawaabtay ha amiiral mu,miniinow waxay isiisay tin kamid ah timaheeda waxayna igu tiri hadii aad ii baahato qeyb yar oo tintaan kamid ah gub waan kuu imaanaa xitaa hadii aan joogo buurta qaaf.

Markaas ayuu khaliifkii mu,miniinta yiri bal uyeer aan aragnee.

Gabadhii tintii qeyb kamid ah ayay gubtay

kadibna qasrigii boqortooyada ayaa gariiray
jug culusna wey dhacday mise waa cifriitkii
jinka aheyd waxayna aheyd mid muslimad
ah markaas ayay salaantay amiirkii
muslimiinta salaanta ayuuna ka qaaday.

Kadib jintii waxay tiri khaliifow gabadhaan
abaaal weyn ayay ii sameeyay geeri ayay iga
badbaadisay waxayna dishay cadowgeyga
markii aan ogaaday waxay walaalaheeda ku
sameeyen aad ayaan uga xumaaday
waxaana go,aansaday inaan uga aaro
anigoon dilin sidaas darted ayaana usixray,
hadii aad rabto khaliifkii mu,miniintow
sixirka waan ka furi karaa.

Markaas ayuu khaliifkii yiri bal kafur aan
aragne cida gardaran iyo cida laga
gardaranyahay, qofkasta xaqiisa ayaa la
siinayaa cidna halkaan laguma dulmiyo.
Markaas ayay jinidii ka furtay gabdhihii
sixirkii oo ay sidoodii hore kusoo laabteen,
kadibna khaliifkii wuxuu jinidii weydiiyay
cida gabadhaan sidaan ugaraacday
waxayna ugu jawaabtay waa wiilkaaga
amiin,

Markaas ayuu khaliifkii uwacay wiilkiisa
wuxuuna weydiiyay sidey wax ujiraan
wiilkiina sidii runta aheyd ayuu ugu

jawaabay.

Markaas ayuu khaliifkii isugu wacay qaadiyaashii magaalada xukaamtii marqaatiyaashii iyo sadaxdii nin ee fuqarada aheydba, sidoo kale wuxuu u wacay gabadhii koowaad iyo labadii gabdhood ee walaalaheeda ahaa, wuxuuna sadaxdoodii ku kala daray sadaxdii faqiir asigoo siiyay waxkasta oo ay ubaahnaayeen, maadaama sadaxda fuqaro ay sheegeen iney boqoro ahaayeen wuu soo dhaweeyay wuuna karaameeyay.

Gabadhii labaadna wuxuu uguuriyay wiilkiisa amiin kuna amray inuu si wanaagsan ula dhaqmo.

Kadibna khaliifkii wuxuu guursaday gabadhii sadaxaad isagoo udhigay aroos weyn dajiyayna qasrigiisa magaalada baqdaad.

Kadib ayuu khaliifkii habeen kale uwacay waziirkiisii jacfar iyo masruur wuxuuna dhahay nakeena caawo aan magaalada galnee waa intaasooo aan lasooo kulanaa dad dhibaateysan oo kaalmo ubaahan.

Sidii ayayna kusoo baxeen waxay socdaanba waxay lakulmeen oday waayeel ah oo diif iyo daal aad udaran ka muuqdaan markaas ayuu khaliifkii odaygii joojiyay

wuxuuna weydiyay xaalkiisa iyo
axwaashiisa.

Odaygii wuxuu ugu jawaabay aniga waxaan
ahay kalluumaysato qoyskeyga aniga bas
ayaa ukhidmeeyo saakay ayaan so baxay
manta dhana in shabaqa wax iisoo galaan
ayaan sugayay lkn waxba waa iisoo gali
waayeen ilmaheygiina waa iga baahanyihiin
wax aan siiyana malahan.

Markaas ayuu khaliifkii dhahay kawaran
hadii aan hada wabiga ku laabano oo
shabaqa bada ku tuurto waxkasta oo
kuusoo baxana aan kaa siiyo 100diinaar??
Odaygii aad ayuu u farxay horay ayuuna ka
ogolaaday.

Waxay kulaabteen wabigii kadibna waxay
tureen shabaqii cabaar markii ay sugeen
ayaa wax soo galeen kadibna wey soo
bixiyeen wuxuuna noqday sanduuq aad
uweyn, markaas ayuu khaliifkii sanduuqii
soo qaatay odaygiina wuxuu siiyay boqolkii
diinaar.

Khaliifkii markuu qasrigii tagay ayuu amray
in sanduuqa la furo si uu ufiiriyo waxa
kujiro, kadib sanduuqii ayaa lafuray maxaa
kasoo baxay??

Sanduuqa waxaa ku jiray gabar inta la dilay

hilibkeedana la jarjaray oo inta sanduuqaan lagu xiray biyaha wabiga lagu riday. Markuu khaliifkii arkay ayay ilin kasoo hoobatay wuxuuna eegay dhanka jacfar asigoo ku yiri “waryaa waziir isku sheegyahow ma maatadii ayaa la leynyaa anigoo amiiral mu,miniin ah kadibna hilibahoodii oo cadcad ugo,an badaha lagu tuurayaa??kadibna aniga aakhiro la iiqabsan maadaama aan masuul ka ahay?? Maya wlhi inaan u aar gudi doono gabadhaan oo dadkii saan yeelay aan ciqaabi doono, ilaah baan ku dhaartay hadii aadan ii keenin qofkii waxaan falay inaan idinku daldali doono qasrigeyga hortiisa adiga iyo 40tan ilmo adeeradaa ah (aala jacfar ayaa magaalada masuul ka ahaa). Markaas ayuu jacfar khaliifkii ka codsaday in uu u sugo mudo sadax maalmoo ah, khaliifkiina wuu ka ogolaaday. Markaas ayuu jacfar kasoo baxay khaliifkii asigoo aad umurugeysan isna weydiinaay xageen ka keenaa mudo sadax maalmood ah qofkii waxaan falay???

Markaas ayuu jacfar asigoo aad unaxsan gurigiisa tagay oo iska dhex fadhiistay, markii la gaaray maalintii afaraad ayuu khaliifkii u wacay jacfar asigoo weydiyay aaway dilaagii gabadha??

Wuxuu ku jawaabay khaliifow aniga ma ogi
climiga qeybka mana aqaano qofkii
gabadhaan dilay.

Markaas ayuu khaliifkii sii xanaaqay
wuxuuna maray in jacfar lagu xiro tiir
kuyaalo qasriga hortiisa, sidoo kale wuxuu
amray in magaalada qof loo diro si uu
dadka usoo ogeysiiyo in qofkasta oo
doonayo inuu daawado dilka jacfar
albarmaki waziirkii qaliifka ha yimaado.

Markaas ayaa magaaladii oo dhami isku
soo baxday oo madashii lawada yimid si ay
u daawadaan qaabka loo daldalaayo jacfar
iyo ilmo adeeradiisa.

Waxay qeybtii hore noo mareysay markii uu
khaliifkii aad uga xanaaqay in waziirka
uusan u keenin qofkii dilay gabadhii.

Markaas ayuu khaliifkii sii xanaaqay
wuxuuna maray in jacfar lagu xiro tiir
kuyaalo qasriga hortiisa, sidoo kale wuxuu
amray in magaalada qof loo diro si uu
dadka usoo ogeysiiyo in qofkasta oo
doonayo inuu daawado dilka jacfar
albarmaki waziirkii qaliifka ha yimaado.

Markaas ayaa magaaladii oo dhami isku
soo baxday oo madashii lawada yimid si ay
u daawadaan qaabka loo daldalaayo jacfar
iyo ilmo adeeradiisa.

Markii dadkii isku yimaadeen oo isku soo baxeen ayaa waxaa dhacday in uu madashii yimid wiil dhalin yaro ah wuxuuna soo kor istaagay jacfar asigoo kudhahay wazirow waxaan rabaaa inaad khaliifka iigeeyso waxaan ahay qofkii gabadha dilay.

Lkn waxyar kadib waxaa meesha yimid oday aad u da,weyn wuxuu asna soo kor istaagay jacfar wuxuuna kudhahay wiilkaan hadalkiisa ha aaminin gabadhana anigaa dilay ee aniga iigeey khaliifka.

Markaas ayuu wiilkii dhahay odaygaa waa oday aad uweyn wuxuu sheegaayana kama war haayo gabadhana anigaa dilay ee hala iigeeyo aniga khaliifka.

Jacfar arinta ayuu aad ula yaabay wuxuuna labadoodii ugeeyay khaliifkii si lookala saaro qofka gabadha dilay, markii dambe waxaa cadaaadatay inuu wiilka dilay gabdha,

Kadib khaliifkii ayaa weydiyay sababta??

Wuxuu wiilkii ku jawaabay “khaliifow gabadhaan waxay aheyd xaaskeyga waxaana dhalay odaygaan ila socdo oo adeer ii ah, waxay iidhashay sadax cunug, Mudo kadib gabadhii wey iga xanuunsanatay waxayna iga codsatay inaan ukeeno xabad tufaax ah anigana waan soo baxay oo waxaan imid suuqii

anigoo maalintaas dhan hal xabo tufaax raadinyay ayaan markii dambe lakulmay oday tufaaxa iibin jiray. Wuxuu iisheegay in tufaax la waayay oo aan magaaladan hada ka heleynin lkn hadii aan magaalada basra aado kasoo heli doono.

Khaliifow waxaan usoo safray magaalada basra waxaana kasoo iibsaday sadax tufaax, balse markii aan xaaskeyga ukeenay wey diiday iney cunto.

Maalintii xigtay shaqadeyda ayaan iska imid anigoo tukaankeyga agfadhiyo ayaa waxaa isoo agmaray mid adoon ahaa oo tufaax gacanta ku haayo.

Waxaan weydiiyay xagee tufaaxaan kasoo iibsatay ileen magaalada dhan aniga tufaax waan ka waayee?

Wuxuu iigu jawaabay tufaaxaan waxaan kasoo qaatay xabiibteyda waxayna iisheegtay in ninkeeda uu tufaaxaan dartiisa uga safray magaalada basra.

Markii uu hadalkaas idhahay ayaan aad u murogooday dunidiina ila madoobaatay, dhaqso ayaan tukaankii kusoo xirtay waxaana soo aaday gurigii markii aan imid ayaan weydiiyay naagteydii aaway tufaaxyadii??

Waxay iisoo bixisay labo tufaax markaas ayaan kudhahay aaway kii sadaxaad?

Waxayna iigu jawaabtay ma aqaano.

Markaas ayaan ogaaday in warkii uu ninka adoonka ahaa iisheegay uu run ahaa ciil inta iscelin waayay ayaan naagteydii inta xabadka uga fariistay midi lasoo baxay oon gowracay. Waxaana hilbaheedii u googooyay cad cad anigoo ku tuuray wabiga dijla dhexdiisa.

Marka khaliifkii mu,miniintow waxaan kaa codsanayaa inaan ciqaabta ii soo dadadjiso sababtoo ah aniga markii aan gabadhii dilay ayaan waxaan lakulmay wiilkeyga oo oynaya asigoon ka warheynin waxaan hooyadiisa ku sameeyay waan weydiiyay waxa ku dhacay wuxuuna iigu jawaabay in saakay uu hooyadiisa kasoo qaatay halxabo tufaax asigoo jidka lataagan uu adoon madow ka dafay kana xoogay.

Wuxuuna igu dhahay anoo jidka taagan ayuu ii yimid wuxuuna iweydiiyay meesha aan tufaaxa ka keenay waxaana ku dhahay aabahyega ayaa u safray magaalada basra si uu ugu keeno hooyadey oo xanuunsan wuxuuna u keenay sadax xabo.

Anigii markaan warkii wiilkeyga maqlay ayaan shalaayay mareysan shalaay waxba ii tareynin waxaana ii yimid adeerkeyga xaaskeyga aabaheed wixii dhacay ayaana

usheegay ee amiiral mu,miniinow waxaan rabaa ciqaabteyda inaad iisoo dadajiso sidii aan ugu dagdagay xaaskeyga ooo aan waxba uhubsan waayay. (HUBSIIMO HAL BAAA LASIISTAA AYAY SOOMAALI TIRI). Markaas ayay shahra-zaad ogaatay in subaxii la gaaray waxayna ka aamustay hadalkii u banaanaa.

Habeenkii xigay markii lagaaray shahra-zaad waxay hadalka ku bilowday:

Boqorow khaliifkii hadalkaas markuu maqlay wuxuu ku dhaartay inuusan dili dooni waxaan adoonkaas xun aheyn.

Markaas ayuu soo eegay dhankii Jacfar wuxuuna ku dhahay “ii keen adoonkaas xun hadii aadan ii keenin allaah ayaan ku dhaartee inaan adiga qoorta kaa jari doono”.

Markaas ayuu Jacfar inta gurigiisa iska tagay markale oohin iska bilaabay asigoo leh “xageen ka keenaa adoonkaas aan xitaa aqoonin cid taqaanana aysan jirin?

Wallahi inaanan far dhaqaajineynin waxaana wakiishtay allihii toogtii hore ibad-

baadiyay inuu hadana ibad-baadin doono”
Jacfar wuxuu iska fariistay gurigiisa markii ay kasoo wareegatay sadax maalmood oo waqtigii loo qabtayna dhamaaday ayaa waxaa u yimid ciidankii Amiirka waxayna dhaheen amiirka Mu,miniinta ayaa kuu yeerayo asigoo aad u xanaaqsan.

Jacfar hadalkii ciidanka markuu maqlay ayuu iska sii ooyay wuxuuna u jeestay dhankii qoyskiisa si uu u sagootiyo, waxaana qoyskiisa ku jirtay gabadhiisa yaraanta aheyd oo uu aad u jeclaa hab ayuu siiyay wuuna isku duubay.

Lkn wuxuu dareemay wax kuusan oo jeebkeeda ku jiro markaas ayuu weydiiyay “Gabadheydiiyey waa maxay waxaan jeebka kuugu jira?”

Waxay ugu jawaabtay “Aabo waa tufaax uu keenay adoonkeena Reexaan waxaana uga iibsaday labo diinaar si aan ugu ciyaaro”
Jacfar markuu hadalkaas maqlay ayuu aad u farxay asigoo alle u mahad celiyay farxadna la ooyay, kadibna wuxuu u wacay adoonkii wuxuuna weydiiyay xagee ka keentay tufaaxaan (waxaa laga yaabaa in uusan aheyn adoonkii ay raadinayeen jacfarna ma uusan rabin inuu u dag-dago siduu willkii naagtiisa qalay u dagdagay”

Adoonkii ayaa markaas ku jawaabay
“sayidkeygow mudo laga joogo 5
maalmood kahor anoo jid maraayo ayaan
waxaan ka qaaday wiil yar oo jidka ku
ciyaarayo markaan weydiiyay halkuu ka
keenayna wuxuu iigu jawaabay “hooyadey
oo xanuunsan ayaa aabaheyga uga keenay
magaalada basra 3xabo tufaax ah anigana
midaan ayaan sooo qaatay” markaas ayaan
wiilkii garaacay tufaaxiina ka xoogay.
Markuu jacfar hadalkaas maqlay ayuu amar
ku bixiyay in adoonka la xiro loona geeyo
Haaruun Al-rashiid amiirka mu,miniinta, sidii
ayaana loogu geeyay adoonkii kuna
badbaaday Waziir Jacfar
Markaas ayuu haaruun al-rashiid la yaabay
qisada meesha ka dhacday wuxuuna amray
in la diiwaan galiyo qisadaan cajiibka si
jiilka dambe ugu cibro qaataan.
Markaas ayuu jacfar dhahay amiirkeenow
hadii aad maqli laheyd qisadii Nimankii
weershaha, kabo tolihii, yahuudigii,
kirishtaankii iyo muslimkii ka dhexdhacday
sheekadaan lama yaabteen.
Markaas ayuu dhahay Haaruun Al-rashiid
bal inoo sheeg sheekada ka yaab badan
midaan naga yaabisay.
Markaas ayuu Wazir Jacfar dhahay wlhi

inaanan kaaga sheekeynin ilaa aad ka
cafiso adoonkeyga oo aad dhiigiisa iiga
hibeyneyso.

Markaas ayuu khaliifkii dhahay hadiiba
qisada aad soo wado mida aan hada
ujeedo ka yaab badantahay waan kuu
hibeeyay dhiigiisa ee bal sheeg qisada.
Waziir Jacfar wuxuu hadalkiisa ku bilaabay

Sheekada waxay qeybtii hore inoo mareysa
markuu waziir jacfar khaliifka ku dhahay
hadii aan dhacdo tan ka yaab badan kaaga
sheekeeyo adoonkaan madow naftiisa ma ii
hibeyneysaa ?

Narkaas ayuu khaliifkii ku jawaabay haa.

Kadib waziir jacfar ayaa hadalkiisa sidaan
ku bilaabay. “ waxaad ogaataa khaliifkii
Mu’miniintow in waa hore uu magaalo
shiinaha ku taalo ku noolaa nin dhar tole ah
wuxuuna iska ahaa nin iska shaqeysta
iskana furfuran, mararka qaarna asiga iyo
xaaskiisa tamashle ayay isku raaci jireen.
Maalin maalmaha kamid ah iyagoo
tamashle ka imaaday ayay waxay jidka ku
arkeen nin weershe ah oo khamri cabsan
kaasoo hadaad aragtid qaabka uu u yaalo
aad la qosleysid xitaa qofka xanaaqsan
ayaaba wajigiisa haduu arko qosol la

dhacaay.

Kadib ayay salaameen xoogaana la sheekeysteen waxayna jeclaadeen in habeenkaas gurigooda ku casuumaan oo iyaga la joogo lana seexdo sidii ayuuna weershihii kaga ogolaaday.

Way isi soo raacen intii ay jidka kusoo jireena waxay horay u soo gateen kalluun si ay habeenkii u cunaan.

Markii ay xaafada tageen ayay kalluunkii cunis ku bilaabeen, iyagoo cunaya ayaa naagtii uu qabay ninkii dhar tolaha ahaa inta soo qabatay cad kalluun weyn ah oo is heysta afka u galisay weershihii iyadoo leh halmar afka wada gasho oo cun maadaama diif badan iyo gaajo ka muuqatay weyna ku dirqisay iyadoon xitaa la sugin intuu ka calaanjinaayo.

Ninkii weershaha ahaa nin wadkiis galay ayuu ahaaye lafihii kalluunka ayaa dhuunta u istaagay kadibna wuu dhintay.

Shahra-zaad markaas waxay ogaatay in la gaaray subaxii weyna joojisay hadalkii u banaanaa.

Habeenkii xigay ayaa waxay tiri: boqorow waxaa isoo gaaray in markii weershaha uu dhintay uu yaabay harqaanlihii asigoo leh “laa xowla walaa quwata ilaa billaah miskiinkaan in gacmaheen uu ku dhinto

ayaa u qorneyd hada ninkii miskiinka ahaa waaba dilnee maxaan sameynaa?

Markaas ayay naagtii tiri soo qabo go'aas oo ninka kusoo duub soona xambaarso waan qaadeynaa hadii dadka na weydiiyaana waxaan dhaheynaa wiilkaan xanuunsan ayaan dhakhtar u wadnaa si aan naloo dareemin.

Kadibna sidii ayay yeeleen iyagoo gurigii dhakhtarka imaaday albaabkii ayay garaaceen waxaana ka furtay jaariyad dhakhtarka la joogtay, waxayna ku dhaheen "dhakhtarka hadaad noogu wacdo diinaarkaan ayaan ku siineynaa" waayahay ayay tiri markaas ayay kor fuushay ninkii iyo naagtiina meydkiintaa meesha dhigeen ayay kasoo carareen.

Jaariyadii markii ay dhakhtarkii u tagtay kaasoo yahuud ahaa ayaa waxay ku tiri nin iyo naag oo bukaan wado ayaa banaanka taagan waxayna rabaan inaad usoo baxdo ayagoo isiiyeen diinaarkaan.

Markaas ayuu dhakhtarkii soo dagtay hase yeeshee meesha oo mugdi aheyd xiligana habeen ahaa ayuu wuxuu ku dul dhacay meydkiintaa kuna kor kufay asoo waliba sambabka uga istaagay.

Dhakhtarkii ayaa aad iskugu naxay wuxuuna u qaatay in bukaankii uu ku

istaagay isla markaasna uu dhintayasigoo leh “yaa caziiz, yaa haaruun wa yuushac binu nuun ninkii miskiinka ahaa waan dilay ee maxaaa talo ah?”

Markaas ayuu go,aansaday in uu ku tuuro guri nin muslim ah oo ay daris ahaayeen, ninkaas muslimka ah ee yahuudka dariska ahaayeen waxaa asna nafta u keenay oo uu qaati ka taagnaa tuug habeenkasta xado, markii uu maqlay jugtii iyo in wax soo dhaceen ayuu wuxuu mooday tuug darbiga kasoo booday wuu soo baxay meeshii ayuuna yimid mise waaba weershihii meydka ahaa oo meesha qotomo asigoon ogeyn inuu meyd yahay oo tuug u maleeyo ayuu budkii uu watay madaxa uga dhuftay kadibna wuxuu arkay ninkii oo meyd ah wuxuuna u maleeyay asna inuu asiga dilay. Markaas ayuu isna yiri “laa xowla walaa quwata ilaa billaah, ilaahay ha lacnado alaabtaan yare e aan ninkaan dartiisau dilay markaas ayuu wajigi ninkii sii fiiriyay mise waaba weershe wuxuuna niyada iska dhahay inaad weershe kaliya tahay makugu filnaan weysay markaasaa tuugnimo kusii darsatay Allow na astur.

Kadib asna meydkaa ayuu soo qaaday wuxuuna ag keenay nin kirishtaan ah oo tukaanle ah kaasoo tukaankiisa suuqa ku

agyaalay meeshii ayuuna qotomiyay sidii qof taagan camal.

Ninkii kirishtaanka ahaa oo khamri iska soo dharjiyay ayaa tukaankii kasoo baxay wuxuuna arkay ninkaan meesha taagan asigoo u qaatay inuu doonayo inuu dhaco waayo horay ayaa dhowr mar loo dhacay wuxuuna ahaa mid ciil daran hayo.

Kadibna inta weershihii kor yimid ayuu feer iyo laad la dhacay waxaase kusoo baxay qaar kamid ah waardiyayaashii suuqa kuwaasoo kirishtaankii ninkii weershaha ahaa ka qabteen hadiiba ay sii fiiriyeen ninka waaba meyd markaas ayay kirishtaankii xireen una geeyeen gurigii waaliga magaalada iyadoo kirishtaankii uu yaabanyahay side feer yar qof dhan ugu dhiman karaa?

Markii waaligii loo keenay ayuu amray in kirishtaankii qoorta laga gooyo, markii la isku soo baxay oo kirishtaankiina meesha dadka qoorta looga gooyo la saaray isla markaasna kii qoor gooyaha ahaa is diyaariyay qarkana u saaranyahay in qoorta kirushtaankii gooyay ayaa waxaa meesha yimid ninkii muslimka ahaa oo ordaayo kaasoo leh “ha dilin ninkaan waxba ma dilinie ee aniga idil anaa ninkaan dilee” Markaas ayuu waaligii yaabay oo yiri side

ku dhacday? Wuxuu ugu jawaabay in ninkaan uu xalay u soo dhacay isla markaasna uu budkaan madaxa uga dhuftay sidaasna ku dhintay asoo meyd ahna uu kirishtaanka tukaankiisa soo ag istaajiyay marka anigaa ninkaan dilay ee aniga hala I dilo.

Markaas ayuu waaligii amray in Muslimka la dilo, asna markii tiirkii lagu xiray oo qoorta laga goyn rabay ayaa waxaa yimid yahuudkii oo ordaayo misna leh war yaan la dilineey anigaa ninkaan dilay.

Markaas ayaa isna la weydiiyay side ku dhacday?

Wuxuu ku jawaabay aniga ayuu asoo bukaan ah xalay ii yimid hase yeeshee maadaama mugdi meesha aheyd anoon arkeynin ayaan sambabka uga istaagay sidaas ayuuna ku dhintay kadibna miskiinkaan ayaan gurigiisa kusoo tuuray asoo meyd ah marka ninkaan anigaa dilay ee aniga hala I dilo.

Waaligii ayaa markaas amray in muslimka xariga laga furo oo yahuudka lagu xiro lana dilo.

Ayadoo yahuudkii la dili rabo ayaa hadana waxaa yimid harqaanlihii oo ordaayo wuxuuna dhahay anigaa ninkaan dilay wuxuuna ka sheekeeyay sidey wax u

dhaceen.

Markaas ayaa hadana harqaanlihii lagu badalay yahuudkii taasoo aad uga careysiisay qoor gooyihii oo sugi la'san qofkii uu qoorta ka goyn lahaa.

Dhanka kale ninka weershaha ah ee meydka ah wuxuu kamid ahaa dadkii suldaanka u shactireyn jiray lkn maalintii uu dhimanaayay ayuu khamri inta cabay qasrigii kazoo tagay habeenkiina wuu soo dhaxay ileen meyd uu ahaayee taasoo kaliftay in suldaanka is weydiiyo waxaana loo sheegay inuu dhintay iyo sidey wax u dhaceen in dilkiisa loo heysto afar nin.

Markaas ayuu suldaankii dhahay waaliga haloo tago hana la ii keeno dhamaan dadka dilkiisa loo heysto.

Kadibna iyadoo ninkii harqaanlaha ahaa tiirka lagu xiray misna qoorta laga goyn rabo ayaa waxaa yimid ninkii suldaanka soo diray oo ordaayo isla markaasna leh suldaanka ayaa dhamaantiina idiin yeeraayo taasoo markale kasii careysiisay qoor gooyihii oo tiirkiisa lagu xiray afar nin walina hal qoor goynin.

Markii ay suldaankii u imaadeen oo sida wax u dhacay uga wada sheekeeyeen ayuu suldaankii la yaabay arkinta iyo sidey

macquul ku noqotay in 4 nin hal nin iska daba dilaan iyagoo aanan fahmin.

Markaas ayaa waxaa hadlay hadlay kirishtaankii oo yiri qiso aan hada kahor arkay hadaan kaaga sheekeeyo tan wax lala yaabo ma noqoneyso.

Markaas ayuu suldaankii dhahay oo maxay aheyd qisadaas?

Kirishtaankii ayaana hadalkiisii sidaan ku bilaabay; waxaad ogaataa boqorow aniga inaan kazoo jeedo qibdiyiinta masar ku nool oo aabahey waa reer masar wuxuuna ahaan jiray dalaal hase yeeshee wuu geeriyooday ana markuu dhintay ayaan howshii badalkiisa galay oo meesheedii kasii waday waxaana noqday dalaal kale. Maalin maalmaha kamid ah anoo suuqa joogo ayaa waxaa suuqa iigu yimid wiil aad u qurux badan wuxuuna watay badeeco taasoo uu igula heshiiyay inaan gado islamarkaasna lacago gunooyin badan igu siin doono.

Badeecadii ayaan maalintii oo dhan gadaayay waxaana soo xareeyney qiimo aad u badan lkn qaar kamid ah badeecadii ayaa soo hartay asigana waxaa la gaaray waqtigii uu laaban lahaa, wuxuu markaas igula balamay in badeecada aan gado asigana uu kun dirham qaato inta soo

hartayna aan aniga qaato.

Sidii ayaan yeelay mudo ayuuna maqnaa
ilaa markii dambe uu yimid wuxuuna I
weydiyay lacagtii markaas ayaan dhahay
waan haayaa, markaas ayuu igu dhahay ii
haay waan u soo laabanaa,

Markii ay bil kasoo wareegatay ayuu
hadana soo laabtay wuxuuna I weydiyay
kunkii dirham inaan haayo ayaan u sheegay
markaas ayuu markale igu yiri waan u soo
laabanaa.

Wixii sidaas xaalka ahaadaba dhowr bil
markii ay kazoo wareegatay anigana
waxaan sameeyay lacagtii ayaan maalgashi
ku sameeyay waxaana ka faa'iiday lacag
badan markaas ayaan waxaan go'aansaday
inaan toogtaan wiilka marti qaado
maadaama uu qof fiican yahay sidoo
kalana aan lacagtiisa waxbadan ku faa'iiday

Sheekada waxay qeybtii hore inoo
mareysay dhowr bil markii ay kazoo
wareegatay anigana waxaan sameeyay
lacagtii ayaan maalgashi ku sameeyay
waxaana ka faa'iiday lacag badan markaas
ayaan waxaan go'aansaday inaan toogtaan
wiilka marti qaado maadaama uu qof fiican
yahay sidoo kalana aan lacagtiisa
waxbadan ku faa'iiday.

Markii dambe ayuu ii imaaday waxaana dhahay manta aniga ayaad ii casuumantahay lkn wuxuu dhahay hal shardi ayaan wataa waana in lacagta martiqaadka aad ka bixisaa lacagta aad ii heyso, markaas ayaan ka ogolaaday.

Kadib qadadii ayaan diyaariyay waana fariisanay si aan u cuno lkn waxaan arkay asigoo bidixdiisa wax ku cunaayo taasoo layaab igu noqotay, kadib markii uu wax cunistii dhameeyay ayuu farxashay kadib ayaan ku dhahay “sayidii gacanta midig maxaa kaaga dhacay oo aadan raashiinka ugu cunin dhib miyaa jira?” waxaana idinka iloobay in wiilka uu markasta gacantiisa midig jeebka ugu jiri jirtay mana uusan adeegsan jirin.

Wiilkii hadalkeyga markuu maqlay ayuu gacantiisii jeebka kasoo bixiyay mise weyba go’antahay taasoo aad iiga yaabisay.

Markaas ayuu igu dhahay waxba hala yaabin waayo gacantaan qaabka ay iiga go’day ayaa ka yaab badan.

Waxaan ku dhahay maxaa kaaga dhacay

bal ii sheeg.

Wuxuu hadalkiisa ku bilaabay :waxaad ogaataa aniga inaan kasoo jeedo magaalada baqdaad waalidkeyna uu halkaas daganaa waxaana aheyn ganacsato.

Aniga markasta waxaa warar iga soo gaari jireen in dhulka masar uu yahay dhul aad ugu fiican ganacsiga waxaana ku taami jiray markasta inaan maalin uun tago si aan badeecadeyda u geeyo.

Maalintii dambe ayaan jisciinka u dhuuqsaday waxaana u baxay safar dheer anigoo waday badeeco badan oo ay ugu horeeyeen dharka noocyadiisa kala duwan waxaana gaaray dhulkii Masar.

Waxaan halkii ku iibiyay badeecadii waxaana meesha ku bartay ganacsato badan oo uu kamid ahaa nin la dhihi jiray Badru-Diin wuxuuna ahaa mid dharka ka ganacsada.

Maalin maalmaha kamid ah anigoo asiga la fadhiyo sheekana noo socoto ayaa waxaa tukaankiisii timid gabar aad quruxdeeda

hadaad aragto aad yaabeyso.

Waxay aheyd gabar u labisan sida amiiradaha bilicdeeda iyo quruxda wajigeedana ma aysan aheyn mid la iska difaaci karo qalbi kasta oo arkaa wajigeeda si fudud ayuu ku jeclaanayay waxaana kasoo baxaysay caraf iyo udug ruuxda kaa qaadeyso waxaana niyada iska dhahay xuurul-ceyntaan tolow xagey ka timid mise waan riyoonaayaa?

Waxay la hadashay badru diin waxayna fiirisay dharkii meesha yaalay ilaa ay ka baxsatay wixii ka cajiibiyay mudadaasna aniga waxaan ahay maqane jooge oo iyada ayaan ku maqnahay.

Kadib ayay badru-diin ku tiri “kawaran hadaan dharkaan qaato oo aan lacagtiisa gadaal kaaga soo dhiibo?”

Markaas ayuu badru-diin ugu jawaabay “suurto gal ma ahan maanta waayo lacagta ayaan muxtaaj u ahay?

Markaas ayay ku dhahday “war hooge aniga waxaa caado ii ah inaan tukaankaan wax ka gato badeecada qaato kadibna gadaal

kaaga soo dhiibo lacagta ee badeecada isii”

Markaas ayuu ka diiday kadibna inta ku xanaaqday ayay maryihii wajiga uga tuurtay iskana baxday.

Markey dhaqaaqday ayaanba isu maleeyay in ruuxdeyda raacday markaas ayaan inta kacay ku dhahay “abaayo halmar eegmadaada igu sadaqeyso talaabadana dib u soo celi”

Markaas ayay isoo fiirisay iyadoo dhoolo cadeyneyso markaas ayay igu tiri “dartaa ayaan usoo laabtay”

Markaas ayaan badru diin ku dhahay “badeecadaan lacagteeda waa imisa ?

Markaas ayuu igu dhahay “waa kun iyo boqol dirham”

Waxaan ku dhahay “waa diyaar waxaana kuu raacinaa boqol dirham kale oo dheeri ah ee keen”

Markaas ayuu warqadii faatuurada ii qoray oo aan gacanteyda ku saxiixay waxaana usoo taagay gabadhii anoo ku leh “hoo

qaado hadii aad rabto lacagta inoo soo celi hadii kalana martiqaad ahaan u qaado”

Markaas ayay ii mahad celisay wayna baxday.

Kadib ayaan inta is celin waayay badrudiin ka wareystay haduu yaqaano qoftey tahay wuxuuna I dhahay “gabadhaan waa gabar hanti leh waana amiirad aabaheeda dhintay wuxuuna uga tagay hanti aad u fara badan”

Markaas ayaan halkii aan ku hoyan jiray kusoo laabtay anoo qalbigeyga oo dhan uu gabadhii ka fikiraayo mana aheyn mid uu maankiisa joogay.

Habeenkaas waxba ma aanan cunin hurdana wey iga soo dhici weysay waxa kaliya ee aan ka fikirayayna wuxuu ahaa gabadhii quruxda badneyd ee aan manta arkay.

Waagii markuu baryay ayaan quraacday inta labistay horay ka aaday tukaankii sxbkey badru diin anoo niyada iska leh waa intaasoo aad markale aragtaaye.

Kadib xoogaa markaan tukaankii joogay

ayay timaaday iyadoo labiskii shalay mid ka qurux badan wadato sidii dayaxana u hilaaceyso, waxaana lasocotay jaariyad, wey fariisatay weyna I salaantay iyadoo aanan badru-diin salaamin waxayna cod fasiix ah igu tiri “igu soo daba dir qof aan kuugu soo dhiibo kun iyo boqol dirham”

Waxaan isku dayay inaan dhaho iska dhaaf lkn wey iga diiday kadibna cabaar ayay ii sheekeysay markey bixi rabtay ayaan u baaqay maku sii dhaweeyaa? Iyadana horay ayay iga fahamtay kadibna wey kacday.

Markaas ayaan dhaweeyay intaan jidka kusii jirnay ayay igu tiri “xabiibi aniga waxaan rabaa inaan kuu sheego inaad isoo jiidatay qalbigeygana uu dhankaaga u janjeero markii aan ku arkay ilaa waqtigaana hurdo igama soo dhicin cuntana maku haminin waxaana garowsaday inaan kuu sheego ee sidaas u ogoow”

Markaas ayay inta neef iga soo fuqday ku dhahay “laban lab waxaad xageyga ka dareemeysid ayaan dhankaaga ka dareemayaa dareenkana anigaa kaa daran”

Markaaas ayay igu dhahday “xabiibii makuu imaadaa makula joogaa?”

Markaas ayaan ku dhahay “ aniga halkaan qariib musaafir ayaan ku ahay gurina kuma lihi lkn hadii aad garowsatid inaan aniga adiga kuu imaado waa heer sare maadaama dhulkaaga aad joogtid”

Markaas ayay igu dhahday “caawo waa jimco ee bari ii imoow” waxayna ii tilmaantay qasriga meesha uu ku yaalay.

Markaas ayaan aad u farxay waxaana habeenkaas seexday anoo faraxsan qofaan iyada aheyna aanan ka fikireynin.

Subaxii markii la gaaray ayaan qubeystay waxaana soo xirtay dharkeyga kuwii ugu fiicnaa si heer sare ayaana usoo labistay iskuna soo carfiyay waxaana jeebka kusoo ritay lacag dhan konton diinaar (waxay u dhigmataa 5kun oo dirham) waana soo baxay ilaa aan ka imaaday qasrigii waxaana albaabka iga fureyn labo gabdhood oo yaryar iyo labo xoogaa kaweyn oo aad dayaxa moodo waxayna i dhaheyn soo gal sayidadeena wey ku sugeysaaye xalay oo

dhana ma aysan seexanin adigeyna kugu walacday.

Markaas ayaan qasrigii galay wuxuuna ahaa hool leh todobo albaab wareeg shabaq ka sameysana wuxuu ku hareereysnaa beerta qasriga, waxaana beerta ka baxayay nooc kasta oo miro iyadoo uu dhex marayay wabiga, dhanka kale qasriga saqafkiisa wuxuu ka sameysnaa dahab dhulkana waxaa lagu firaashay rook aad quruxdiisa la yaabeysid darbiyadana waxaa ku xardhanaayeen daahyo xariir laga sameeyay markii aan dhex galay ayaan fariistay.

Markaas ayay shahar-zaad ogaatay in subaxii la gaaray waxayna ka aamustay hadalkii banaanaa.

Habeenkii 27aad.

Habeenkii xigay waxay sheekada ku bilowday waxaa isoo gaartay boqorow in wiilkii uu yiri markii aan qasrigii galay waan fariistay waxaana ii imaaday gabadhii oo ku labisan taaj lagu xardhay lu'lu' iyo yaaquut waxayna ku labisneyd dhar hadii aad aragtid aad quruxdiisa la yaabeysid intaan

iyadana quruxdeeda la gaarin.

Markii ay I aragtay ayay ii qososhay waxayna igu tiri “xaqiiqo miyaa waxaan arko oo ma ila joogtaa mise waa indhaheyga?

Habeenkii 27aad.

Habeenkii xigay waxay sheekada ku bilowday waxaa isoo gaartay boqorow in wiilkii uu yiri markii aan qasrigii galay waan fariistay waxaana ii imaaday gabadhii oo ku labisan taaj lagu xardhay lu’lu’ iyo yaaquut waxayna ku labisneyd dhar hadii aad aragtid aad quruxdiisa la yaabeysid intaan iyadana quruxdeeda la gaarin.

Markii ay I aragtay ayay ii qososhay waxayna igu tiri “xaqiiqo miyaa waxaan arko oo ma ila joogtaa mise waa indhaheyga?”

Markaas ayaan ku dhahay waa xaqiiqo oo waan ku hor fadhiyaa.

Markaas ayay I dhahday “bal soo dhawow hurdo iyo cunto waadba ii diidee”

Waxaan ugu jawaabay “aniguba kula mid ayaan ahay oo waxaan cunto iigu dambaysay maalintaan adiga ku arkay”

Markaas ayaan cabaar fariisanay oo sheekeysanay kadib waxaa la ii keenay raashiin kala noocyo ah oo qofkasta ku riyoodo inuu maalin uun cuno wuxuuna ahaa mi si heer sare loo kariyay aadna u macaanaa markaas ayaan cunay ilaa aan ka dhargay kadibna waxaa la ii keenay farxal iyo catar caraf badan.

Kadib ayaan waxaan u gudubnay qol aad u qurux badan si heer sarana loo goglay markaas ayay tixdaan yar igu tiri “hadii aan ogaan laheyn imaatinkaada waxaan kuu gogli lahaa qalbigeyga dhabankeenana dhulka ayaan kuu dhigi laheyn”

Markaas ayay iiga warantay jaceylka ay ii qabto heerka uu ka joogo ana midka aan u qabo ayaan uga waramay.

Kadibna inaan kaftano oo aan ciyaarno ayaan bilowno waxaana noogu xigtay inaan si tartiib tartiib isugu dhawaanay ilaa aan hab isi siinay midkeenana uu kan kale isku duubay waxaana noogu xigtay dhunkasho

aan xad laheyn sidii ayaana aheyn ilaa ay mid kamid ah jaariyadihii noo keentay casiir aad u macaan markaas ayaan cabnay.

Kadib ayaan anigii iyo gabdhii quruxda badneyd si wadajir ah habeenkaas u seexanay mana isoo marin cimrigay intaan noolaa habeen ka macaan badan.

Markii subaxii la garaay ayaan soo bixiyay lacagtii jeebka iigu jirtay ee 50ka diinaar aheyd gabadhii ayaana siiyay markaas ayay igu dhahday “xabiibi goormee markale is aragnaa?” waxaana ugu jawaabay “caawo cishaha kadib ayaan kuu imaan” waana kasoo tagay.

Kadib waxaan soo aaday suuqii anigoo ganacsigii guda galay waxaana duhurkii markii la gaarayu dhiibay hilib ido oo duban kadibna habeenkii markii la gaaray ayay lacag la eg intii shalay soo qaatay waxaana soo aaday qasrigeedaa markii aan u imid ayaa la isoo dhaweeyay waxaana la ii keenay casho heer sare waana casheynay kadibna qolkii ayaan hadana wada seexanay subaxii markii la gaaray ayaan lacagtii siiyay waana soo baxay.

Waxaan sidaas ahaa mudo dheer anoo habeen kasta u geynaayay 50 diinaar ilaa ay gabi ahaanba lacagtii iga dhamaatay waxaana noqday mid aan waxba heysan markaas ayaan shalaayay anoo niyada iska leh sheydaan ayaa ku duufsaday.

Waan shiiday jeebkeygana wax lacag ah kuma jirto anigoo xaaladaas ku sugan misna suuqa meel ciriiri ah dhex maraayo ayaan arkay askari jeebkiisa ka muuqato mandiil lacag ah (boors yar oo lacagta lagu rito) markaas ayay lacagtii damac iga gashay.

Gacanteydii ayaan taagtay waxaana galiyay jeebkii askarigii mandiilkii lacagta ahaa ayaana kasoo bixiyay markaas ayuu askarigii dhankeyga soo fiiriyay shaki ayaana galay asigoo jeebkiisa gacanta la aaday wuxuuna dareemay in lacagtii ay maqantahay.

Markaas ayuu bahal dharbaaxo aan la wareeray igu sii daayay wuxuuna ahaa askari xoog badan waxaana igu soo shamuumay dadkii meesha maraayay ayagoo bilaabay in askariga iga celiyaan waxayna lahaayeen “naxariis darnidaa

maxaad wiilka sidaas ugu galeysaa?”
asigana wuxuu ugu jawaabay “kan waa
xaaraami waana tuug oo lacag iga xaday”

Aniga waqtigaas waxaan ahaa mid
wareersan hadalada dadka si fiican uma
maqleynin oo jugtii ayaa xoogaa miirka iga
qaaday waxaana maqlaayay dadkii oo leh
“wiilkaan waa miskiin waxna ma xadin”
dadkana qaar waxay ahaayeen kuwa aniga i
difaaco qaarna askarigii ayay rumeysteen
ilaa uu waaligii magaalada iyo qaar kamid
ah xukaamta meesha ka imaadeen.

Weyn nagu soo leexdeen iyagoo dadka
weydiyay “maxaa halkan ka dhacay?”

Markaas ayaa waxaa hadlay askarigii
asigoo dhahay “amiirkii mu’miniintow kani
waa xaaraami tuug ah waxaana ahaa mid
jeebka ku sita mandiil buluug ah waxaana
iigu jirtay 20 diinaar wuuna iga xaday anoo
meel ciriiri ah maraayo.

Markaas ayuu waaligii askarigii weydiyay
“qof miyaa kula socday?”

Markaas ayuu askarigii dhahay “maya
waxaan ahaa mid kaligiis socdo”

Markaas ayuu waaligii amar ku bixiyay in la ibaaro, kadibna waa la I baaray ilaa laga soo bixiyo mandiilkii lacagta ku jirtay, markaas ayuu waaligii lacagta tiriyay wuxuuna ogaaday in 20 diinaar tahay warkii askariga sheegaayayna uu xaqiiqo yahay.

Markaas ayuu waaligii xanaaqay wuxuuna dhahay horteyda hala soo istaajiyo markii hortiisa la I geeyayna wuxuu dhahay waryaa wiilow adiga miyaa lacagtaan xaday?

Markaas ayaan xoogaa ka labo labeeyay balse waxaan go'aansaday inaan runta sheego waxaana ku dhahay haa anigaa xaday.

Markaas ayuu waaligii ila yaabay sidan runta ugu dhiiraday wuxuuna u wacay marqaatiyaashii kadibna markii hadalkeyga la diiwaan galiyay ayaa gacantii la iga gooyay waaligiina wuu iska tagay.

Markii gacanta la iga gooyay ayay dadkii igu soo xoomeen igana naxeen iyagoo biyo iyo baad I siiyay xitaa waxaa iga naxay askarigii wuxuuna isiiyay mandiilkii lacagta ku jirtay asigoo ileh “adiga waxaad tahay wiil

wanaagsan macquulna ma ahan inaad tuug tahay hadii uu xukunka waaliga gaari laheynta waan iska kaa cagin lahaa” (xukun ama xad alle marba hadii garsoorka la hor geeyo cagis wax la dhaho ma jiraan).

Markaas ayaan anigoo aad u xanuunsanayo meeshii kasoo tagay gacanteydii la gooyayna waxaan ku qariyay jeebkeyga ilaa aan gabadhii uga imid.

Markii aan u imid ayay wajigeysiga is badal ka dareentay mana aysan arkin gacanteyda maadaama aan aniga ka qariyay waxayna igu tiri “xabiibii maxaa kugu dhacay oo la murugeysantahay wajigaaga maanta isbadal ayaa ka muuqdee?”

Lkn waxba uma sheegin waxaana iska galay qolka kadibna way iga soo daba gashay iyadoo iga sugeyso in sidey wax u jiraan u sheego balse uma jawaabin ilaa habeenkii laga gaaray.

Habeenkii markii la gaaray waxay ii keentay casho lkn waan ka cudur daartay inaan wax cuno anoo ka baqayo iney l aragto anoo bidixda wax ku cunaayo.

Kadib ayaan seexday markii aan jiftay ayay aragtay gacanteydii oo go'an iyo labaatankii diinaar ee aan watay markaas ayay aad uga murugootay.

Subaxii markii la gaaray oo aan huradadii kasoo kacay ayaan damcay inaan baxo markaas ayay I dhahday xagee rabtaa inaad tagto? Waxaana ugu jawaabay meel aan murugta isaga soo baabi'iy.

Markaas ayay igu dhahday ha tagine e kaalay inta soo fariiso markii aan agteeda soo fariistay ayayna igu dhahday "jaceyl aad ii qabto ma waxaad gaartay heer aad hantidaada oo dhan igu bixisay ilaa ay waxba kuusoo hari waayeen oo gacantaadiina ku weysay? Allaah ayaa iiga marqaati ah inaan waligey kaa hari doonin hadalkeyga saxnaanshihiisana waan ku tusi doonaa.

Markaas ayay sheikh iyo marqaati u wacday markii ay isku imaadeeana waxay ku dhahday "marqaati ka ahaada in wiilkaan aan meher ahaan uga qaatay 20kaas diinaar guurkiisana aan rabo waxaana ka marag kacayaa in maalkeyga oo dhan iyo dhamaan adoomadeyda iyo jaariyadaheyga

aan wiilkaan ku wareejiyay midaas marqaati iiga ahaada”

Markaas ayaa gabadhii la igu mehriyay kadibna inta isoo waday ayay isoo hor istaajisay sanduuq weyn weyna furtay waxaana kasoo baxay mandiilyaal badan oo ahaa kuwii aan lacagta ugu keeni jiray kaawaasoo sidoodii ah lacagtiina ku jirto

Waxaan ka cudur daaranayaa hakadkii sheekada xalay ku yimid maadaama xaalad mashquul badan aan galay.

Sheekada waxay qeybtii hore noo mareysay markii ay gabdhii marqaatiyaashii u wacday.

Markaas ayay sheikh iyo marqaati u wacday markii ay isku imaadeeana waxay ku dhahday “marqaati ka ahaada in wiilkaan aan meher ahaan uga qaatay 20kaas diinaar guurkiisana aan rabo waxaana ka marag kacayaa in maalkeyga oo dhan iyo dhamaan adoomadeyda iyo jaariyadaheyga aan wiilkaan ku wareejiyay midaas marqaati iiga ahaada”

Markaas ayaa gabadhii la igu mehriyay kadibna inta isoo waday ayay isoo hor

istaajisay sanduuq weyn weyna furtay
waxaana kasoo baxay mandiilyaal badan
oo ahaa kuwii aan lacagta ugu keeni jiray
kaawaasoo sidoodii ah lacagtiina ku jirto.

Markaas ayaa waxay igu tiri “kani waa
maalkaagii aan kaa qaadan jiray waxaana
maalinkasta ku ridi jiray sanduuqaan ee
wado qaado alle dib ayuu kuugu soo celiyee
wixii kugu dhacayna waxay ahaayeen
qadarta rabi anigana ma owoodo inaan
abaalkaaga gudo xitaa hadii aan naftayda
kuu hibeeyo”.

Markaas ayay hantideedi oo dhan igu soo
wareejisay anigana waan ka aqbalay
waxayna ahayd mid aad iiga murugaysan
waxaana sii wada noolaanay muddo bil ah
haseyeeshee murugtii ayaa kusii
xoogaysatay weyna jiratay ayadoo aad u
xanuunsatay mana kasoo wareegan konto
beri illaa ay ka geeriyootay.

Waxaan dareemay murug iyo walbahaar
daran meydkeedii ayaan soo duugay anigoo
hanti fara badan u sadaqeeyay.

Kadib markii xaaskaygii ay dhimatay
waxaan ogaaday inay hanti faro badan iiga

tagtay oo ay qayb ka yihiin badeecadi aan halkaan u iib keenay tanina waa sababtii aan gacantayda bidix wax ugu cunaayo markaas ayuu wuxuu iga codsaday inaan masar u raaco anigana waan ka ogolaaday waxaana isku raacnay dhulka masar ilaa aan halkaan uga soo wareegtay oo aan ninkaan weershaha maydka aan kala kulmay.

Markaas ayuu suldaankii yiri “dhamaantiina waan la idin daldalayaa”.

Markaas ayay shaharzaad ogaatay in subixii lagaaray waxayna joojisay hadalkii u banaanaa.

HABEENKII 28-aad

Habeenkii xigay waxay tiri waxaa isoo gaartay boqoroow in suldaankii shiinaha markuu yiri waan idin wada daldalayaa ayaa waxaa hadlay muslimkii wuxuuna yiri hadii aad ii fasaxdo waxaan kuu sheegi karaa sheeko I qabsatay intaan weershahaan la kulmin kahor hadii sheekadaas ka fiicnaato mida hada taagan ma ogoshahay inaad ruuxdeena noo hibayaso markaas ayuu suldaankii ku jawaabay “soodaa waxaad

hayso”.

Muslimkii wuxuu hadal ku bilowday waxaad ogaataa suldaanoow in habeen hore aan la joogay koox wax khatimaysay waxayna isugu yeereen culimo markii wixii la akhrinaayay la akhriyay ayay noo keeneen cunto waxaana cuntadaas ka mid ahaay cuntada loo yaqaano zurbaaja markaasaan waxaan gudo galnay inaan cunno.

Hase yeeshee mid naga mida ayaa diiday inuu cuntada zurbaaja cuno waxaana waydiinay sababta wuxuuna noogu jawaabay anoon afartan jeer gacantayda dhaqin ma cunaayi markaas ayaan farodhaqii u keennay.

Markii uu farxashay oo uu cuntadii gacanta usoo taagay waxaan ogaannay inuu afar farood bes leeyahay wax suul ahna uusan ku oollin markaas ayaan waydiinay maxaa suulka kaaga dhacay wuxuu noogu jawaabay suulka gacanta midig kaliya ma li'i ee dhamaan suulasha ayaan la'ahay xitaa kuwa lugaha.

Markaas ayaan la yaabnay hadalkiisa waxaana weydiinay “war ninyahow maxay

tahay qisadaada iyo suul la'aanta aad tahay?"

Wuxuu noogu jawaabay; aniga aabaheyga wuxuu kamid ahaa tujaarta ugu hantida badan magaalada lkn wuxuu lahaa caado xun taasoo ah inuu khamri cab ahaa, maalintii dambe ayuu aabaheyga geeriyooday waan soo duugay lkn markii dambe waxaan ogaaday inuusan wax hanti ah nooga tagin.

Aad ayaan uga murugooday dhimashadiisa waxaana tacsidiisa u fadhinay maalmo ilaa maalintii dambe aan furay tukaankii uu lahaa, wuxuuna ahaa mid haawanaya misna deymo badan lagu leeyahay.

Markaas ayaan tukaankii boorka ka jafay ganacsi yarna meesha ka bilaabay si aan deymaha aabahey lagu leeyahay u bixiyo, wixii aan shaqeeyaba habeen iyo maalin soo taagnaadaba ugu dambeyn waxaan ku guuleystay inaan deymihii bixiyo nafteydana uga ganacsado.

Maalintii dambe anigoo tukaankii iska dhex joogo oo ganacsigeygii iska wato ayaan waxaan arkay gabar aad u qurux badan

taasoo aan mid lamid ah horay u arkin,
waxay wadatay waxkasta oo la isku qurxiyo
ayadoo baqal saarneyd.

Gabadha waxaa hor socday adoon sidoo
kalana gadaasheeda waxaa socday adoon
kale, baqashii ayaa waxay istaajisay suuqa
bartankiisa weyna soo dagatay.

Markaas ayay tukaamadii suuqa isha
lawada raacday waxayna ogaatay in
tukaankeyga ugu fiicanyahay badeecada
taalo owgeed, markaas ayay dhankeyga u
soo jiheysatay oo tukaankeyga soo aaday.

Markii ay tukaanka soo gashay ayay I
salaamtay markaas ayaan dareemay
quruxda codkeeda, waxayna iska furtay
xijaabkii ay wadatay yaa Allaah alla maxay
qurux badantahay waxaadba moodaa
xuurulceyntii janada oo I hor taagan.

Markaas ayay badeecadii ay rabtay I
weydiisay ana waxaan u sheegay in
badeecadaas hada ii oolin balse ay xoogaa
yar sugto inta bakhaarada laga furaayo.

Markaas ayay fariisatay anaga oo halkii
sheeko qabsanay inta bakhaarada laga

furaayo, waxaana markii dambe la furay
bakhaaradii waana u keenay badeecadii ay
rabtay taasoo dhameyd qiimo ahaan 5,000
oo dirham.

Markii aan badeecadii u keenay ayay
kacday iyadoon wax lacag ah dhiibin
waxayna fuushay baqasheedii anigana juuq
ma aanan dhihi waayo markaas waxa kaliya
ee aan ka fakaraayay ayaa waxay aheyd
quruxda eebe uu ku maneystay.

Gabadhii wey baxday ma weydiinin halka ay
dagantahay ma weydiinin lacagtii mana
aqaano meel ay ka timid intaas dhan waxaa
iiga sii daran qalbigeyga qofaan ayada
aheynba kama fakaraayo.

Isbuuc ayaa kasoo wareegatay gabadhiina
ma hayo waxaana ii yimid ganacsatadii oo
lacagtoodii raadinaayo waxaanse usheegay
iney ilaa isbuuc kale I sugaan.

Isbuucii xigay nasiib wanaag wey imaaday
iyadoo oo lacagtii sida markii aan lacagtii
ka qaatay ayay su'aal lama filaan ah oo aan
markaas sinaba u fileynin I weydiisay
iyadoo I dhahday

Isbuuc ayaa kasoo wareegatay gabadhiina ma hayo waxaana ii yimid ganacsatadii oo lacagtoodii raadinaayo waxaanse usheegay iney ilaa isbuuc kale I sugaan.

Isbuucii xigay nasiib wanaag wey imaaday iyadoo oo lacagtii sida markii aan lacagtii ka qaatay ayay su'aal lama filaan ah oo aan markaas sinaba u fileynin I weydiisay iyadoo I dhahday “adiga xaas miyaad leedahay?”

Markaas ayaan ku dhahay “maya xitaa naag dhan ma aqaano” ilin ayaana markaas iga soo daadatay, waxay igu dhahday maxaa kugu dhacay oo aad la oyneysaa??

Markas ayaan ugu jawaabay “dhacdo igu soo dhacday owgeed ayaan la ooyay” lkn xaqiiqda waxay aheyd jaceylka aan u qabay ayaan la ilmeeyay.

Markaas ayaan mid khaadimkeeda ah ayaan xoogaa lacag ah siiyay waxaana ka codsaday in uu nakala dhex galo oo uu isku keen keeno, markaas ayuu khaadimkii igu qoslay wuxuuna I dhahay “wali waxba ma fahmin miyaa? Jaceylka aad u qabto waxaa

ka daran midka ay kuu qabto
badeecadaadana dan kama lahan ee si ay
kuu aragto iyo jaceyl ay kuu qabto ayay
kuugu imaaday ee caadi dantaada ugala
hadal”

Markaas ayaan tukaankii kusoo laabtay
iyadana wey arkeysay markaan
khaadimkeeda lacagta siinaayay.

Markaas ayaan u ku dhahay
“khaadimkaada ayaan fariin kuugu reebay”

Markaas ayay igu dhahday “ khaadimkaan
fariintaada wuu isoo gaarsiin ee adiga uun
sameey wuxuu ku dhahay” kadibna wey iga
tagtay.

Kadibna ganacsatadii ayaan lacagtoodii
siiyay lkn waxaan markasta ahaa mid iyada
ka fikira waxaana ka shaleynaayay inaan
waxba u sheegin.

Wixii aan sugaba oo tukaankeygii isku
boojeeyaba maalintii dambe ayaa waxaa ii
yimid khaadimkeedii, markaas ayaan
sharfay oona soo dhaweeyay waxaana ka
wareystay xaalkeeda, balse wuxuu ii
sheegay iney xanuunsantahay, markaas

ayaan waxaan ku dhahay maxaa ku dhacay ii sheeg?

Wuxuu iigu jawaabay “gabadhaan waxaa soo korisay xaaska boqorka magaalada waxayna kamid tahay jaariyadaheeda nadiifka ah lkn baryahaan waxay jeclaatay iney banaanka xoogaa u soo baxdo markii horena waxay aheyd maqbiyo guri ku xareysan oo banaanka looma ogoleyn, waxayna fasax ka qaadatay sayidadeeda waana loo idmay kadibna markii ay soo baxday adiga ayay kula kulantay kuna jeclaatay waxayna arinkaaga u warantay xaaskii boqorka kana codsatay in lagu guuriyo waxayna xaaskii boqorka ugu jawaabtay hala ii keeno hadii uu yahay mid kuu qalmo waan kuu guurin balse hadii uu noqdo midaan kuu qalmin laguuma guurinayp, hada aniga waxaan waqtigaan kuugu imaaday inaan qasriga qaab qarsoodi kugu galiyo si aad xaaska boqorka ula kulantid, lkn mid ogoow hadii arintena ogaadaan ilaalada boqorka oo lagu qabto wey kuu dhamaatay oo isla goobta ayaa lagugu daldalayaa hadiise aad ka gudubto xaaska boqorka ayaad la kulmeysaa gabadha ayaadna guursaneysaa, marka maxaad ka leedahay???”

Markaas ayaan ugu jawaabat “waan ku raacayaa wixii igu dhacaayo ha igu dhacaane nafteydana waan ku khamaarayaa”

Markaas ayuu igu dhahay “caawo markii la gaaro masjid hebel tag oo seexo anagaa meesha kuugu imaaneynee”

Markaas ayaan masjidkii tagay cishana meeshii ku tugtay kadibna seexday, markii xiliga saxuurta la gaaray ayaa waxaa ii yimid labadii khaadim oo wadaan sanduuq weyn iyo alaab kale oo badan.

Kadib waxay igu qaadeen sanduuqii waxaana is arkay anoo gurigii boqorka dhex joogo, kadib waxaan meeshii ku arkay gabadhii markii ay I aragtay ayay hab isiisay oo I dhunkatay cabaarna ila sheekeysatay waxaana I iisii gudbiyay beerta qasriga halklaas oo aan kula kulmay jaariyadihii qasriga.

Waxyar kadib waxaa noosoo gashay xaaskii boqorka oo aad moodid wixii dahab aduunka yaalay iney ku labisantahay markaas ayay jaariyadihii kala tageen anaga

boqoradii salaamay.

Kadib waxay igu tiri fariiso markaan fariistay ayay igu bilowday su'aalo iyadoo qofkaan ahay xaalkeyga iwm iga wareysatay.

In mudo ah markii aan sheekeysanay kadib ayay igu tiri nala jog mudo 10 maalmood ah intaan arinkiina ka xalinaayo waana aqbalay.

Kadib boqoradii waxay la hadashay boqorkii oo arinkeena ka dhameysay waxaana lagu balamay in naloo dhigo aroos aan caadi aheyn.

Aniga waxaan noqday mid aad u faraxsan waxaana sugi la'sanaa inta uu arooska ka dhacaayo ilaa laga gaaray maalintii dambe oo uu arooskii dhacay.

Markuu arooskii dhacay oo habeenkii la gaaray ayaa waxaa la ii keenay miis ay saaranyihiin nooc kasta oo cunto ah waxaana cuntadaas kamid ah cuntada la yiraahdo Zurbaajah (sheekada cuntada magaceeda sidaas ayaa ku qoran waana garan waayay macnahay laga wado

cuntadaas sidaas darted anoon waxba ka badalin ayaan magaceede kusoo oo carabi ah meesha kusoo qoray).

Cuntadii zurbaajada ahey ayaan gudo galay inaan cuno kadibna meeshii ayaan kasoo kacay waxaanse ilooway inaan cuntada ka falxasho anigoo qolkeyga soo galay.

Waxyar kadib waxaa la ii keenay gabadhii oo la galbinaayo qolka ayaana la iigu soo xareeyay, markii ay firaashka kusoo fariisatay ayaan waxaan ku bilaabay dhunkasho iyo taabasho, lkn waxay si kadis ah u urisay faraheyga waxaana uga soo shiiray cuntadii zurbaajada aheyd ee aan ku cunay.

Markaas ayay halmar qeylisay waxaana meeshii soo galay jaariyadihii iyo khaadimyaashii, ana waan isku naxay anoonba ogeyn waxa dhacay.

Markaas ayay gabdhihii ku dhaheen maxaa kugu dhacay? Waxayna ugu jawaabtay midkaan waalan iga bixiya waxaan mooday inuu yahay mid caaqil ah.

Markaas ayaan ku dhahay “side ku ogaatay

inaan waalnahay? Waxay iigu jawaabtay ayadoo aad u careysan “yaa cun ku dhahay zurbaajo? Kaaga sii daran adoon falxalan ayaad ii imaaneysaa wlhi baanan ku dhaafeynin anoon ku ciqaabin.

Sheekada halkaas markey mareyso ayay shaharzaad ogaatay in subaxii la gaaray waxayna joojisay hadalkii u banaanaa.

HABEENKII 29aad.

Habeenkii xigay markii la gaaray ayay shahar zaad tiri: boqorow markii gabadhii tiri wlhi baan ku dhaafeynin anoon ku ciqaabin ayay waxay soo qaadatay sun weyn waxayna bilowday iney I garaacdo ilaa jirkeyga wada guduuto.

Markaas ayay khaadimyadii inta ii dhiibtay dhahday “doqonkaan iga hor wareejiya hana laga gooyo gacmihi uu geedkaas xun ku cunay”

Markaa ayaan dhahay ‘laa xowla walaa quwata ilaa billaah, ma waxaad gacmaha iiga goyneysaa geedkaas aan cunay iyo farxal la’aanta?”

Markaas ayay jaariyadihii kale ee meesha joogay dhaheen “toogtaan iska dhaaf oo ha u qaban gacmahana haka jarin”

Waxay ugu jawaabtay “waan dhaartay waana qasab inaan wax uun ka gooyaa”

Markaas ayay qolka ka baxday balse ayadoo xanaaq la kareyso ayay iisoo laabatay waxayna khaadimyadii amar ku siisay in afarta suul iga gooyaan ana waxay igu tiri ballan iga qaad inaadan markale zurbaajah cunin adoon 40 jeer gacmahaaga iska dhaqin, markaas ayaan ballankii ka qaaday waana sababta aan markaad cuntada zurbaajada isoo hordhigteen u naxay 40jeerna u farxashay.

Kadib gabadhii waxay ii dhiibtay lacag aad u fara badan waxayna i dhahday guri weyn oo waasac ah inoo soo iibi qasriga waan ka guureynaaye sidii ayaana qasrigii uga soo guurnay.

Markaas ayuu muslimkii boqorkii ku dhahay sheekadaan haday ka yaab badantahay sheekadii weershaha fadlan nasii daa.

Boqorkii ayaa markaas ku jawaabay wax

sheeko la yiraahdo oo aad sheegtay
majiraan waana cantarbaqash iyo sheeko
aan nuxur laheyn marka waa qasab inaan
idiin daldalaa dhamaantiina.

Markii halkaas sheekada mareysay ayay
shaharzaad sheekadii joojisay waxayna
ogaatay in subaxii lagaaray.

HABEENKII 30aad.

Waxay tiri waxaa isoo gaartay boqorow in
markii boqorkii uu dhahay waa qasab inaan
idiin daldalaa ayaa waxaa kacay yahuudigii
asigoona boqorkii ku yiri “boqorow anigaa
kuu sheegayo sheeko ka yaab badan
midaan weershaha ee naheysata”

Markaas ayuu boqorkii dhahay “soo daa
waxaad heyso’

Yahuudigii hadalka wuxuu ku bilaabay;
waxaan ahaa mid farsamo yaqaan ah,
maalintii dambe ayaa waxaa la iiga yeeray
guri si aan howl uga soo qabto.

Qalabkeygii ayaan soo qaatay waxaana soo
aaday gurigii balse waxaan u imid wiil aad u
qurux badan oo saran sariir aad moodid

iney dahab tahay wuxuuna iila muuqday
mid naafo ah ama buka.

Markaas ayaan howsheydii gudo galay
markii aan soo dhameystay ayaana soo
baxay waxaana u imid wiilkii anigoo u
sheegayo inaan howshii u dhameeyay

Waxay qeybtii hore sheekada inoo
mareysay markii yahuudkii uu yiri;
Qalabkeygii ayaan soo qaatay waxaana soo
aaday gurigii balse waxaan u imid wiil aad u
qurux badan oo saran sariir aad moodid
iney dahab tahay wuxuuna iila muuqday
mid naafo ah ama buka.

Markaas ayaan howsheydii gudo galay
markii aan soo dhameystay ayaana soo
baxay waxaana u imid wiilkii anigoo u
sheegayo inaan howshii u dhameeyay...

Markaas ayuu I dhahay xoogaa nala jog
maanta anaga ayaad noo casuumantahay
waana ka aqbalay.

Wiilka wuxuu ahaa mid gacanta midig ka
go'san markaas ayaan weydiiyay maxaa
kaaga dhacay gacanta midig oo ay kaaga

go'santahay.

Wuxuu iigu jawaabay; aniga hada kahor
anigoo magaalada dimishiq joogo ayaa
waxaa dhacday inaan meeshii ku bartay
gabar aad u qurux badan waxayna aheyd
gabar furfuran bashaash ah sheeko badan.

Gabadhii ayaan xiriir la yeeshay waxaana
noqonay labo qof oo isku xiran, maalintii
dambe ayay idhahday waxaan rabaa inaan
ku baro gabar kale oo sxbteyda ah aadna
kuu daneyneyso ana waan ka ogolaaday.

Maalintii xigtay ayay gabadhii ii imaaday
iyadoo gabadhii kale la socoto waxayna
aheyd mid aad u qurux badan, kaftan iyo
sheeko dheer kadib gabadhii aan sxbta
aheyn waxay i dhahday waan idiin soo
laabanaa weyna naga tagtay waxaana isku
soo harnay aniga iyo gabadhii cusbeyd.

Cabaar markaan isla joognay ayaan
dareemay in gabadhaan cusub iisoo
dhawaaneyso hoostana iga soo galeyso
taasoo dareenkeyga kicisay waxaana
bilaabay inaan ana u dhawaado.

Sidii hoosta isaga galeynay waxay arin

kusoo dhamaatay inaan is shumino
dharkana iska siibno kadibna isla seexano.

Habeenkii anagoo jiifno ayaa waxaa noo
imaaday gabadhii hore ee saaxiibtey aheyd
markey na aragtayna aad ayay u carootay
waxayna dareentay maseyr daran taasoo
kaliftay in mindi meesha taalay soo
qaadato gabadhii ila jiiftayna qoorta ka
goyso.

Subaxii markii waaga baryay oo aan soo
kacay ayaan waxaan arkay gabadhii oo inta
qoorta laga gooyay madaxeedii feeraha loo
saaray taasoo aniga aad iiga nixisay.

Maxaan sameeyaa tolow hadii saan lagugu
arko waxaa loo maleyn inaad adiga dishay
waana lagu dili marka si aan loo ogaanin
ayaan god weyn qoday gabdhiina ku
duugay.

Lkn waxaan soo qaatay katiinad gabadha
dhimatay wadatay aadna u qaali aheyd
waxaana lasoo aaday suuqa intaa doqon
ahay ayaan isku dayay inaan katiinada
iibiyo.

Balse katiinadii markii aan suuqa soo

dhigay waxayba noqotay mid horay loo xaday oo la baadi goobayay taasoo kaliftay in suldaanka la ii geeyo waxaana la i weydiiyay hadii aan katiinada xaday iyo hadii kale?

Hadii aan runta sheego in katiinadaan gabadhii laheyd la dilay aniga ayaa la ii qabsan waxaana macquul ah in qoorta la iga gooyo marka in gacanta la iga gooyo ayaan qaatay anigoo sheegtay inaan katiinada aniga xaday sidaas ayaana gacantii la iiga gooyay.

Hadaba suldaanow miyaysan sheekadaan ka yaab badneyn midii ninkii weershaha ahaa?

Markaas ayuu suldaankii dhahay “yahuudyahow wajiga xun wax aad sheegtay ma naqaanee dhamaantiin qoorta ayaan idinka jarayaa gaar ahaan dhar tolahaan musiibada ka taliyay”

Markaas ayuu hadana boqorkii shiinaha dhahay hal mid ayaan idinku cafin karaa waxayna tahay hadii dhar tolahaan iiga sheekeeyo mid sheekada weershaha ka yaab badan markaas dhamaan arwaaxdiina

waan idiin hibeynaa.

SHEEKADII TIMO JARIHII BAQDAAD.

Boqorkii shiinaha markuu saas dhahay ayaa waxaa hadlay harqaanlihii wuxuuna hadalka ku bilaabay: waxaan kuu sheegi doonaa boqorow sheeko cajiib ah waxbadana ka yaab badan sheekadii weershahaan, wuxuuna sheekadii ku bilaabay;

Aniga shalay galab intaan weershahaan lakulmin kahor waxaa la iiga wacay shir looga hadlaayay arimaha dhar tolida farsamada iwm wuxuuna u dhaxeeyay ganacsatada dharka ka ganacsata iyo dhar tolayaasha oo aan aniga kamid ahaa.

Sidoo kale waxaa shirka joogay qaar badan oo kamid ahaa dadka farsamo yaqaanada gacantooda ku xamaasho, markii raashiinka la keenay ayaan wada fariisanay waxaana noo yimid guriga shirka ka dhacayay ninkii lahaa wuu noo soo galay asigoo uu la socdo wiil aad u bilicsan lkn

jiis ah.

Markii ay soo galeen oo ay damceen iney fariistaan ayaa wiilkii jiiska ahaa diiday inuu nala fariisto wuxuuna isku dayay inuu iska laabto oo uu naga tago.

Balse waan ka dabo tagnay oo waan la hadalnay lkn wuu ku adkeystay inuusan sinaba ku fariisaneynin.

Markuu sidaas ku adkeystay ayaan weydiinay sababta uu u diiday wuxuuna noogu jawaabay timo jarahaas reer baqdaad ee meesha fadhiyo dartiis ayaan idiinkaga tagayaa mana idiin la fariisan karo.

Markaas ayaan dhahnay maxaa dhacay oo uu timo jarahaan kugu sameeyay bal nooga jawaab, wuxuuna noogu jawaabay; aniga iyo timo jarahaan sheeko cajiib ah ayaa naga dhex dhacday inaan maanta jiis ahaadana asiga ayaa masuul ka ah oo lugta iga jabiyay, wixii markaas ka dambeeyayna waxaan ku dhaartay inaan meel uu joogo tagin magaalo uu daganyahayna la dagin waana sababta igu kaliftay inaan magaaladii baqdaad uga soo guuro,

caawana magaaladaan ma seexan doono oo dartiis ayaan uga guurayaa.

Markaas ayaan ku dhahnay bal waayahee inoo sheeg waxa adiga iyo timo jarahaan idiin kala qabsaday oo idiin dhex maray.

Wuxuu ku jawaabay; waxaad ogaataan in aniga aabaheyga uu ahaan jiray ganacsade weyn wax ilmo ahna aniga oo kaliya ayuu ka dhalay, markii aan koray oo weynaaday waxaa geerriyooday aabaheyga allaha u naxariistee asigoo iiga tagay hanti aad iyo aad u fara badan, waxaana gudo galay inaan hantidii isaga raaxeysto.

Maalin maalmaha ka mid ah anigoo magaalada baqdaad dhex socdo ayaa koox burcad ah isku dayeen iney I dhacaan markaas ayaan soo cararay waxaana si lama filaaan ah u soo galay guri aroos ka dhacayo oo meesha ku yaalay.

Markii aan in mudo ah arooskii dhex joogay ayaa waxaan arooskii ku dhex arkay gabar aad u qurux badan oo aad moodo dayax toban iyo shanaad sidey u ifeyso dartiis

Halkii ayaan iska joogay waxaana guda

galay inaan quruxda gabadhaas daawado illaa laga gaaray habeenkii fiidkii markii ay tahay waxaa goobtii arooskii yimid waaligii magaalada wuxuuna kaxeeyay gabadhii markaas ayaan ogaaday inuu aabaheeda yahay

Gabadhii markii lawaday ayaan ana iska soo baxay waxaana soo aaday guriga lkn waxaan dareemay qandho aad u kulul iyo xiiso iyo hilow aan u qabo gabadhii quruxda badneyd.

Maalmo ayaa kasoo wareegatay ana sidii ayaan ahay ilaa aan ka jiraday dadkana gudo galaan iney isoo booqdaan xaqiiqdase waxay aheyd in jaceyl gabadhii aan u qaaday sariirta la jiifo.

Maalintii dambe ayaa waxaa ii timid islaan waayeel ah oo isoo booqaneysay waxayna dareentay waxa ihaayo in jiro kaweyntahay markaas ayay idhahday ii sheeg sidey wax u jiraan, ana kama gaabinine sheekadii jirtay bilow ilaa dhamaad ayaan u sheegay.

Markii aan sheekadii u sheegay ayay i dhahday gabadhaas qaadiga magaalada ayaa dhalay waxaana jirto mar mar aan

gurigooda tago marka bari ayaan u tagayaa xaalkaagana uga waramayaa waa intaasoo ay wax kula qabataayee.

Markaas ayaan aniga farxad iyo nashaad dareemay sidoo kalana jiifkii ka kacay taasoo ehelkeygii ka farxisay.

Maalintii xigta markii la gaaray ayay duqdii ii timid ayadoo wajigeeda nooc kale yahay waxayna igu dhahday “wiiloow waxba ha I warsan waayo aniga markaan gabadhii u tagay hadalkaagiina u sheegay way igu xanaaqday waxayna igu dhahday aamus cajuusayahay xadkaaga haka soo gudbin hadii kale ciqaab daran ayaad la kulmi doontaa”

Markii ay sidaas I dhahday ayaan xanuun daran dareemay xanuunkaas oo ka darnaa kii hore ii haayay waxaana dareemay walbahaar daran.

Duqdii markkii ay I aragtay ayay igu dhahday gabadha sidaas ugama harayo barina waan u laaban wixii ka dhacaayo haka dhacaane.

Maalintii xigtay ayay duqdii baxday waxayn

ii timid galabkii markaas ayay igu dhahday

Maalintii xigta markii la gaaray ayay duqdii ii timid ayadoo wajigeeda nooc kale yahay waxayna igu dhahday “wiiloow waxba ha I warsan waayo aniga markaan gabadhii u tagay hadalkaagiina u sheegay way igu xanaaqday waxayna igu dhahday aamus cajuusayahay xadkaaga haka soo gudbin hadii kale ciqaab daran ayaad la kulmi doontaa”

Markii ay sidaas I dhahday ayaan xanuun daran dareemay xanuunkaas oo ka darnaa kii hore ii haayay waxaana dareemay walbahaar daran.

Duqdii markkii ay I aragtay ayay igu dhahday gabadha sidaas ugama harayo barina waan u laaban wixii ka dhacaayo haka dhacaane.

Maalintii xigtay ayay duqdii baxday waxayn ii timid galabkii markaas ayay igu dhahday bishaareyso waxaan kuu wadaaakhbaar farxad leh.

Markii aan hadalkaas maqlay ayaan dareemay in ruuxdeyda jirkeyga kusoo laabaneyso waxaan ku dhahay duqdii “maxaa khabar ah oo ii heysaa?”

Waxay igu dhahday aniga shalay markaan kaa tagay waxaan ahaa mid aad u murugeysan una tiiraanyeesan waxaana ka baqayay gabadha markaan u laabto in ay marrkale isoo deyriso kadibna xaalkaaga kasii daro.

Markii aan u tagay anigoo aad u murugeysan wajigeygana walbahaar wey ka muuqdo ayay gabadhii igu dhahday maxaa kugu dhacay oo sidaan dhan ugu murugeysantahay?

Waxaan ku dhahay aniga shalay ayaan kuu imid waxaana fariin kaaga waday wiil aad kuu jecel jaceyl uu kuu qabayna sariirta la saarnaa, markii aan fariintiisa kuu sheegay waad I deyrisay ana markaan deyradaada u sheegay ayuu kasii daray wuxuuna hada ku suganyahay nolol iyo geeri dhexdooda.

Markaas ayay igu dhahday; wiilkaan xaalkiisa muxuu yahay bal iiga warbixi.

Waxaan ku dhahay waa wiil aad u wanaagsan qalbi jilcan maalmo kahor ayuu wuxuu kugu arkay arooskii heblaayo wuuna ku jeclaaday jaceyl waali ah ilaa uu kala jiraday sariirtana ka koray hadana wuxuu qarka u saaranyahay xaalad halis ah taasoo ah inuu jaceylkaaga u geeriyoodo hadii aan dagdag looga gaarin.

Markaas ayay igu dhahday iyadoo xoogaa murug dareentay; waxaan oo dhan ma dartey ayuu u murayaa? Markaas ayaan ku dhahay haa wlihi hadaad rabto waan kuu keeni karaa.

Waxay igu dhahday u tag iguna salaam una sheeg inuu ii yimaado maalinta jimcaha salaada kahor inta aabo uu masjidka ku maqanyahay kadibna intuusan soo laaban ayaan soo dirayaa.

Markii aan maqlay hadalkii habartii duqda aheyd waxaa igu tagay dhamaan wixii xanuunahaa ee I haayay qalbiga ayaana ii dagay waxaana dareemay farxad aad u weyn markaas ayaan duqdii lacag badan siiyay una duceeyay maadaama ay howl adag ii qabatay.

Maalintii jimcaha markii la gaaray ayay duqdii ii imaaday oo xaalkeyga iga wareysatay waxaana u sheegay inaan fiicnahay kadibna waan is diyaariyay anigoo ku labistay labis heer sare si fiicana isku carfiyay waxaana damcay inaan baxo.

Hase yeeshee duqdii ayaa igu dhahday waqti kugu filan ayaad heysataa walina lama gaarin waqtigii balanta ee kawaran hadaad timaha iska jarto waqtiga kuu haray oo aad is qurxiso?

Markaas ayaan ku dhahay waa runtaa waxaana wiil yar u diray inuu ii keeno timo jare sare misna caaqil ah si heer sarana wax u jari yaqaano asluubtiisana sareeso.

Kadibna wuxuu ii keenay odaygaan tima jaraha ah markuu ii yimid ayuu I salaamay oo xaalkeyga iga wareystay waxaana u sheegay inaan roonay markaas ayuu ii gudo galay timo jarista iyo sida ay u wanaagsantahay inuu iiga sheekeeyo markaas ayaan daldalankiisa dhibsaday waxaana ku dhahay; warkaan badan iga jooji waxaan aheyn inaad madaxa ii jarto kuuguma wicine.

Markaas ayuu igu dhahay hadii aad ogaan laheyd arinka xaqiiqdiisa waxaad iga dalban laheyd inaan warka kuu sii bayaaniyo waxaana maanta kuugu baaqayaa inaad sameyso waxaan ku dhaho, anagoo meerayaasha ka tusaale qaadaneyno hana cabsanin waayo aniga waan kula talinayaa waana kuu naxariisanayaa, anigoo sidoo kalana mudo sanad kaamil ah kuu khidmeyn doono wax ajar ahna kaama rabo.

Markii aan hadalkiisa maqlay ayaan waxaan ku dhahay; inaad maanta war igu disho ayaad rabtaa soo ma ahan balaayo war badane.

Markaas ayuu I dhahay sayidii waa aniga kii ay dadka ugu yeerayeen inuu yahay ki aamusnaa hadalyarideyda owgeed waxaana gooni ka ahay walaalaheyga oo warbadni looga haray, midka koowaad waxaa la yiraahdaa Baqbuuq, midka labaadna waxaa la yiraahdaa hadaar, midka sadaxaadna waxaa la yiraahdaa baqiiq, midka afaraadna waxaa la yiraahdaa kuuz, midka shanaadna waxaa la yiraahdaa cushaar, midka lixaadna waxaa la yiraahdaa shaqaaliq, midka todobaadna waxaa la

yiraahdaa saamit waana aniga saamitkaas
aamuska badan .

Markuu timo jarihii saas I dhahay ayaan
dareemay in madaxa I qarxi rabo war
badnidiisa owgeed markaas ayaan wiilkii ii
keenay ku dhahay war ninkaan hal dirham
sii oo iga wad inaan sii arko ma rabee xitaa
in timaha la ii jaro ayaananba rabin waaba
iska dhaafay wlhi.

Timo jarihii markuu hadalkeyga maqlay
ayuu wuxuu I dhahay; waxaan u maleynaa
inaadan garaneynin darajada aan leeyahay,
aniga gacanteyda waxay qabataa
madaxyada boqorada, waaliyada
garsoorayaasha iyo raga ugu sareeyo
dowlada mark aka fiirso.

Markaas ayaan ku dhahay; war warkaaga
ma rabo madaxa ayaadba I xanuujisay ee
iga tag.

Wuxuu iigu jawaabay.....

Markuu timo jarihii saas I dhahay ayaan
dareemay in madaxa I qarxi rabo war
badnidiisa owgeed markaas ayaan wiilkii ii
keenay ku dhahay war ninkaan hal dirham
sii oo iga wad inaan sii arko ma rabee xitaa

in timaha la ii jaro ayaananba rabin waaba iska dhaafay wlhi.

Timo jarihii markuu hadalkeyga maqlay ayuu wuxuu I dhahay; waxaan u maleynaa inaadan garaneynin darajada aan leeyahay, aniga gacanteyda waxay qabataa madaxyada boqorada, waaliyada garsoorayaasha iyo raga ugu sareeyo dowlada marka ka fiirso.

Markaas ayaan ku dhahay; war warkaaga ma rabo madaxa ayaadba I xanuujisay ee iga tag.

Wuxuu iigu jawaabay; waxay ila tahay inaad dagdagsantahay ee u kaadi dagdagta sheydaan bey ka ahaatee iyadoo sunada xitaa ay na fareyso inaanan dag-dagin lkn waxaan la yaabanahay sheyga aad u dagdag santahay oo dartiis ii karkarbeyneyso wuxuu yahay waxaana jeclaan lahaa inaan ogaado.

Markaas ayaan ku dhahay anigaa kuu sheegayee horta madaxa ii jar.

Markaas ayuu bilaabay iinuu madaxa ii jaro hal dhinac markuu ka jaray ayuu igu dhahay

makuu wada jaraayo ilaa aad iga sheegto halka aad u socoto.

Markii aan arkay habdhaqankiisa iyo in uu waqti igu socdo ayaan waxaan ku dhahay koox aan saaxiibo nahay ayaan la balansanahay ee dhaqso madaxa ii habeey.

Markaas ayuu wuxuu igu dhahay; koox aan saaxiibo nahay markaad dhahday waxaan soo xusuusto marti aan rabay inaan manta marti sooro waaba iska iloobay haddana waxaa lagaaray waqtigii ay ii imaan lahaayeen waa inaan wixii ay cuni lahaayeen u sii diyaariyaa ee waan kaa tagay.

Markaas ayaan inta yaabay ku dhahay oo madaxeygana ma sidaan ayaad uga tgaeyso?

Wuxuu ku jawaabay xal kale malahan waxjasta martida ayaa ka muhiimsan.

Markaas ayaan dhahay hadey saas tahay martida qadadooda anigaa dhibbayo oo cunto karsan u hayo ee howsha bilow.

Markaas ayuu I dhahay; nin fiican ayaad

tahay waadna mahadsantahay lkn aaway
cabitaan side laga yeelaa?

Waxaan dhahay cabitaanka asna anaa kuu
diyaarinaayo.

Markaas ayuu I dhahay hadana; bilaah
caleyk wixii la isku carfin lahaa iyo
hadiyadihii aaway?

Waxaan hadana ku dhahay dhamaantooda
anigaa dhiibaayo ee marklee madaxaan
hoolan iga haggaji.

Markaas ayuu madaxi hagaajin ku bilaabay
wuxuuna I weydiistay inuu I raaco meesha
aan u socdo oo uu asxaabteyda lasoo
kulmo?

Waxaan ku dhahay lama ogola inaan
meesha tago anoo qof ila socdo waa
muhiim inaan kaligey ahaado.

Markaas ayuu hadana igu dhahay; maxaan
ugu maleeyaa in gabar kuu balansantahay?

Markaas ayaan ku dhahay waayahay waan
is raaceynaa anoo rabay inuu markuu
madaxa ii jaro aan ka diido asna wuxuu

ahaa mid dareen badan oo wuxuu igu dhahay inaad I khiyaanto ayaad rabtaa oo iga dhuumato.

Markaas ayaan ku dhahay ballan waaye kaama dhuumanaayo ee iisoo laabo oo raashiinkaan martida u geey.

Kadibna tin jaristii ayuu ii dhameeyay markaas ayaan timo jarihii lacagatiisii siiyay iyo raashiinkii waxana u saaray xamaali wuuna baxay, ana iinta labistay misna is carfiyay ayaan soo baxay ilaa aan kasoo gaaray gurigii waxaana ahaa mid aad iyo aad u daahay, intaan jidkii kusoo jiray ayaan waxaan arkay timo jarihii oo isoo dabo socdo markaas ayaan socodkii boobsiiyay ilaa aan gurigii dalakh kasoo dhahay.

Nasiib xumo markii aan gurigii galay ayaa waxaa soo galay qaaligii markaas ayuu la kulmay mid kamid ah jaariyadihiisa oo dambi sameysay markaas ayuu ul meesha taalay bilaabay inuu ku garaaco.

Waxaa qeyladeeda kusoo baxay mid kamid ah adoomadiisii wuxuuna bilaabay inuu jaariyada waaliga ka celiyo hase yeeshee asna waa lagu daray oo waa la garaacay.

Timo jarihii wuxuu taaganyahay bananaka guriga markii uu maqlay qeyladii adoonka ayuu wuxuu mooday in aniga la igaraacayo markaas ayuu cabaaday oo inta qeyliyay asoo dharka iska jeexayo reerkeenii orod ugu tagay wuxuuna ku dhahay wiilkiinii waaa la dilay oo kaw ayaa laga siiyay waxaana dilay waaliga magaalada ee soo carara.

Markaas ayaa dhamaan reer tolkey oo ordayo magaaladii soo galeen iyagoo qeylinaayo misna leh alla wuu dilaayee war isku soo baxaay timo jarihiina uu hor booday.

Sey usoo ordayeen ayaa waxay u yimaadeen waaligii gurigiisa albaabkii ayayna soo garaaceen markaas ayaa waxaa ka furay waaligii wuxuuna weydiiyay maxaa idinku dhacay?

Markaas ayay dhaheen sayidkeena iyo wiilkeena ayaad dishay.

Wuxuu ugu jawaabay; oo muxuu falay oon ku dilay? Muxuuna timo jarahaan idinka dhex qabanayaa?

Markaas ayaa waxaa hadlay timo jarihii wuxuuna dhahay; adiga ayaa hada dhow garaacday ana waan maqlayay qeyyadiisa.

Markaas ayuu waaligii dhahay; oo muxuu falay oon ku dilay yaana soo galiyay gurigeyga xaguuna ka yimid muxuuna halkaan kasoo doonay?

Markaas ayuu timo jarihii dhahay; waaliyow isyeel yeelka iska daa aniga waxwalba waan ogahay iyo sababta uu gurigaada usoo galay iyo xaqiiqda oo dhan taasoo ah in gabadhaada ay asiga jeceshahay asna uu ayada jecelyahay, waana ogahay inuu gurigaaga soo galay oo aad adoomahaaga ka adeejisay iney garaacaan, wlhi baanan kala hareynin ilaa aan arinkeena khaliifka u gudbino ama aad sayidkeena noosoo bixiso, adiga soo baxsana ha idhihin ee waxaan rabaa inaad adiga noosoo bixiso.

Markaas ayuu waaligii yaabay misna hadalka timo jaraha la tacajubay markaas ayuu timo jarihii ku dhahay; hadaad run sheeggee oo waxaad sheegtay run yihiin adiga guriga gal oo soo bixi.

Markaas ayuu timo jarihii guriga soo galay markii aan arkay asoo soo socdo ayaan isdhahay baxso oo carar lkn meel aan u cararo ayaan waayay waqtigana wuu igu yaraa markaas ayaan galay sanduuq weyn oo meesha yaalay.

Kadib timo jarihii ayaa soo baxay oo meeshii aan aniga joogay ayuu yimid meelahana baarbaaray markuu wax ka waayayna wuu laabtay ana anoo aad u naxsan ayaan sanduuqii kasoo baxay markaas ayaan darbi meesha ku yaalay inta fuulay kasoo booday wuxuuna ahaa darbi aad u dheer taasoo igu kaliftay inaan lugta ka jabo,

Markii aan darbigii kasoo dhacay ayaan waxaan arkay dad badan oo meesha dhooban markaas ayay halmar isoo wada fiiriyeen ana inta isku naxay ayaan jeebka gacanta galiyay xoogaa dahab iigu jiray inta soo bixiyay ayaan u wada firdhiyay si aan isaga mashquuliyo.

Markii dadkii dahabkii kuwada mashquuleen ayaan soo cararay si aan nafteyda ula badbaado mise waaba timo jarihii oo igu soo raad joogo, meelkasta oo

aan ku dhuuntana iga soo dabo galaayo ilaa
uu toogtii dambe iga qabtay asigoo ileh soo
kuma dhihi aniga dagdaga ma fiicna waa
camal sheydaan ee ha dagdagin bal fiiri
hada mashaqada aad dhexda ka gashay iyo
waxaad fashay hadii aanan manta kaasoo
gaari laheyn kow ay kaa siin lahaayeen alx
dheh manta anigaa nool oo kaasoo gaaray
wixii aad fashayna kuu qaban waayo
waxaad adiga tahay mid caqli yar misna
dagdag badan.

Markaas ayaan anoo aad u xanaaqsan
xanuun iyo ciilna ihaayaan ku dhahay “ wixii
aad fashay makugu filnaan waayeen ilaa
aad meelkasta iga soo dabo gasho heer
aan gaaray inaan dhimasho ku duceysto
musiibada aad I galisay manta owgeed.

Markaas ayaa inta ciilka iga sii batay
tukaanle meesha joogay magangalyo
weydiistay maadaama aan aniga lug ka
jabanahay magaaladana ku ceebeysnahay.

Tukaanlihii ayaa I magan galiyay oo iga
celiyay timo jarihii, aniga markaas kadib si
aan magaaladaas uga soo baxdsado
waxaan qoray warqad aan ehelkeyga ugu
sheegayo inaan magaalada ka guurayo.

Waxaan gaday gurigeyga kadibna meeshii ayaan kasoo guuray ilaa aan ka imid magaaladaan markii aad ii wacdeena guumeyskaan wajiga xun leh oo sababay in lugta jiis kanoqdo oo idin dhex fadhiyo ayaan arkay.

Markaas ayuu wiilkii diiday inuu fariisto markii aan sheekadiisa maqalnay ayaan waxaan lahadalnay timo jarihii waxaana ku dhahnay run miyaa wuxuu ninkaan sheegaayo?

Wuxuu timo jarihii ku jawaabay; haa waliba kas ayaan u sameeyay arinkaas hadii aanan sameyn laheyna manta wuu dhiman lahaa, hada asiga lugta oo kaliya ayaa wax kasoo gaareen lkn aniga hadaan ahaan laheyn naftiisa ayuu weyn lahaa, asiga wuxuu ii maleeyaa nin warbadan oo dhibka soo gaaray kamasuul ah lkn xaqiiqda midas wey ka duwantahay sidey wax jiraana aniga ayaa idiin sheegaayo.

Wuxuuna hadalkiisa ku bilaabay...

Waxay sheekada qeybtii hore inoo mareysay markii timo jarihii baqdaad uu

dhahay hadii aan aniga ahaan laheyn
wiilkaan wuu dhiman lahaa wuxuuna ka
hadlay in uu ku tilmaamay inuu ahaa mid
war badan balse timo jarihii ayaa arintaas
beeniyay asigoo sheegay inuusan aheyn
mid war badan wuxuuna ka sheekeeyay ilaa
dhowr sheeko oo kala qabsatay asiga iyo
6da wiil ee la dhashatay.

Isku soo wada duuboo sheekadii uu ninkii
harqaanlihii ka sheekeeyay ayaaa aad u
cajabisay boqorkii shiinaha kaasoo
naftooda u hibeeyay.

Markii ay Shahar-zaad sheekadaaas
dhameysay ayay tiri tan waxba ma ahan
markii loo fiiriyo sheekada aan habeen
dambe idiin sheegi doono.

Boqor shahri-yaar oo ahaa mid ay ku
socdaan sheekooyinka xaaskiisa aya
go'aansaday inuusan subaxaas dilin balse
habeenka xiga ka dhageysto sheekada
cusub.

SHEEKADII BADMAAXII SINDIBAAD IYO
TODOBADII SAFAR.

Habeenkii xigay shaharzaad waxay
hadalkeeda ku bilowday;

Waxaa isoo gaartay boqorow in waagii
khilaafadii amiirkii mu'miniinta ee Haaruun
Al-rashiid uu jiray kuna noolaa magalaada
nin layiraahdo Sindibaad al-xamaal oo
xamaali ahaa.

Wuxuu ahaa mid faqiir ah noloshiisa oo
dhana ay ku tiirsantahay madaxiisa iyo wixii
uu ku qaado wuxuuna ahaa mid sidaas
nolol maalmeedkiisa ku dhacsada.

Maalin maalmaha kamid ah ayaa waxaa
dhacday inuu soo qaaday alaab aad u culus
waxayna aheyd maalin kuleyl daran uu jiray,
in cabaar ah markuu culeyskii waday ayuu
daalay xamaaligii kuleylkii iyo dhididkiina ka
batay markaas ayuu wuxuu soo agmaray
guri uu lahaa ni ganacsade ah wuxuuna
ahaa albaabka guriga mid har qabow leh
neecowna kasoo baxeysay markaas ayuu
xamaaligii bartii alaabtii dhigtay si uu
xoogaa ugu nasto uguna qabowsado.

Hal cabaar ah markuu meesha fadhiyay ayaa wuxuu dareemay neecow aad u macaan iyo cod shimbirro meel asiga u dhow ka qeylinayaan, hadii uu sii fiiriyayna waxay noqotay beerta guriga ganacsadaha ku taalo.

Markaas ayuu xamaaligii meeshii soo galay wuxuuna arkay beer aad u weyn waxaana dhex joogaan wiilal iyo adoomo badan waxkasta oo beer looga baahanyahayna beertaas wey laheyd wuxuuna isdhahay beerta nuucaan ah koleey qofaan boqor aheyn malahan.

Kadib waxaa xamaaligii soo gashay carafta raashiin la diyaariyay taasoo caraf daraadeed beerka kaala baxeyso.

Xamaaligii wuxuu fiiriyay meesha ay ka timid carafta cuntadaan wuxuuna arka miis weyn oo lagu diyaariyay nooc kasta oo cunto iyo cabitanba ah markaas ayuu inta la yaabay dhahay “Allaah ayaa ceeb ka hufan allihii wax abuuray waxna arzaaqay, qofkuu doono xisaab la’aan ayuu irzaaqaa, ilaahow waxaan kuweydiisanayaa dambi dhaaf iyo inaad ceebteena asturtid adigaa qaadir ah oo xakiimna ah waxaad doontidna waad

fashaa majirto cid kaa awwod badan kaana
maamulid og, waad u nimceysay qofkaad
doonto oo adoomadaada ah, qofkii halkaan
lehna waa qof nimco oo dhan loo
dhameystiray waxaad siisay nooc kasta oo
nimco ah ha ahaato cunto cabitaan udug
iyo labisba, allow adigaa fal suuban oo
adoomadaada xukmisay qaar wey
faraxsanyihiin qaarna nimceysanyihiin
qaarna aniga ayay ila mid yihiin oo waa
kuwa daalan aadna u liita”

Kadibna halkii ayuu gabaygan ka tiriyay
–midkasta oo xun misna raaxo heysan.
waxaa kheyr iyo raaxo u eh hoos.

-waxaana noqday mid daal dareemay,
Arinkeygana waa cajiib daalkana igu batay.

-qeyrkeyga wey faraxsanyihiin dhib la’aan,
Dhibkaan ku jirana qof ku jiro aduunka

sooma marin.

-dhamaanteen waxaa nalaga abuuray
candhuuf,

lkn waxaan nahay kuwa kala duwan.

markuu dhameeyay ayuu soo baxay.

In cabaar ah markuu sii socday ayaa waxaa
gacanta qabtay wiil aad u yar wuxuuna ku
dhahay “kaalay oo guriga soo gal lana hadal
sayidkeyga wuu kuu yeerayaaye”

Markaas ayuu sindibaad xamaaligii damcay
inuu iska tago hadana wuu iska dhaafay oo
wuu soo laabtay asigoo alaabtii cusleyd
wato ayuuna gurigii soo galay .

Markuu gurigii soo galay ayaa wuxuu arkay
guri aad u qurux badan si heer sarana loo
xardhay isla markaasna aanan wax buuq
laheyn asiga dhan jawi dagan oo xasiloon
yahay sheykasta oo qurux badan guriga
waa lagu sharxay waxkasta oo macaana

waa la dhigay nooc kasya oo cabitaana waad ka heleysaa intaas waxaa usii dheer gabdho jaariyado ah misna aad u wada quruxbadan ayaa guriga joogaan kuwaas oo aad quruxdooda la yaabeyso.

Wuxuu u tagay ninkii guriga lahaa oo ahaa nin xoogaa da' ah dhinacyadana ciro kuleh muuqaal ahaan aad u wanaagsan waxaana ka muuqato heybad iyo xasilooni markaas ayuu xamaaligii is dhahay “ wlihi meeshaan waa meel boqrtooyo adigana guri boqortooyo ayaad dhex joogtaa” kadibna wuxuu salaamay ninkii si ixtiraam leh waxaana lagu dhahay fariiso.

Xamaaligii wuu fariistay waxaana loo keenay cunto uu cuno kadibna wuu cunay ilaa uu ka dhargay kadibna inta farxashay ayuu yir “alxamdulillaah calaa kulli xaal”

Markaas ayaa waxaa la hadlay ninkii guriga lahaa wuxuuna ku yiri “soo dhawoow maalinkana hakuu wacnaado ee magacaaga inoo sheeg waxaa kale oo aad ii sheegtaa waxa aad ka cabaneyso”

Wuxuu xamaaligii ku jawaabay “sayidii magaceyga waa Sindibaad al-xamaal

waxaan alaabta ku qaadaa madaxeyga si
aan xoogaa yar oo lacago ah oon ku
noolaado uga helo”

Markaas ayaa waxaa dhoola cadeeyay
ninkii guriga lahaa wuxuuna xamaaligii ku
yiri “waxaad ogaataa inaan labadeena isku
magac nahay aniga waxaan ahay
badmaaxii sindibaad ahaa balse
xamaaliyow ujeedka aan halkaan kuugu
wacay ayaa waxay tahay inaad I
maqashiiso tixddii gabayga aheyd ee aad
tirisay markaad albaabka gurigeyga hortiisa
taagneyd.

Markaas ayuu xamaaligii xishood dareemay
wuxuuna dhahay “ilaahaan kugu dhaariyee
ha ii qaban waayo daalkii iyo rafaadkii iga
muuqday iyo kista yare e aan heystay ayaa
iga keentay waayo waxyarida insaanka
waxay bartaa aadaab yari”

Markaas ayuu badmaaxii sindibaad ahaa
yiri “waxba ha xishoonin waayo waxaad
tahay walaalkey oo kale ee tixdaas iigu soo
celi waayo albaabka gurigeyga markaad
taagneyd oo aad tixdaas tirineysay aniga
aad ayaan uga helay ee markale iigu soo
celi”

Markaas ayuu xamaaligii tixdii gabayga
aheyd markale ugu soo celiyay, waxaana
aad tixdaas gabay ula tacajabay Sindibaad
wuxuuna xamaaligii ku dhahay “waxaad
ogaataa iney isoo martay qiso cajiib ah
waana kaaga warami doonaa waxkasta oo
aan lasoo kulmay kahor intaan farxadaa
ku noolaanin iyo noloshaan macaan
ogoowna noloshaan macaan waxaa ka
horeysay nolol rafaad iyo dhib badan
kuwaasoo aadan xitaa qaarkood waligaa
ku fikirin inaad la kulmi doonto waxaana
waayaha aduunyada kala kulmay waxkasta
oo rafaad ah anigoo intaan noolaa galay 7
safar, midkasta oo kamid ah todobadaas
safarna wuxuu leeyahay sheeko xitaa
fikirkaaga ka yaabineyso lkn dhamaantooda
waxay ahaayeen qadarta iyo doonista alle
meel looga cararana ma aysan jirin mid mid
ayaana kaaga warami doonaa.

SAFARKII KOOWAAD; JAZIIRADII
DHAQAAQDAY IYO FARDIHII BADDA.

Wuxuu hadalkiisii ku bilaabay; waxaad
ogaataa xamaaliyow aniga aabaheyga

wuxuu ahaa nin taajir ah oo ganacsade ah
wuxuuna kamid ahaa dadka kuwooda ugu
maalka badan lkn wuxuu geeriyooday
anigoo aad u yar wuxuuna iiga tagay hanti
fara badan.

Markii aan weynaaday ayaan dhamaan
hantidii ganacteyda ku dhigay waxaana
ahaa mid si layaqaano ugu raaxeystay
hantidaas waxaana u maleeyay inaan
waligeys sidaas iska ahaanayo oo hantidaas
sii lahaanayo

Waxaan sidaas ahaadaba waxaan markii
dambe kusoo baraarugay anoo kusii socdo
meel maran iyo xoolo la'aan maadaama aan
hantidiii sidaan doono ugu takri falay.

Markaas ayaan isku dayay inaan isku caqli
celiyo oo noloshaas khayaaliga ah ka baxo
intaan faqri fara maran noqonin waxaana
ahaa mid maqla xikmad laga wariyay
Nabiyullaahi Suleymaan bin Daa'uud
taasoo aheyd "sadx ayaa ka kheyr badan
sadx kale maalinta dhimashada ayaa ka
kheyr badan maalinta dhalashada, ayga
noolna wuu ka kheyr badanyahay todobo
eey oo dhimatay, qabrigana wuu ka kheyr
badanyahay qasriga"

Markaas ayaan meeshii ka kacay waxaana isku soo uruuriyay kistii yareyd ee hanta ahaan iiga soo hartay kadib ayaan go'aansaday inaan safar galo misna ganacsade noqdo.

Waxaan tagay suuqa waxaana soo iibsaday badeeco iyo alaab badan waxaana go'aansaday inaan bada ku dhex safro isla markaasna badeecada aan meelo kale u iib geeyo si aan faa'iido uga dhaliyo.

Waan soo baxnay markab ayaana soo fuulnay anagoo koox ah waxaana aheyn ku jasiirad kastaa iyo magaalo kastaa ku leexda anagoo badeecada aan wadano dadka ka iibineynay.

Wixii aan sidaas ahaanaba waxaa maalintii dambe kusoo dhacnay jaziirad aad u qurux badan misna aadba moodo beer kamid ah beerihii janada markaas ayaan markabkii joojinay xeebtana ku xirnay dhamaanteena waxaan u daadagnay dhankii iyo jaziiradii.

Waxaan ku kala yaacnay jaziiradii xilli qaarkeen ay bilaabeen iney gudaha u galaan qaarna nasiino halka qaarkalana ay

dab shideen si loo kulaalo waxna loogu kariyo.

Aniga waxaan kamid ahaa kooxda jaziirada daawashada u aaday si aan quruxdeeda u arko waxaana aheyn kuwa wax cuna waxna caba iskana baashaalaa kuna raaxeysto jasiiradaas.

Anagoo sidaas iska ah ayaan waxaan ka war helay kabtankii markabka oo qeylinaayo misna war rakaaboow war soo cararaay war markabka usoo cararaay wax alla waxaad heysaan faraha ka qaada oo naftiina lasoo cararaay...

Aniga waxaan kamid ahaa kooxda jaziirada daawashada u aaday si aan quruxdeeda u arko waxaana aheyn kuwa wax cuna waxna caba iskana baashaalaa kuna raaxeysto jasiiradaas.

Anagoo sidaas iska ah ayaan waxaan ka war helay kabtankii markabka oo qeylinaayo misna war rakaaboow war soo cararaay war markabka usoo cararaay wax alla waxaad heysaan faraha ka qaada oo naftiina lasoo cararaay waayo jaziiradaan ee aan kor saaranahay waa kalluun weyn oo

bada dul heebaabayo geedahana waa hore
ayay jirkiisa kazoo baxeen markii aad dabka
shideena waxay dareentay kuleyl taasoo
kaliftay iney dhaqaaqdo waxaadna qarka u
saarantihiin inuu biyaha dhex quuso oo aad
dhamaantiina halkaasi ku maanshowdaan
ee meesha isaga soo carar naftiinana
badbaadiya.

Markii ay rakaabkii maqleen hadalkii
kabtanka ayay dagdageen iyagoo uwada
cararay dhanka markabka waxayna ka
carareen dhamaan waxkasta oo ay gacanta
ku haayeen waxayna u kala baxeen kuwa
markab gaaray iyo kuwa gaari waayay oo uu
kalluunkii ku dhaqaaqay.

Kalluunkii aan jaziirada moodnay markuu
dhaqaaqay dhamaan wixii korkiisa
saarnaana bada ayuu la galay halkiina aan
jaziirada moodnayna waxay nagu noqotay
bada moolkeeda,.

Aniga waxaan kamid ahaa kooxdii
markabka ka gaari weysay waxaana ku
hafanay biyihii bada hase yeeshee nasiib
wanaag ilaahay wuxuu ii sahlay gobol weyn
oo alwaax ka sameysan kaasoo kamid
ahaa alaabtii ay rakaabka meesha uga

carareen, markaas ayaan alwaaxii ku dhagay anigoo korka ka fuulay sidii doon yar oo kalana wey ila dhaqaaqday anigoo horay u socodsiinaayay xili hirarka bada ay bidix iyo midig iga garaacayeen.

Markabkiina wuu naga cararay ayadoo ay ku ambo baxeen kooxdii badbaaday gadaalna uma aysan soo fiirin dadkii maanshoobay waxaana ahaa mid sii dhowra markabkii una qeyliya ilaa uu iga qarsoomay.

Markaas ayaan yaqiinsaday inaan halaagsamay oo ii dhamaatay.

Kadib waxaa soo galay habeenkii anigana wali xaaladii ayaan ku sugnahay waxaana sidaas sii ahaa maalin kale iyo habeen kale dabeylaha iyo hirarkana waxay ahaayeen kuwa hadba jiho ii wado ilaa ay markii dambe igu soo tureen meel jaziirad ah waxaana jaziiradaas ku yaalay geedo dhaadheer oo bada ku dhereran.

Waxaan kusoo dagtay jaziiradii anigoo daal iyo diif iga muuqato gaajana ii dheertahay waxaana isku tuuray xeebtii sidii qof miir daboolmay oo kale, markii aan soo kacayna

waxaan arkay lugihii oo I bararay waana ka socon waayay markaas ayaan sii murugooday.

Nasiib wanaag jaziirada waxaa ka baxay geedo mirahooda la cuni karo sidoo kalana waxay laheyd ilo biyo macaan ka socdaan waxaana bilaabay inaan mirihii cuno biyihiina cabo waxaana sidaas ahaa mudo maalmo iyo habeenadooda ilaa ay xoogaa tamar iga soo gashay sidii in ruuxda dib iigu soo laabatay oo kale waxaana bilaabay dhaqaaq iyo socod lugahiina bararkii way ka yaraadeen anoo awood u yeeshay inaan ku socdo.

Waxaan iska fariistay jaziiradii anoo bilaabay inaan ka fikiro abuurka alle waxaana gacanta ku heysta ul aan geed meesha ku yaalay ka goostay anoo bakooraad ahaan u adeegsanayay waxaan sidaas ahaadaba ugu dambeyn waan caafimaaday.

Maalin maalmaha kamid ah anoo xeebta socdo ayaan waxaan arkay qof aan mooday inuu reer aakhiraad yahay oo meel fog iiga gacan haatinayo markaas ayaan waxaan hadana is iri waa bahal kamid ah bahalada

bada waan u dhawaaday anoo fiirinayo si aan u hubsado wuxuu yahay mise waaba faras weyn wuxuuna ku xiranyahay jaziirada dhinaceeda kale.

Waan usii dhawaaday markaas ayuu bilaabay inuu qeyliyo qeylo aad u xoogan taasoo iga argagaxisay waxaana damcay inaan dib u laabto, hase yeeshee waxaan arkay nin dhulka kazoo baxay wuuna igu qeyliyay asigoo isoo raacay wuxuuna ahaa mid ileh “yaad tahay? Xageena ka timid? Sideena halkaan ku timaaday? “

Markaas ayaan ku dhahay “sayidii waan ogahay inaan ahay nin qariib ah waxaana saran aa markab kaasoo bada ku maanshoobay waxaana kamid ahaa dakii markabkaas saarnaa balse Alle ayaa igu soo badbaadiyay alwaax yar ilaa uu alwaaxaas jaziiradaan iga keenay.

Markuu hadalkeyga maqlay ayuu gacanta iga qabtay wuxuuna I dhahay soo bax, markaas ayaan raacay asigoo I galiyay godweyn oo dhulka ku yaalay wuxuuna ii keenay xoogaa cunto ah ana waxaan ahaa mid aad u gaajeysane waxaan bilaabay inaan cuntadii cuno ilaa aan ka dhargay.

Kadib wuxuu I weydiiyay xaalkeyga iyo sidey wax u dhaceen, markaas ayaan dhamaan wixii aan lasoo kulmay uga sheekeeyay aad ayuuna ula yaabay.

Markii aan qisadeyda u dhameeyay ayaan ku dhahay “allaan kugu dhaariyee sayidii adigoonan ii qaban aniga waan kuu sheegay dhamaan wixi aan lasoo kulmay waxaana jeclaan lahaa misna kaa sugayaa inaad adna ii sheegto waxa ku qabsaday iyo sababta aad halkaan u joogtid maxayna tahay sababta uu faraska ugu xiranyahay xeebta?”

Markaas ayuu I dhahay anigaa kuu sheegaayo ee I dhageyso, wuxuuna hadalkiisii ku bilaabay;

Anaga waxaan nahay koox jaziiradaan ku hareereysan waxaana nahay dadka boqorka u qaabilsan bandhigyada iyo arimo kale, waxaana gacanteena ku jiro dhamaan fardihiisa, bilkastana markuu dayaxa soo baxo ayaan waxaan soo qabanaa faras waxaana ku xirnaa jazxiiradaan kadibna waan dhuumanaa si aanan naloo arkin kadib waxaa yimaado faras badeed

wuxuuna u yimaadaa naagta farasta ah ee xeebta ku xiran wuuna ka xaajo bogtaa, markii uu xaajo bogto ayuu wuxuu isku dayaa in uu naagta farasta ah kaxeysto hasa yeeshee awood uma yeelanaayo waayo xarig ayaa ku xiran markaas ayuu bilaabaa inuu qeyliyo anagana qeyladiisa markaan maqalno waxaan ogaanaa inuu faras badeedkii xaajo bogtay waana soo baxnaa, markii uu anaga na arko ayuu baqaa kadibna bada ku laabtaa hase yeeshee farastii uu ka xaajo bogtay waxay qaadaa uur ayadoo faras yar dhasho kaasoo aysan jirin lacag lasiistaa waana mid aad u qaaali ah hadana waxaa la gaaray waqtigii uu faraska soo bixi lahaa waxaana rajeynaa in sidaan rabno wax u dhacaan adigana aan boqorkeena kuu geyno, waxaadna ogaataa inaad tahay mid nasiib badan waayo hadii aadan anaga halkaan nagula kulmi laheyn meeshaan ayaad ku dhiman laheyd waayo jaziiradaan waa lama dagaan oo cid ku nool majirto.

Markaas ayaa u mahad celiyay una duceeyay anagoo halkii joogno mise waaba faraskii oo bada kazoo muuqday wuuna qeyliyay qeylo xoog badan kadibna farastii ayuu korka ka fuulay, kadib markii uu dan

bogtay sidii ninka ii sheegay ayuu wuxuu bilaabay inuu isku dayo in farasta wato balse wuu awoodi waayay markaas ayuu ninkii qaatay seef uu watay wuxuuna ku cararay faraskii asigoo qeylinaayo wuxuuna ahaa seeftiisa mid gaashaankiisa ku garaaco waxaana sidoo kale godadkii kazoo baxeen koox waramo wataan ayagana qeylinayaan markaas ayuu faraskii aragagaxay badana ku cararay.

Markaas ayay nimankii kale soo wada baxeen iyadoo midkastaa uu wato faras u gooni ah, markay I arkeen ayay ninkii ila socday xaalka ka wareysteen asna xaalkeyga ayuu uga waramay.

Markaas ayaan fariisanay waxaana bilownay inaan wax cuno kadibna waan kacnay anagoo fardihii kornay waxayna ii wadeen magaaladii boqorka.

Kadib markii aan magaaladii tagnay ayay boqorkii u galeen arinkeygana uga warameen, markaas ayuu ii wacay waana u tagay anoo hortiisa istaagay.\

Markaas ayaan salaamay salaantii ayuuna iga qaaday wuuna isoo dhaweeyay asigoo

xaalkeyga iga warsaday ana waan uga waramay xaalkeyga iyo waxkasta oo aan lasoo kulmay.

Markaas ayuu igu dhahay “ waa arin layaab leh hase yeeshee cimrigaaga halkaas kuma ekeyn” kadibna wuu isoo dhaweeyay asigoo I karaameeyay wuxuuna isiiyay shaqo anigoo bilaabay inaan ka howl galo dakad markaas la dhisayay.

Waxaan ahaa markab kasta oo baxay mid warqad u qoro waxaana ahaa mid boqorka waxkasta oo uu u baahdo u sameeyo asna wuxuu ahaa mid ii roon oo wuu I wanaajin jiray,

Markii dambe dowladiisa ayuu jago iga siiyay asigoo ahaa mid aad iisoo dhaweysta hase yeeshee mudo dheer islaama sii joogin.

Mudadii aan halkaas joogay waxaan ahaa mid ganacsato kasta oo meesha timaado ka wareysto magaalada baqdaad hadey garanayaan iyo jahada ay iga jirto waa intaasoo uu jiraa qof ii sheegaayee, hase yeeshee waan waayay qof ii sheego.

Waxaan noqday mid arinkaas layaabay side ku dhacday in dhamaan tukaarta aqoon waayaan magaalada baqdaad qof yaqaano sugistiisana waan ku daalay.

Maalintii dambe ayaan soo baxay waxaana usoo galay boqorkii waxaana agtiisa fadhiyay koox hindi ah waan salaamay salaantii ayayna iga qaadeen is dhaweyn kadib waan is wareysanay waxay ii sheegeen iney yihiin koox hindi ah balse dhowr jinsi kala yihiin waxaana ku jiray qaar shaarkiyo ah kuwaasoo ahaa kuwa jinsigooda ugu sharafta badan isla markaasna aanan agtooda qofna lagu dulminin.

Waxaa kale oo ku jiray koox loo yaqaano baraahimo waana qolo aanan khamriga marnaba cabin, waxayna ahaayeen dad nasiibka u saaxiib ah waana dad xoolo dhaqato waxayna ii sheegeen in hindida u kala baxaan 72 firqo anigoo midaasna la yaabay.

Waxaan kale oo aan boqortooyadaas kusoo arkay koox aljeeriyaan ah oo la dhihi jiray reer kaabil waxayna ahaayeen kuwa habeen kastaa gurbaan garaaca waxaan kale oon

soo arkay kaluun weyn ii dhirirkiisa la egyahay 200 oo dhudhun tii ugu darneyd waxay aheyd markaan arkay kaluun wajiga bolo bolo uga eg.

Waxaan soo arkay waxyaabo cajaa'ib leh oo hadaan ku dhaho waan kaaga shekeynaa waqtiga kugu dhamaanayo.

Wixii aan jaziiradaas iska joogayba maalintii dambe ayaa waxaa dhacday inaan arkay markab ganacsi saran oo dakada kusoo shiraacday.

Waan soo baxay waxaana imid dakadii sidii caadada ii aheydna waxaan bilaabay inaan diiwaan galiyo rakaabka markabka saarnaa mgaalada boqorka galaya iyo badeecada ay wadaanba,

Markii ay soo wada dagteen dhamaan dadkii markabka saarnaa oo aan ana u diiwaan galinayay ayaga iyo badeecada ay wadaanba markii dambey ayaa waxaa weydiyay majiraa qof markabka ku haray ama badeeco kale oo aad wadaan?

Markaas ayuu naaquudihii markabka igu yiri haa waxaa markabka saran badeeco uu ka

dhintay wiil miskiin ahaa waxayna
markabkaan saarantahay in mudo ah
anigana waxaan ahay mid ehelkiisa
baqdaad ku nool raadinaya waa intaasoo ay
badeecadiisa dhaxal ahaan u qaateene.

Markaas ayaan ku dhahay magaciis
wiilkaas dhintay ee badeecada leh?

Wuxuu iigu jawaabay waa badmaax
Sindibaad...

Sheekada qeybtii hore waxay noo mareysay
markii uu naaquudihii markabka igu yiri;
“markabka waxaa saran oo ku haray
badeeco uu ka dhintay wiil miskiin ah
markabkana waxay saarantahay in mudo
ah waxaana raadinayaa qoyskiisa si aan
ugu wareejiyo”

Markii aan maqlay hadalkiisa ayaan ninkii
wajigiisa si fiican u fiiriyay mise waaba
kabtankii markabkii badeecada ii saarneyd
ee markii jaziirada nala dhaqaaqday noo
qeylinanay ee noo yeerayay.

Inta qeyliyay farxad darted ayaan ku dhahay
“war ima xusuusatid miyaa waa aniga
Badmaaxii Sindibaad ee markabka kula

saarnaa oo alle wuu ibadbaadiyay oo waan noolahay”

Markaas ayuu inta isoo fiiriyay dhahay “laa xowla walaa quwata ilaa billaah amaano dadow miyaad saan u jeceshahay?

Markabkaas ragii nala saarnaa bada ayay kuwada maanshoobeen midna kama harin adna markaan kuu sheegay in badeeco laga dhintay wado ayaa hunguri ku galay miyaa?”

Markaas ayaan ku dhahay anoo yaaban; “I maqal aniga munaafaq been badne ma ihi hadii aad si wanaagsan ii dhageysatana waad I fahmeysaa, markaas ayaan bilaabay inaan uga sheekeeyo sidey wax u dhaceen oo dhan laga soo bilaabo safarkeenii baqdaad ilaa dhamaadkii, ninka markabka kabtankaa ka ah wuu I fahmi lahaayee mudo sanado ayaa kazoo wareegteen intaas waxaa iisii dheeraa inaan muuqaal ahaan is badalay iyo asigoo gabi ahaanba igu tirinaayay qof dhintay.

Markii aan wixii dhacay oo dhan uga sheekeeyay laga soo bilaabo kasoo bixitaankeenii magaalada baqdaad ilaa dhamaadkii ayuu I gartay markaas ayuu

isoo dhaweeyay iina hambalyeeyay
maadaama aan dhimasho ka badbaaday.

Kadib wuxuu isiyyay dhamaan
badeecadeydii waxaana ugu tagay iyadoo
sidii ay aheyd u xiran oo aan marnaba la
furin waxaana kuwada qornaa magaceyga.

Markaas ayaan badeecadii furay waxaana
kasoo bixiyay qaar kamid ah alaabtii ugu
qaalisaneyd ee aan waday si aan boqorkii I
sharfay ina karaameeyay hadiyad ahaan
uga dhigo.

Waan baxay waxaan u tagay boqorkii anoo
alaabtii hadiyad ahaan uga dhigay, sidoo
kalana waxaan u sheegay in markabkaan
dekeda taagan uu yahay markabkii aan
saarnaa badeecadeydiina saarneyd.

Markaas ayuu boqorkii arinta la yaabay
waxaana usoo baxday in dhamaan
waxkasta oo aan u sheegay ay run
ahaayeen markaas ayuu hadiyadii iga
gudoomay sidoo kalana hadiyado qaali ah
isiyyay.

Kadib magaaladii ayaan badeecadii qaar
kamid ah ka iibiyay anigoo sidoo kalana

badeeco dhankooda kasoo iibsaday anigoo dhamaan markabkii kasoo buuxsaday si aan dhulkeygii dib ugu laabto.

Markii aan markabkii diyaarinayay ayaan boqorkii u tagay waana u mahad celiyay anoo ka dalbaday inuu ii fasaxo inaan dhulkeyga dib ugu laabto wuuna ii fasaxaya asigoo isoo sagootiyay.

Kadibna waan soo baxay waxaana usoo safray magaaladeydii aan jeclaa ee Baqdaad ilaa aan ugu dambeyntii ka imaaday.

Markii aan magaaladii soo galay ayay ehelkeygii isoo dhaweeyeen iyagoo aad ugu faraxsanaa inaan nabad qabo kadib markii ay iga quusteen.

Markii aan magaaladii imaaday ayaan waxaan iibiyay badeecadii aan watay iyo qaar kamid ah hadiyadihii qaaliga ahaa ee boqorka isiiyay waxaana iibsaday guri weyn iyo adeegayaal ii shaqeeyo waxaana bilaabay inaan nolosha magaaladeyda ku raaxeysto anoo iska iloobay wixii safar dhib ahaa aan soo maray.

Waxaana sidaas iska ahaa in mudo ah ilaa aan ka go'aansaday safarkeygii labaad.

Kaasi wuxuu ahaa safarkeygii koowaad iyo waxaan kala kulmay insha'allah bari ii imow waxaan kaaga sheekeyn doonaa safarkeygii labaad iyo layaabkii aan kala kulmay.

Kadib badmaaxii Sindibaad wuxuu habeenkaas la casheeyay Xamaaligii Sindibaad markuu bixi rabayna wuxuu siiyay 100 mithqaal oo dahab ah ayadoo Sindibaadkii xamaaliga ahaa u mahad celiyay Badmaaxii Sindibaad iyo siduu u sharfay wixii la siiyay ayuuna qaatay asigoo gurigiisa aaday isla markaasna ka fikiraayay sida layaabka leh ee aduunkaan meerto u yahay.

Markii maalintii xigtay la gaaray oo waagii baryay ayuu Sindibaadkii xamaaliga ahaa uu yimid gurigii badmaaxii Sindibaad markaas ayaa la sharfay lana soo dhaweeyay.

Kadib markii la isku wada imaaday ayaa raashiinkii la keenay weyna cuneen alx, markii raashiinkii la dhameeyay ayuu

Badmaaxii Sindibaad ahaa bilaabay
sheekadii iyo safarkiisii labaad.

SAFARKII LABAAD EE BADMAAXII
SINDIBAAD IYO TOGII DHEYMANKA AHAA.

Badmaaxii Sindibaad ayaa wuxuu
hadalkiisii ku bilaabay;

Markii aan in mudo ah raaxeystay isla
markaasna iska iloobay dhibaataadii iyo
rafaadkii aan maray safarkii kowaad ayaan
maalinkii dambe igu soo dhacday inaan
markale safro.

Waxaan u xiisay ganacsigii iyo howlihii
safarka ahaa sidaas owgeed si aan
hantideyda u horamriyo ayaan go'aansaday
inaan mar labaad safro.

Markaas ayaan waxaan bilaabay inaan isku
soo uruuriyo hantideydii oo dhameyd markii
aan uruuriyay ayaan markab fiican misna
ilaalo adag leh alaabtii soo saartay badii
ayaana kusoo dhacnay.

Wixii aan safar aheynba oo jasiiradba mida
ka dambeyso ugu dageynay badeecadana u
kala wareejineynay anagoo faa'iido fiican ka

helnay ayaan maalintii dambe kusoo dhacnay jaziirad geedo badan ka buuxaan.

Waxay aheyd jaziirad nadiif ah geedo badan oo miro macaan leh ka buuxaan sidoo kale wabiyaal ayaa ku yaaleen lkn layaabka wuxuu ahaa iney aheyd jaziirad cidlo ah maadaama aanan wax guri ah iyoo raad dad ku arkin.

Markaas ayaan markabkii joojinay oo jaziiradii usoo daadagnay waxaana aheyn kuwa la tacajubsan qaabka bilicda san ee jaziiradaan u egtahay anagoo la yaabaneen qudrada alle iyo awoodiisaba.

Aniga waxaan watay xoogaa cunto ah waan soo dagtay waxaana soo ag fariistay mid kamid ah wabiyadii meesha ku yaalay agtiisa waxaana bilaabay inaan cuntadii iyo mirihii cuno biyihii macaanaana ee wabiga cabo.

Markii aan wax cunay ayaa waxaa i qabatay lulmo iyo hurdo meeshii ayaana ku gam'ay anigoo seexday hurdo aad u macaan badan balse markii aan soo kacay oo aan hareeraha fiiriyay wax qof ah ama asxaabtii aan safarka isla aheyn kamid ah ma arkin.

Waan soo kacay oon soo fariistay anoo naxsan waxaana imaaday xeebtii iyo meeshii uu markabka yaalay laakiin wax joogo meesha maba jiraan waa kaligeey oo jaziirad cidlo ah looga tagay...

La soco qeybta 35aad oo xiiso leh

Waxay qeybtii hore noo mareysay sheekada markii aan xoogaa yara seexday balse markii aan soo kacay aan is arkay anoo jaziirad cidlo ah dhex taagan kooxdii safarka wada aheyna iga tageen.

Waan argagaxay waana isku naxay anigoo dareemay cabsi aad u xoog badan waxaan noqday mid dhex joogo jaziirad cidlo ah aanan garaneynin bahalo iyo dugaag waxaan kala kulmi doono nolol iyo geeri midkaan noqon doonana marnaba ma qiyaasi Karin waayo ma aanan heysan wax sahay ah iyo wax raashiin oo aan cuno.

Waxaan noqday mid daalan sidoo kalana quus joogo hase yeeshee dhexda ayaan xirtay waxaana bilaabay inaan jaziiradii ku

dhex socdo sidii aan u wareegaayay ayaan
markii dambe geed guudka ugu baxay
(koray) waxaana bilaabay inaan geesaha
fiiriyo balse ma aanan arkin waxaan aheyn
geedo biyo cir iyo dhul.

Intaas kuma quusane waxaan bilaabay
inaan sifiican usii fiiriyo waxaana bilaabay
geedaha kan ugu dheer inaan koro,
markaas ayaan arkay wax weyn oo cad oo
meel ka bidhaamayo.

Geedkii ayaan kasoo dagtay waxaana soo
aaday wixii cadaa ee weynaa meeshuu
yaalay, sidii aan usoo socday ugu dambeyn
waan soo gaaray wuxuuna iila ekaaday sidii
qubo cad misna wareegsan waxayna aheyd
mid aad u dheer.

Waan usoo dhawaaday qubadii anigoo
bilaabay inaan ku wareegsado balse ma
aysan laheyn wax albaab ah waana awoodi
waayay inaan fuulo waayo waxay aheyd
mid sibiig wax oo meel la qabsanaayo
malahan.

Markaas ayaan bilaabay inaan qubadii
cabirowaana kusoo wareegsaday ayadoo
noqotay wareeg ahaan 50 talaabo, waxaana

bilaabay inaan ku fikiro qaabkii aan ku gali lahaa xiligana wuxuu ahaa casar gaabkii.

Anigoo wali meeshii taagan isla markaasna sidaan qubadaan ku gali lahaa ka fikiraayo ayuu aduunkii halmar ila madoobaaday, qoraxdiina iga qarsoontay, waxaana u maleeyay in daruur weyn qoraxdii qarisay, waliba xiliga asigoo uu jiilaal ahaa oo layaab ayay igu noqotay, markaas ayaan madaxeyga kor usoo qaaday waxaana soo fiiriyay dhankii qoraxdii si aan u hubiyo waxa qoraxda naga qariyay.

Markii aan fiiriyay ayaan waxaan arkay wax aanan waligey xitaa maanka gashanin, waaba shimbir weyn oo qaro weynidiisa aad la yaabeysid, wuxuu lahaa jir aad u weyn iyo baalal xoog badan misna dhaadheer, asigoo ahaa mid hawada sare duulaya markaas ayaan yaab afka la taagay macquul matahay sidaan?

Waxaan soo xusuustay sheeko yaraanteydii la iiga sheekeyn jiray oo aan ka maqli jiray qaar kamid ah badmaaxyaashii magaaladeena daganaayeen taasoo aheyd in mid kamid ah jaziiradaha aduunkaan guudkiisa ku yaalo ay joogto shimbir aad u

weyn magaceedana la yiraahdo arr-rikh isla markaasna caruurteeda ku quudiso maroodiyaasha.

Markaas ayaan durba is iri tolow ma iyadaa? Waxaan wareegsan ee meesha yaalana amey ukunteedii tahay??

Anigoo sidii u yaaban walina meesheydii ka dhaqaaqin ayuu shimbirkii soo dagtay wuxuuna ku fariistay ukuntiisii asigoo baalashiisa ku daboolay wuxuuna bilaabay inuu seexdo mana uusan I arkin.

Markaas ayaan cimaamadii madaxa iigu xirneyd furay kadibna inta isku toosiyay ka dhigay xarig dheer, markaas ayaan xariga afkiisa hore isaga xiray dhexdeyda afkiisa dambana waxaan ku xiray mid kamid ah lugaha shimbirka farahiisa ku yaalo anigoo is leh waa intaasoo uu shimbirkaan ku geeyaa ama tagaa meel banii aadam joogo.

Waxaan go'aansaday intaan jaziiradaan cidlada ah ku dhiman lahaa inaan isbiimeeyo oo aan shimbirkii isku xiro, waxaana ahaa habeenkaas oo dhan mid soo jeedo anoo ka cabsanayay in shimbirka ila duulo anoo iska war qabin.

Markii waagii baryay ayuu shimbirkii kacay wuxuuna bilaabay inuu qeyliyo kadibna hawada sare ayuu ila galay oo wuu ila duulay asigoon wali I dareemin, wuxuu duulaba ilaa aan is iri khalaas samada ayaad joogtaa, markaas ayuu bilaabay inuu soo dagto oo dhulka usoo dhawaado, wuxuuna ku dagtay meel jog sare oo dhulka aad uga dheer waxayna iila ekaatay buur dheer.

Markaas ayaan xarigii iska furay waxaana bilaabay inaan buurtii ku socdo, shimbirkii asigana markale ayuu dib u duulay asigoo lugaha wax weyn ku qaatay, markii aan sii fiiriyayna mise waa abeeso weyn oo aan la yaabay weyninkeeda shimbirkii inta abeesadii qaatay ayuu la duulay.

Anigoo arintaas hadana la yaaban ayaan iska soo baxay waxaana bilaabay inaan buurtii ku wareegsado mise waaba buur dhirirkii ka badatay meel laga dagtana aysan laheyn, dhirir daraadeed xitaa ma arkeysid waxa dhulka yaalo, markaas ayaan shalaay bilaabay iyo maxaa uga dagatay shimbirkii?

Waxaa ii fiicnaan laheyd inaan jaziiradeydii iska joogo waayo iyadaa ka fiicneyd meeshaan dhirirka badan oo meel laga dagto iyo baadna aysan oolin waayo jaziiradii waxayba laheyd geedo mirahooda la cuni karo oo nafta kugu heynayaan iyo wabi biyo macaan leh oo aad cabi karto, lkn meeshaan geed walaa biyo walaa miro midna malahan, laa xowla walaa quwata ilaa billaah.

Waxaan noqday markastoo masiiibo ka badbaado mid ku dhaca masiiibo kale oo tii hore kaweyn.

Markaas ayaan socodkii iska sii watay waxaana bilaabay inaan toga buurta ku socdo, markaas ayaan waxaan arkay dhul dhan oo dhagaxmaantiisa wada yihiin dheyman hade waa dheymanka la isku qurxiyo misna lacaga qaaliga lakala siisto.

Hase yeeshee waxaa dhagaxaantaas ku hareereysan noocyada masaska ee aduunkaan ugu halista badan qaarkood oo hadey ku qaniinaan aadan xitaa daqiiqad lasii noolaaneynin tan ugu daran waxay tahay qaarkood ayaa inta weyninka ka bateen aad hadaad aragto isleedahay hal

xabo maroodi ah wey laqi kartaa qaro weynideeda darted.

Waxaanse ogaaday in masaskaas waaweyn maalinkii aysan soo bixin balse xilliga habeenkii ay soo baxaan waayo iyagaba waxay ka cabsanayaan hadii maalinkii soo baxaan in haadka weyn uu cuno sidaas owgeed maalinkii oo dhan sooma baxaan.

Togii ayaan isaga sii socday iyadoo gabalkiina uu sii dhacayo isla markaasna aanan heysan meeshii aan habeenkaas seexan lahaa masaskaana uga dhuuman lahaa.....

Sheekada waxay qeybtii hore noo mareysay markii aan ogaaday in masaska maalinkii aysan soo bixin oo ka cabsadaan haadka balse ay habeenkii soo baxaan.

Xiliga waa gabal dhicii meel cidlo an oo dad iyo duunyo midna lagu sheegin baan dhex marayaa mana heysto meel aan ku hoydo masaskina waxay qarka u saaranyihiin iney soo baxaan talo ayaana igu cadaatay.

Sidii aan u socday ayaan waxaan la kulmay albaab ciriiri ah markaas ayaan dhex galay

wuxuuna iila ekaa qol yar oo ciriiri ah
markaas ayaan waxaan soo qaatay dhagax
weyn anigoo albaabkii yaraa iska saaray si
uusan dugaag iigu soo galin waxaana is
dhahay alx meel aamin ah oo aad caawo
seexato ayaad heshay caawo inta iska hoyo
oo hadii waagu baryo isaga tag.

Cabaar markii aan qolkii yaraa ku dhex jiray
ayaan hareeraha fiiriyay mise waaba mas
weyn oo qolka iigu dhex jiro misna
hurdeyso markaas ayuu jirkeyga gariiray
cabsi darted waxaana yaqiinsaday inaan
halaagsamay oo ii dhamaatay isla
markaasna maska caawo casho u noqon
doono.

Waxaan isku nabay daribigii anigoo meeshii
fadhiya waxaana habeenkii oo dhan ahaa
mid soo jeeda cabsina la gariiraya,
banaanaka ma aadi kartid oo waa halistii
aduunka gudahana waa tanoo mas ii dhex
jiifo wixii aan darbigii ku nabdaado ugu
dambeyn waagii ayaa baryay markiise
waagii uu baryay ayaan albaabkii dhagaxa
ka leexiyay godkiina orod uga soo baxay
iyadoon uu maskii weynaa I dareemin.

Waxaan u ekaa sidii qof sakhraansan

waayo waxaa isugu key darsamay daal
gaajo iyo hurdo la'aan waxaana sii watay
socodkeygii anigoo togii kusii socday.

Anigoo sidaas ah ayaan waxaan halmar
maqlay jug hadii aan fiiriyay mise waaba lax
dhimatay oo buurta kazoo dhacday qofna
ma aanan arkin waana la yaabay arkinkaas
waxaana igu soo dhacday sheeko aan
maqli jiray waagii aan yaraa taasoo aheyd in
toga dheymanka ah ee masaska ka
buuxaan uusan jirin qof dhex mari karto
dadkana ay naftooda u cabsanayaan hase
yeeshee waxay sameyn jireen xeelad ah in
neef ari ah qalaan kadibna maqaar siibaan
kadibna ay buurta kazoo tuuraan si ay ugu
soo dhacdo toga dheymanka ah.

Markii ay dhulka jaw kusoo dhahdo ayay
dhagaxaanta dheymanka ah jirkeeda
galgalayaan kuna dhagayaan kadibna
waxaa imaanayaan shimbara haadka ah
sida Galleyrka iwm iyagoo dhilibkii
dheymanka ku dhaganaa lugahooda kusoo
qaata oo buurta la kora markaas ayay
dadka imaanayaan oo ka bursanayaan
shimbarta iyagoo hilibka kala baxayo
dheymanka.

Kadibna dhagaxaanta dheymanka ah ayaa waxay u qaadanayaan dhulkooda iyagoo laga siisto qiimo aad u qaali ah.

Markii aan laxdii dhimatay misna maqaarka siibneyd arkay ayaan waxaan soo xusuustay sheekadaas markaas ayaan waxaan kor imid laxdii dhimatay anigoo bilaabay inaan dhagaxaantii dheymanka aheyd jeebabka iyo meelkasta ka buuxsado markaas ayaan laxdii dhimatay ag fariistay.

Waxyar kadib waxaa meesha yimid haad aad u weyn markaas ayuu laxdii kusoo kor dagtay anigana markuu soo dagtay ayaan is biimeeyay si aan togaan halista ah uga baxo waxaana ku dhagay lugtii haadka asigoo bilaabay inuu nala duulo aniga iyo laxdii dhimatayba ilaa uu naga geeyo buurta xigtay korkeeda.

Markii uu meeshii nagu dajiyay ayaan maqlay qeylo aad u xoogan iyo qof wata ood aad u weyn kaasoo dhinaca haadka usoo cararay balse haadkii ayaa duulay oo cabsi gashay, markii haadkii duulay ayuu ninkii haadka buriyay I arkay.

Ilama uusan hadlin lkn wuxuu dareemay

asigana argagax iyo cabsi wuxuuna aaday dhankii laxdii la maqaar siibay wuxuuna bilaabay inuu laxdii gad gadiyo asigoo dheymankii ka raadinaayay balse wuu ka waayay wax dheyman ah.

Markii uu laxdii dheymanka ka waayay ayuu bilaabay inuu qeyliyo asigoo leh; alla hoogay oo ba'ay waan khasaaray wuxuuna bilaabay inuu cabaado.

Markaas ayaan u dhawaaday inta isoo fiiriyay ayuu igu dhahay kumaad aheyd? Halkana maxaad kazoo doontay?

Waxaan ugu jawaabay; waxba ha cabsan aniga banii aadam adigoo kale ayaan ahay waxaana halkaan ikeenay duruuf iyo waayo waxaana ahaa nin badmaax ganacsade ah sababta aan halkaan u imidna sheeko dheer ayaa ka dambeyso ee adiga ha cabsan dheymankana haka walwalin waayo aniga ayaa wado dheyman badan waxaana kaa siini in kugu filan.

Markii aan sidaas dhahay ayay ninkii cabsidii ka tagtay asigoo farxay wuxuuna bilaabay inuu ii mahadceliyo wuxuuna ii geeyay koox kale oo ganacsato iyagana

meesha u yimid iney dheymanka wax ka dabtaan waana is baranay anigoo qisadii I qabsatay uga sheekeeyay iyo sababta aan halkaan ku imid.

Nimakii ganacsatada waxay ii sheegeen in uusan jirin banii aadam gaaray togas dheymanka ah oo misna badbaaday aniga kahor markaas ayay ii hambalyeeyeen anigana waxaan iyagii qeyb ka siiyay dheymankii aan watay iyagoo ii mahad celiyay.

Kadibna waxaan bilownay socod ilaa aan ka imaanay dhul beereed aad u qurux badan kaasoo ku dhex yaalay jasiirad weyn halkii ayaana bilownay inaan ku nasano oo maalmo joognay kadibna waxaan uga soo gudbay magaaladii ay ganacsatada joogtay waxaana qaar kamid ah dheymankii aan watay uga badashay badeeco aad u fara badan anigoo usoo safray dhulkeygii iyo magaaladeydii baqdaad ilaa aan anoo nabad qabo ka imid.

Markii aan kusoo laabtay magaaladeydii ayay dadkii ii yimaadeen ayagoo raxan raxan ah waxaana ahaa mid uga sheekeeyo wixii aan lasoo kulmay waliba anoo tusay

dheymanakii aan soo helay aad ayayna u tacajubeen iyagoo dadka qaar bilaabeen in magaalooyinka fog fog iiga soo safaan si ay qisadeyda u maqlaan iyo layaabka ay leedahay.

Kadib Sindibaadkii badmaaxa ahaa ayaa kii xamaaligii ku yiri safarkii labaad ilaahay ayaa sidaas igu badbaadiyay insha'allah bari hadii la gaaro waxaan kaaga sheekeyn doonaa safarkeygii sadaxaad iyo sheydaankii madoobaa.

SAFARKII SADAXAAD EE SINDIBAAD IYO SHEYDAANKII MADOOBAA

Sindibaad oo waramaya kana sheekeynayo safarkiisii sadaxaad ayaa hadal ku bilaabay;

Markii aan kazoo laabtay safarkeygii labaad anigoo waliba aad u faraxsan kuna faraxsan inaan dib ugu soo laabtay magaaladeydii aan jeclaa ee Baqdaad waliba si nabad galyo ah ku imaaday ayaan gudo galay inaan nasto oo magaalada dhexdeeda ka ganacsado waxaana magaalada joogay in mudo ah.

Hase yeeshee waxaa la yiri wixii aad barato waa baaskaa nafteydii ayaa u xiistay safaradii aan gali jiray markii aan in mudo ahna ku fikirayay ayaan markii dambe go'aansaday inaan safarkii galo waxaana soo uruuriyay badeeco aad u fara badan anigoo si fiican usoo xirxiray waxaana kazoo ambo baxay magaalada Baqdaad anigoo u gudbay magaalada Basra isla markaasna tagay dakada magaaladaas waxaana halkaas kula heshiiyay oo kula kulmay markab aad u weyn.

Markabka waxaa saarnaa tujaar iyo dad aad u fara badan waxayn intooda badan iila maqdeen dad ahlu kheyr ah markaas ayaan markabkii ku dagtay dadkiina dhinac ka galay waxaana galnay safarkeenii.

Wixii aan socono oo magaalaba magaalo kale uga gudubno ayaan markii dambe waxaan arkay madaxii dadka markabka saarnaa kaasoo hareeraha eegaayay isla markaasna wajiga iska dharbaaxayo kadib wuxuu bilaabay inuu qeyliyo asigoo dharka iska jeexayo garkana iska jiidayo asigoo leh; waa halaagsanay waa noo dhamaatay waayo dabeyshii ayaa naga xoog badisay

waana nagu qasab inaan raacno jahada ay dabeesha noo wado lakiin waxaad ogaataan iney jihadaasi tahay jahadii ay naga hirtay byyrtii daanyeerada mana jiro qof meeshaas nasiibkiisa ku riday oo kazoo badbaaday.

Intii uusanba hadalka dhameynin ayaan waxaan ka warhelnay daanyeeradii oo nagu hareereysan dhinac kastana naga jirto waxayna ahaayeen kuwa aad u badan oo aan tiro lagu gaarin.

Cabsi ayaan dareenay sidoo kale waxaan ka cabsanay hadii aan mid iyaga kamid ah dilno in xaalada xumaato oo ay na baabi'iyaan maadaama ay aad nooga tiro badnaayeen waxaana noqonay kuwa aad u cabsada lkn aanan wax dagaal ah galin.

Daanyeeradaas waxay ahaayeen muuqaal ahaan kuwa aad u fool xun mana jirin cid luuqadooda fahmeyso waxayna bilaabeen in xarkihii markabka ilkahooda ku jarjaraan ilaa uu markabkii ka gaaray dhulkooda waxayna boobeen alaab kasta oo markabka saarneyd.

Anaga markii aan dhulkii gaarnay ayaan

markabkii isaga soo daganay maadaama ay daanyeerada la wareegeen sabab aan u sii saarnaano aysan jirin waxaana waqtigaas taagneen marba adeysan idin soo weerarin waa alx.

Jaziiradii markii aan galnay ayaan waxaan aragnay geedo miro ah oo jaziirada ka baxayay mirihii ayaan gurany misna cunay kadibna waxaan bilownay inaan jaziirada ku wareegno waa intaasoo ay leedahay ama joogaan dad anagoo kale.

Sidii aan u wareegeynay ayaan waxaan aragnay guri qeyn oo sida qasri camal u dhisan wuxuuna lahaa albaab alwaax ka sameysan, gurigii ayaan galnay waana ku wareegeysanay anagoo aragnay lafo banii aadam waqtigana wuxuu ahaa gabal dhicii markaas ayaan go'aansanay inaan habeenkii halkaas barino.

Cabaar markii aan halkii joognay ayaan waxaan dareenay gariir aad u weyn waxaana maqalnay jug culus iyo wax aad u weyn oo soo socdo ilaa wixii weynaa ee qasirigii soo galay wuxuuna ahaa mid aad u qaro weyn muuqaal ahaana wuxuu shabahay insaanka.

Wuxuu lahaa muuqaal aad u madow iyo indho aad moodo in ay holcayaan oo dab ka sameysanyihiin wuxuu kaloo lahaa miciyo waaweyn aadna u shhabaha kuwa doofaarka iyo cijiyo aad u dhaadheer.

Markii aan aragnay ayaan qaracanay aadna u naxnay, markaas ayuu agteena soo fariistay wuuna nasoo fiiriyay asigoo bilaabay inuu mid mid noo fiiriyo, marba mid ayuu qabanayay misna dhinacyada u gadinayay ilaa uu markii dambe soo qabtay kabtnakii markabka oo ahaa mid aad u buurnaa.

Markii uu kabtankii soo qabtay ayuu dabshiday isla markaasna bir dheer oo mudac ka sameysan kabtankii afka ka galiyay kadibna dabada ka bixiyay, wuxuuna bilaabay in asigoo nool oo cabaadayo uu dabkii ku dubto.

Alla xanuun badanaa adigoo nool sidaas halagu yeelo markaas ayaan cabsi tii aheyd la kulanay asigana wuxuu bilaabay in markii hilbihii bislaadeen uu cuno asigoo lafihiisa sidii kuwa malaayga ee aan cuno oo kale isaga bixinayay.

Markii uu hilibkii dhameystay ayuu seexday wuxuuna bilaabay inuu khuuriyo khuuro aad u weyn oo qasriga nala gariiray, ilaa laga gaaray subaxii oo waagii baryay, markaas ayuu inta kacay iska baxay.

Mar alle iyo markuu naga tagay ayaan bilownay inaan dhexdeena wada tashano oo wada hadalno sidii laga yeeli lahaa arintaan waxaana go'aan ku gaarnay in aan raadsano jaziiradaan tabtii aan uga bixi laheyn.

Waan soo baxnay anagoo bilownay inaan jaziiradii ku wareegeysano kuna meereysano waxaana tagnay dhinac kasta lakiin ha sheein markabkeeniina daayeeradii ayaa cad cad u googooyeen.

Markaas ayay talo nagu cadaatay waxaan sameynana waan garan weynay ilaa laga gaaray habeenkii.

Markii habeenkii la gaaray ayuu hadana wixii madoobaa markale soo laabtay wuxuuna bilaabay inuu na qabqabto oo na gadgadiyo ilaa markii dambe uu nagala baxay kii noogu buurnaa wuxuuna

sameeyay sidii uu xalay sameeyay oo kale
asigoo inta dubtay cunay kadibna iska
seexday.

Subaxii markii la gaaray ayuu gacay wuuna
iska baxay, markaas ayaan hadana talo
kale isugu imaanay iyadoo marba uu qof
talo soo jeedinayay ilaa aan makii dambe
aniga ka dhex kacay.

Waxaan dhahay hadii xaalka sidaan ahaado
khalaas waa noo dhamaatay oo waa
halaagsameynaa lkn waxaan haayaa talo
taasoo macquul ay tahay inaan ku
badbaadno.....

Waxaan marka hore ka cudur daaranayaa
hakadkii sheekada ku yimid mudo sadax
maalmood ah maadaama aan arimo qoys
ku mashquulsanaa.

Sheekada qeybtii hore waxay inoo
mareysay markii uu sheydaankii madoobaa
iska tagay anagana aan isugu imaanay shir
si aan uga wada hadalno sidii aan nafteena
ku badbaadsan laheyn.

Dadkii qaarkood ayaa talo ahaan u soo jeediyay inaan nafteena ku tuurno bada isla markaasna aan biyaha ku dhimano halkii anaga oo nool inta nala dubto oo bir af leh jirkeena la dhex mariyo nala cuni lahaa qaarkalana ay talo nooc kale ah soo jeediyeen.

Markaas ayaan dadkii ka dhex kacay waxaana u sheegay inaan hayo talo macquul ah oo aan ku badbaadi karno waxaana ku dhahay;

Waxay u badantahay inaan dhamaanteena jaziiradaan ku dhiman doono marka marba hadii aan dhimaneyno anagoon dagaalamin inaan dhimano ma ficna sidaas owgeed waxaan haayaa talo ah inaan geedahaan alwaaxyada ah ee meeshaan yaalo ka sameysano doon yar oo aan jaziiradaan kaga safarno, markii uu sheydaanka caawo yimaado oo mid naga mid ah cuno isla markaasna uu seexdo aan birtaan weyn inta dabka ku kululeyno aan indhaha ka galino si uusan markale noo arkin oo aan nafteena u badbaadsano.

Hadii ay taladaan guuleysato waxaa macquul ah inaan badbaadno hadii ay

suurto gali weysana awalba dhimasho waa u soconay waana dadaalnay.

Taladii aan keenay ayaa loo guuxay waxaana la isku raacay inaan sidaas sameyno anagoo halkii ka bilownay howshii aan doonta ku dhiseyna waxaan aheyn kuwa aad u tiro badan sidaas owgeed isla maalinkii ayaa doontii dhisnay waxaana ku diyaarsanay xeebta agteeda lkn anagoon bixin ayuu sheydaankii madoobaa nagu soo gaaray wuxuuna naga baxsaday nin naga mid ah asigoo nool ayuuna inta dubtay cunay.

Markii uu seexday ayaan soo baxnay oo birtii afka laheyd inta kululeynay markii ay dhimbil noqotay sheydaankii isha ka gilinay, taasoo kaliftay in sheydaankii qeyliyo oo cabaado qeylo uu dhulka nala gariiray wuxuuna bilaabay inuu na raadiyo asigoo gacmahiisa adeegsanayay anagana waxaan aheyn kuwa dhinac uu soo aadaba ma ahee dhinaca kale u carara.

Markuu mid naga mid ah qabtaba wuxuu ahaa mid kala gooyo ilaa markii dambe uu qeyliyay qeylo aad u xoogan waxaana usoo gurmaday oo goobtii yimaaday 12

sheydaan kale oo asiga lamid ahaa oo sidiisa oo kale u weynaa.

Markii aan aragnay gurmaddii u yimid ayaan kala cararnay ayadoo inteenaa badan usoo carareen dhankii iyo doontii aan xeebta ku diyaarsanay waxaana bilownay inaan cararno hase yeeshee waa nalagu soo gaaray.

Sheydamadii ayaana markaas six un noo laayay waxayna gudo galay in ay dhagaxmaan waaweyn oo meesha yaalay nagu garaacaan ilaa ay asxaabteydii oo dhami dhamaadeem waxaana ka badbaaday kaliya aniga iyo mid safareydii kamid ahaa inteenii kale wey laayeen.

Markii aan badbaadnay ayaan soo baxnay sidii aan u soconay oo bada ugu gudo jirnay ayaan markii dambe imaanay jaziirad meel ku taalay waxaana ku daganay jaziiradii waa intaasoo ay dad ku nool yihiin sidoo kalana waxaan cuno ka halnaaye.

Hase yeeshee waxay noqotay jaziirad cidlo ah oo qofna uusan ku nooleyn, waxaan go'aansanay inaan habeenkaas halkaas seexano oo subaxii safarkeenii sii wadano.

Habeenkii markii saqdhex la gaaray ayaa waxaa noo yimid mas aad u weyn aadna u xoog badan oo hadaad weyninkiisa aragto la yaabeyso, wuxuuna maskii bilaabay inuu cuno saaxiibkey ila socday asigoo sidiisa ah ayuuna laqay.

Waxaan noqday mid cabsidii heysay kusii jibaarantay waayo maska marka uu saaxiibkey laqay waxaan maqlay qababac iyo qajajac ka yeererysay maska calooshiisa maadaama uu ahaa mid caloosha dhexdeeda ku jijibinayay maska sidii inuu ukun laqay oo kale ayuuna lafihii usoo tuuray.

Anigii waxaan dhex galay god dhagax ka sameysnaa oo meesha ku yaalay si aan aan nafteyda ugu badbaadsado waxaana habeenkii ku baryay godkii anigoo cabsida I heysaa ilaahay ogyahay.

Subaxii markii la gaaray ayaan doontii yareyd kusoo laabatay bada ayaana isku soo shubay waxaana go.aansaday in toogtaan hadiiba aan dhimanaayo bada ku dhex dhinto.

Wixii aan socdo oo doontii ila socotaba waxaan markii dambe la kulmay markab aad u weyn oo bada dhex socdo markaas ayaan inta farxay bilaabay inaan markabkii u gacan haatiyo waa intaasoo aan badbaado ka helaaye.

Sidii aan markabkii ugu dhawaanayay uguna gacan haatinayay ayay markii dambe I arkeen waxayna bilaabeen iney iisoo dhawaadaan si ay ii badbaadiyaan.

Alle ayaa mahad iska leh markabkii ayaa I badbaadiyay markii aan koray oo aan dadkii saarnaa la kulmay sidoo kalana markabkii sii fiiriyay ayay waxkasta waxay ila noqdeen sidii waxaan aqaano.

Waxaan u tagay markabkii kabtankii waday yaab badanaa mise waaba markabkii jaziirada iiga soo tagay ee badeecada ii saarneyd kaasoo aan soo fuulay safarkeygii labaad.

Haa waa xaqiiqo waa markabkii jaziiradii dheymanka iiga tagay anigoo hurda nasiib wanaag kabtankii ayaan is aqoonsanay waana is wareysanay markaas ayaan uga waramay sidey wax u dhaceen iyo wixii aan

kala kulmay safarkeygii labaad iyo kii sadaxaadba.

Markii aan u waramay ayuu isna ii sheegay inuu in mudo ah i raadinayay oo badeecadiina wali markabkii saarantahay oo aan la taaban.

Waqtigaas aniga waxaan ahaa mid aan waxba heysan waayo hantidii iyo badeecadii aan watay ee markabka ii saarneyd waxay ku maanshowday bada oo waatii daayeerada naga dhaceen sidaas owgeed ayaan alaabteydii hore dib usoo ceshtay.

Kabtankii markabka ayaa markaas ii sheegay in ay u socdaan jaziirad la yiraahdo jaziiradii nabada isla markaasna badeeco badan wataan wuxuuna ii sheegay in hadii aan rabo badeecadeyda halkaas ku iibsan karo.

Aniga sidii ayaan yeelay waana soo baxnay ilaa aan jaziiradii ka imid waxaana halkii ku iibiyay badeecadii aan watay markii aan galay safarkeygii 2aad anigoo lacag badan kasoo macaashay.

Markii aan faa'iido badan soo helay ayaan go'aansaday inaan magaaladeydii dib ugu laabto waxaana kusoo laabtay magaaladii aan jeclaa ee Baqdaad anigoo halkii sal dhigtay.

Safarkii 4aad ee badmaaxii Sindibaad iyo markii Sindibaad nolosha lagu duugay...

Sheekada qeybtii hore waxay noo mareysay markii Sindibaad uu kasoo laabtay safarkiisii sadaxaad isla markaasna uu magaalada baqdaad kusoo laabtay.

Sindibaad ayaa hadalkiisii ku bilaabay;

Kadib waxaan go'aansaday sida caadada ii aheydba inaan safro waxaana diyaarsaday badeecadii aan ku safri lahaa anigoo waliba toogtaan diyaarsaday badeeco ka badan kuwii aan horay ula safri jiray waxaana isku soo shubnay magaalada Basra oo aan uga sii gudubnay Dekeda magaaladaas.

Waxaan kusoo safarnay badii waxaana aheyn kuwa aad u fara badan, sidii aan

jidka ugu soo jirnay ayaa habeenkii dambe waxaa na qabsatay dabeel iyo duufaan aad u xoogan taasoo gabi ahaanba qalibtay markabkii aan saarneyn.

Markii uu qalibmay markabkii xooga iyo xawliga dabeesha ku socotay owgeed taasoo caawin xoogan ka heleysay hirarkii xooganaa ee bada ayaan waxaan noqonay qaar badbaaday iyo qaar badii ku maanshoobay.

Waxaan aheyn aniga iyo qaar kamid ah rakaabkii ila socday kuwa ku badbaaday huuri yar oo markabka aasrnaa kaasoo bada kusoo dhacay xiligii uu markabka gadoomayay.

Huurigii yaraa ayaan isku gurney waxaaana bilownay inaan u jiheysano dhankii ay dabeesha inaga jirtay, waxaana jidka kusii jirnay maalin iyo habeen kale anagoo ugu dambeyn imaanay meel jaziirad ah.

Jaziiradii ayaana ku daganay waxa ugu horeeyay ee aan baadigoob ugalnayna wuxuu ahaa rizqi aan cuno maadaama gaajo bas la aheen anagoo bilownay geedihii jzaiirada ka baxayay inaan

mirahoodii sida xoolaha oo kale u daaqno
ilaa aan caloosha ka buuxino.

Habeenkaas waxaan barinay oo seexanay
jaziiradii, markii subaxii lagaaray ayaan
bilownay inaan ku socono jaziiradii
dhexdeeda sidii aan ugu wareegeyney
ayaan markii dambe aragnay dhisme meel
ku yaalo waxaana soo beegsanay halkii
dhismaha ku yaalay.

Sidii aan u soo soconay oo ugu soo
dhawaaneynay ilaa aan markii dambe
kazoo gaarnay, mar alle markaan saas u
imaanay ayaa waxaa noo soo baxay oo
albaabkii dhismmahaas nagu qabtay
askara wada qaawan oo hal dharna
wadanin waxayna u ekaayeen kuwa
meesha nagu sugayay.

Meeshii ayay nagu qabqabteen ayagoo noo
gudbiyay boqorkooda hal erayna ma aysan
nagula hadlin waxayna bilaabeen in raashiin
iyo cunto kala nooc ah noo keenaan oo
horteenaa ayay soo dhigeen.

Asxaabta intooda badan diif iyo gaajo ayaa
ka muuqatay waxay bilaabeen iney cuntadii
cunaan lkn aniga ma aanan cunin waayo

waxaan maqli jiray in mid kamid ah
jaziiradaha ay ku noolyihiin qolo majuus ah
oo hilibaha dadka quuta waxayna
sameeyaan markii ay dadka qabtaan ayay
dharjiyaan oo siiyaan cunto nooc kasta ilaa
uu qofka ka cayilo kadibna waxay quud
ahaan ugu geeyaan inta qalaan
boqorkooda.

Waxaan kale oo maqli jiray in askarta
boqorka ay hilibka dadka oo ceyriin cunaan
halka boqorka hilibaha loo Karin jiray sidaas
owgeed raashiinkii meesha la keenay ma
aanan cunin.

Askartii waxay sameeyeen in ay gooni
gooni midkasta meel ku xiraan aniga meel
gooni ah ayaa la igu xiray maalinkastana
waxay ii keeni jireen cunto kala nooc ah
laakiin ma aanan cuni jirin maadaama aan
ka cabsanayay iney iqashaan oo ay I
cunaan.

Waxaan ahaa mid raashiinka wax yar oo naf
laheyn ka cuna kaasoo aan nafta ku
ceshanaayo si aan gaajo ugu dhiman
iyagana waxay ahaayeen maalinkasta
midkii noogu roon oo noogu cayilan qala
iyagoo qeyb kamid ah hilibkiisa boqorka u

dubi jiray halka qeybta soo hartayna ay iyaga ceyriinka ku cuni jireen.

Waxaan galay kurbo iyo murugo dhexdooda waxaana iisii dheereyd cabsi iyo gaajo waxaana noqday mid tabar daran oo aan naf laheyn iyagana maalinkasta waxay ahaayeen kuwa raashiin ii keena.

Ma aysan ila hadli jirin lkn sidoo kale waxay aad ula yaabi jireen qaab muuqaalkeyga iyo siduu jirkeyga isku badalay ilaa ay maalintii dambe asxaabtii ila socotay oo dhan dhamaadeen oo aan aniga kaliya kazoo haray.

Markii aan kaligey soo haray ayay maalinkii dambe ii yimaadeen lkn nasiib wanaag ima aysan qalin ee wey iska key sii daayeen iyagoo cunto isoo hordhigay kadibna iga tagay.

Markii ay iga tageen ayaan meeshii kasoo kacay waxaana bilaabay inaan soo cararo si aan nafteyda ula baxsado waxaana ahaa mid daalka iyo baahida ka badatay maadaama aanan mudo baryo ah waxba cunin.

Sidii aan usoo socday oo marba meel ugu dhacaayay ayaan markii dambe waxaa ii bidhaamay dad meel fadhiyaan waxayna ahaayeen dad asturan oo sida banii aadamka camal u labisan.

Markii aan dadkii meel fog ka arkay ayay farxad isoo gashay waxaan usoo dhaqaaqay dhinacoodii ilaa aan ugu dambeyn agtooda kazoo gaaray.

Waxay ahaayeen dad dagan jaziirada aan joogo mida ku dhagan ayagoo ahaa dadka dhaqan ahaan iyo xadaaro ahaanba ka duwan dadka jaziiradaan ku nool, anigana sidii aan usoo socday ayaan dhexda kazoo galay.

Markii ay I arkeen ayay ila yaabeen sida aan u ekahay una baaba'sanahay iyagoo inta iga naxeen isiyeen baad iyo biyo waxaana bilaabay inaan cuno si gaajadaan igu raagtay mar uun ii deyso.

Markii aan cuntadii iyo biyihii isku dhameeyay ayay I wareysteen xaalkeyga iyo waxa aan ka qabanaayo jaziiradaan dad qalka ay ku noolyihiin.

Markaas ayaan bilaabay inaan uga waramo xaalkeygii anoo uga soo bilaabay safarkii aan kazoo galay magaalada baqdaad wixii bada nagu qabsaday iyo dhibkii aan kala kulmay dadka jaziiradaan ku nool.

Markii aan hadalka u dhameeyay ayay igu dhaheen anaga waxaan daganahay jaziiradaan mida dariska la ah hadana halkaas ayaan u soconaa hadaad na raaceysid soo bax

Sheekada waxay noo mareysay markii uu sindibaad dhahay markii aan u imid dadkii jaziirada xeebteeda joogay ayaa waxay i dhaheen anaga waxaan daganahay jaziiradaan mida ku dhagan ee soo bax hadaad rabtid inaad na raacdo sidii ayaana ku raacay.

Markii aan jaziiradii imaaday ayay meel aan dago isiiyeen si fiicana wey ii sharfeen kadibna waxay ii geeyeen boqorkooda si aan qisadeyda uga sheekeeyo, waxaana bilaabay inaan boqorkii uga waramo qisadii isoo qabsatay anigoo kasoo bilaabay maalintaan baqdaad kasoo baxay ilaa iyo maalintaan dadka jaziiradaan dagan kala kulmay.

Boqorkii markii uu qisadeyda maqlay aad ayuu ula yaabay wuxuuna ii sheegay in jaziiradiisa sidaan doono ugu noolaan karo isla markaasna aan u ahay asiga marti sharaf si fiican ayuuna iisoo dhaweeyay.

Kadib waxaan bilaabay inaan jaziiradii ka howl galo waxaana garab siinayay dadkii jaziirada ku noolaa anigoo waxkasta oo aan aqaanay ka caawinaayay maadaama aan aqoon badan lahaa sidoo kalana dal aqoon ahaa wax badan ayay iga faaideysteen.

Boqorkii jaziirada waxaan ka caawin jiray siduu u maareyn lahaa arimaha dowladiisa u gaarka ah oo markii xaajo culus soo wajahdo wuu ii yeeri jiray waxaana ahaa mid ka talo bixiyo ilaa uu boqorkii markii dambe iga jeclaaday isla markaasna uu bilaabay inuu iila dhaqmo sidii wasiir dowladiisa ka tirsan.

Waxyaabaha aan ka caawiyay boqorka iyo dowladiisaba waxaa kamid ahaa sida faraska loogu sameeyo heeryo lagu fuulo waayo waxay fardaha kori jireen iyagoon waxba la iska xijin in oo bilaa koore ah sidoo kalana aanan wax xariga iyo liijaan midna

laheyn.

Qofkasta oo faras isticmaalo jaziiradaasna ku noolaa waxaan ka caawiyay sidii uu faraska u fuuli lahaa una hogi lahaa ilaa maalintii dambe uu boqorkii ii wacay wuxuuna igu yiri; waxaad ogaataa inaad agteena ka tahay qof cizzi iyo sharaf leh isla markaasna anaga naga mid ah sidaas owgeed mna doonaayo inaad naga tagto waxaana doonayaa inaan arin ku faro oo aad igu adeecdo iguna caasinin.

Markaas ayaan ku dhahay; maxaad iga dooneysaa boqorow inaan kugu adeeco waayo aniga qowl kuguma soo celin karo maadaama aad abaal weyn ii sameysay.

Markaas ayuu igu dhahay; waxaan rabaa inaan kuu guuriyo gabar anaga naga mid ah gabar qurux iyo hantiba leh waxaanse kaa rabaa inaad anaga nala joogto oo aad toos halkaan usoo dagto isla markaasna aad qasrigaan qeyb ka dagtid waxkale kaama rabo intaas ayaan kaa rabaa ee ha igu khilaafin.

Markii aan hadalka boqorka maqlay ayaan xishood dareemay waana ka xishooday

inaan u jawaabo anigoo aamusay, markaas ayuu boqorkii igu yiri; maxaad iigu jawaabi la'dahay wiilkeygiyow?

Markaas ayaan ku dhahay' boqorkeyga amarka adigaa iska leh waxaad doonto samee.

Markaas ayuu isla waqtigiiba dalbay in la keeno qaadigii iyo marqaatiyaashii asigoo isla waqtigiiba ii guuriyay gabar sharaf iyo maamuus leh nasab sarana ka dhalatay waxayna aheyd gabar aad u qurux badan sidoo kalana hanti fara badan leh.

Markii gabadhii la igu daray ayuu boqorkii isiiyay guri weyn oo waasac ah sidoo kalana wuxuu isiiyay jaariyado iyo khadaamiin ii adeego waxaana bilaabay inaan ku noolaado nolol midii ugu macaaneyd anigoo gabadhii la ii guuriyay ee xaaskeyga aheyd jeclaaday waliba aad u jeclaaday waxaana bilaabay inaan riyo iyo mala awaal dhisto anigoo niyada iska lahaa hadii aan u laabanayo magaaladeydii aan jeclaa ee baqdaad xaaskeyga macaan horay ayaan usii kaxeysan doonaa.

Gabadhii la ii guuriyay waxay ii jeclaatay si

aan caadi aheyn oo xad dhaaf ah anigana sidoo kale ayaan u jeclaaday waxaana noqonay labo qofood oo aanan wax shaqo kale qabanin markii laga reebo inaan anaga shaqo iska qabano.

Anigoo noloshaas macaan ee quruxda badan isaga jiro ayaa maalintii dambe waxaa dhimatay nin aan daris aheyn naagtiisa waxaana ugu tagay si aan ugu tacsiiyeeyo.

Waxaan u tagay ninkii oo murugta intey ka badatay aadba moodo in geeri loogu bishaareeyay waxaana ku dhahay si aan qalbiga ugu dajiyo; waxba ha murugoonin ilaahay ayaa badal kheyr qabo kuugu badalaayo waxaana rajeynaa in xaaskaaga labaad aad cimri fiican oo barakeysan wada qaadataan.

Markaas ayuu bilaabay ninkii inuu sii ooyo wuxuuna I dhahay; side ayaan gadaasheeda u guursan karaa ama badalkeeda u heli karaa ayadoo nolosheyda oo dhan wax maalin kayar ay iiga dhimantahay?

Markaas ayaan ku dhahay; walaalkey is daji oo sabar naftaadana dhimasho ha u

saadinin waayo waad caafimaad qabtaa
marka alx dheh.

Markaas ayuu I dhahay; adiga waxba ma
ogide orod iska bax waayo aniga bariba
waa la idili doonaa.

Markaas ayaan anoo yaaban ku dhahay;
sidee ku dhici kartaa sideese adiga ku
ogaatay?

Wuxuu iigu jawaabay; manta ayay
xaaskeyga duugi doonaan anigana markey
duugayaan ayay qabriga ila galin doonaan
oo ila duugi doonaan waayo caadooyinka
iyo dhaqankeena ayaa waxay tahay in hadii
naagta dhimato ninka qabana laga daba
duugo hadii ninka dhintana naagta uu qabo
ayaa laga daba duugaa waxaana
labadoodaba lagu duugaa hal qabri
ujeedkana wuxuu yahay si hadii midkood uu
dhinto midka kale uusan nolosha ugu sii
raaxeysan.

Markaas ayaan yaabay waxaana soo
xusuustay inaan qabo oo guursaday naag
iyaga kamid ah markaas ayaan isku naxay
yaa ilaahii oo hada hadii xaaskeyga
dhimato mala iga daba dilaa oo nolosha

miyaa la igu duugi doonaa wlhi caadadaan
waa mid xun ayaan ku dhahay ninkii
dariskeyga ahaa anoo yaaban.

Intii aan hadalka dhameynin ayaa waxaa
goobtii yimid dadkii magaalada daganaa
waxayna bilaabeen iney ninkii u
tacsiyeeyaan maadaama naagtiisa
dhimatay sidoo kalana naftiisana uga
tacsiyeeyaan maadaama uu asna kadaba
dhiiman doono anigana yaab ayaan meeshii
la taagnahay waxaana bilaabay inaan ka
cabsado in naagteyda iga hor dhimato...

Sheekada qeybtii hore waxay noo mareysay
markii uu ninkii naagtiisa ka dhimatay uu ii
sheegay in dadka jaziiradaan ku nool ay
dhaqan iyo caado u leeyihiin in hadii ninka
ama naagta uu midkood dhinto kan kalana
laga daba geeyo oo labadoodaba hal qabri
lagu duugo.

Aniga waxaan ku fikirayay in aan dhimasho
ka badbaaday laakiin waxaan ogaaday in
dhimashada noocaan oo ah in nolosha
lagugu duugo ay ka dhib badantahay wax
badan midi hore.

Ninkii miskiinka ahaa ee xaaskiisa ka dhimatay sidii ayaa lagu duugay oo asiga iyo xaaskiisa hal qabri ayaa lawada galiyay.

Anigoo kurbaysan ayaan soo baxay waxaana u imid boqorkii markaas ayaan bilaabay inaan arinta kala hadlo una sheego in ay dhaqan aan fiicneyn tahay, boqorkii ayaase ii sheegay in caadadaan ay kasoo gaareen awoowayaashoodii hore isla markaasna aysan waxba ka badali Karin.

Markaas ayaan ku dhahay hadii uu qof qariib ah oo aan kamidaheyn dadka jaziiradaan ku nool uu xaas ka guursado sideyda oo kale kadibna xaaskiisa dhimato asigana Malaga daba duugaa oo dhaqankaan miyuu maraa?

Boqorkii oo fahmay ujeedada hadalkeyga ayaa inta dhoosha ka qoslay igu dhahay; haa xeerka iyo dhaqanka ayaa asigana qabanaayo oo waa laga daba duugaa.

Markaas ayaan bilaabay inaan dareemo walwal iyo kurbo hor leh waxaana ku duceystay in xaaskeyga aysan dhiman horteyda oo aan aniga kahor dhinto intii nolosha la igu duugi lahaa hase yeeshee

qadarta rabi cid hor istaagi karto malahan waxaa dhacday in xaaskeygii ay xanuunsato maalmo kadibna geeriyooto.

Markaas ayay dadkii bilaabeen iney ii yimaadaan iina tacsiiyeeyaan sidoo kalana u tacsiiyeeyaan ehelkii ay xaaskeyga ka dhimatay waxaa sidoo kale ii yimid si uu iigu tacsiiyeeyo boqorkii jaziirada.

Kadib waxay bilaabeen iney meyraan meydkaa xaaskeyga anigana shook iyo yaab daraadiis aan lahadli la'ahay, markii ay u meyreen ayay u labiseen dhar noocii ugu quruxda badnaa iyagoo sidoo kalana ku qurxiyayuna xiray dahab dheyman iyo waxkasta oo la isku qurxiyo sidoo kalana aad u carfiyay waxaana la galiyay qabrigii.

Markii ay xaaskeyga qabriga galiyeen ayay aniga dhankeyga soo aadeen si ay ii sagootiyaan markaas ayaan qeylo af labadii yeeray anigoo leh; aniga waxaan ahay qof qariib ah mana kamid ihi dadka jaziiradaan ku nool ee nolosha ha igu duugina dhaqankiina adinkuu idiinku gaaryahay aniga iska key daaya.

Laakiin aniga lee cabaadayay waayo majiro

qof inuu hadalkeyga dhag jalaq u siiyo iska daayee qof isoo fiirisay xitaa ma arkin.

Kadib ayay bilaabeen in ay xarig dhexda iiga xiraan waxay sidoo kale jeebabka iiga buuxiyeen muufo iyagoo caagad biyana ii dhiibay markaas ayay i kor geeyeen qabrigii xaaskeyga ay ku jirtay.

Yaa ilaahii dhirir badanaa waxaad moodaa inuu yahay ceel dheer siduu u dheeraa owgeed markaas ayay si xoog ah qabrigii ii galiyeen markii aan qabriga salkiisa tagay ayay I dhaheen xariga soo fur hase yeeshee ma aanan sameyn, markaas ayay xarigii oo dhan igu soo daayeen kadibna qabrigii kor ka owdeen meeshii godka aheyd misna mugdiga badneyd ee meydka yaalayna igu duugeen.

Qabriga dhexdiisa wuxuu ahaa mid aad u waasac ah sidoo kalana waxaa meesha daadsanaa meydad fara badan waxaana ogaaday in uu yahay qabri wadareed oo qofkasta oo dhinto halkaan lagu soo tuuro .

Godka aan ku jiro mugdigiisa waxaa ka daran urkiisa waayo waxaa dhex daadsan oo dhex buuxo wixii meyd ahaa oo dhami

ma aheyn urkood wax loo adkeysan karay.

Qabrigii ayaan iska dhex fariistay anigoo yaqiinsaday toogtaan shaki la'aan inaan dhimanaayo hadii aan gaajo u dhimana urkaan dartiis iyo hawadaan xun owgeed u dhimanaayo.

Waxaan bilaabay inaan muufadii cuno biyihii aan watayna qeyb yar ka daba cabo si intii awoodeyda ah usii noolaado.

Waxaan halkii ku jiray maalmo maalintii dambe ayaan anigoo aad u tabar daran misna oon daran ihaayo ayaan waxaan maqlay shanqar waxyar kadibna waxaaba la furay albaabkii qabrigana waxaana markii ugu horeysay arkay iftiinkii aduunyada waxaana isoo gashay neecow qabow waxaanse ka cabsaday hadii ay I arkaan iney I dilaan markaas ayaan is qariyay oo aan dhuuntay.

Hase yeeshee waxay godkii qabriga ahaa kusoo rideen nin iyo naagtiisa iyadoo naagta ay meyd aheyd ninkana uu sideyda oo kale uu xariga ku xirnaa wax yar kadibna godkii ayay markale afka ka owdeen halkiina nagu duugeen.

Ninkii markii uu godka soo dhex galay isla markaasna qabirgii nalagu daboolay ayuu bilaabay inuu darbiyada garaaco asigoo godka darbiga ku wareegsan midkasta jug jug sinayay ilaa uu markii dambe uu mid kamid ah darbiyada qodis ku bilaabay.

Aniga tabar dari iyo baahi ayaa isugu keey darsantay waxaana go'aansaday inaan ninka la hadlo waa intaasoo uu biyo iyo muufo isiiyaaye.

Ninkii oo darbiga qodis ku wado ayaa shanqarteyda dareemay markaas ayuu dhankii shanqarta soo milicsaday markaas ayuu yiri waa kuma?

Waxaan dhahay waa sindibaad oo wali nool ninkii qariibka ahaa ee jaziiradaan kusoo dhumay.

Markaas ayuu xageyga soo aaday kadibna wuxuu igu yiri imaqal hadii aad rabto inaad noolaato, aniga maalmo kahor markii xaaskeyga xanuunsatay isla markaasna aan yaqiinsaday ineey dhimaneyso ayaan godkaan agtiisa god kale ka qoday anigoo mudo habeen dhan qodaayay si hadii ay

dhacdo in ay dhimato xaaskeyga oo la i
duugo aan nafteyda ula baxsado nasiib
xumo sidii aan ka cabsanaayay ayaa
dhacday oo xaaskeyga wey dhimatay
marka hadii aad rabto inaad bad baado oo
noolaato darbigaan ila qod si aan u gaarno
godkii aan kaga baxsan laheyn halkaan.

Markaas ayaan ku dhahay waayahay lkn
aniga wax tabar mahaayo mudana wax
fiican ma cunin, kadib ayuu xoogaa muufo
iyo biyo isiyyay markaas ayaan bilownay
inaan godkii qodno anagoo waliba
gacmaheena adeegsaneynay.

Wixii aan godkii qodnaba nasiib wanaag
waxaan soo gaarnay oo aan aragnay godkii
kale kaasoo ahaa godkii uu diyaariyay ninkii
qabriga igula jiray markaas ayaan aad u
faraxnay waxaana damacnay inaan baxno.

Markas ayaan saaxiibkey ku dhahay imaqal
anaga hada godkaan waan ka badbaadnay
lkn wax xoolo ah maheysano marka maan
qaadano oo uruursano dahabka iyo
dheymanka meydadka lagu soo xardhay si
aan ugu badbaadno?

Waxay noqotay fikrad aad u fiican markaas

ayaan bilownay inaan meydadkii oo dhan wixii dahab iyo dheyman u xirnaa aruursano anagoo ka buuxsanay maryihii ay meydadka wateen kadibna godkii ayaan kasoo baxnay anagoo imaanay xeebta jaziiradii aan joognay waxaana halkii kasoo raacnay doon yar oo ninkii sxbkey ahaa uu meesha ku diyaariyay bada ayaana isku sii deynay.

Wixii aan in mudo ah socono nasiib wanaag waxaan markii dambe aragnay oo la kulanay markab aad u weyn waxaana bilownay inaan markabkii u gacmo haatino ilaa aan ugu dambeyn kasoo gaarnay.

Aniga iyo saaxiibkey wixii dahab ee aan helnay waan kala qeybsanay wuxuuna ahaa dahab aad u tiro badan anagoo markabkii in mudo ah ku nasanay kadibna nin walbo jidkiisa ayuu ku dhacay intii aan jidka kusoo jirnayna sxbkey waxaan uga sheekeeyay safaradii aan horay u galay iyo wixii dhibaato ee an kala soo kulmay asigoo aad ula tacajabay.

Kadib aniga waxaan usoo jiheystay magaaladeydii aan jeclaa ee baqdaad waxaana soo maray oo in mudo ah ku

nastay magaalada basra anigoo isugu
hanjabay inaan safar dambe gali doonin.

Markii aan imid baqdaad ayaan dahabkii
qeyb kamid ah iibiyay waxaana dib ugu
laabtay ehelkeygii kuwaasoo aad ugu farxay
aragtideydii

Waxaan ka cudur daaranayaa hadii aad kala
kulantaan sheekada error typing inaad ii
cudur daartaan waayo boobsiis ayaan ku
qoray waqtiga oo igu yaraa dartiis.

Sheekada waxay noo mareysay markii aan
kazoo sheekeynay siduu layaabka laheyd ee
uu sindibaad uga badbaaday safarkii 4aad
ee dhibka badnaa waxaan kale oo aan soo
sheegnay in magaaladiisii dib ugu soo
laabtay asigoo wato hanta aad u fara
badan.

Sindibad ayaa wuxuu yiri markii aan
baqdaad imaaday oon in mudo ah joogay
ayaa waxaa isoo galay damac ah inaan
markale safro waliba toogtaan waxaan
niyeystay markab aan aniga leeyahay inaan
ku safro.

Wixii aan is diyaariba ugu dambeyn markab

ayaan iibsaday waxaana ka buuxiyay
badeeco aad u fara badan anigoo qeybtii
soo hartayna ganacsato kale ka kireeyay
waxaana isku soo deynay badii.

Waxaan bilownay inaan safarkii gudo galno
aan maalinba jaziirad ku istaagno
badeecadana ka iibino ilaa aan maalintii
dambe jaziirad ka imaanay, waqtigaas
aniga aad ayaan u daalanaa sidaas owgeed
waxaan ganacsatadii u sheegay inaan
xoogaa yara seexanaayo ee hadii ay iyaga
rabaan ay baxaan.

Ganacsatadii ila socotay markii ay
markabka ka dagteen oo jaziiradii gaareen
ayaaa waxay arkeen wax weyn oo cad
misna sidii qubada u wareegsan markaas
ayay bilaabeen iney hubiyaan wuxuu yahay
waxayna ku garaaceen dhagaxmaan ilaa uu
wixii weynaa ee cadaa ka dilaacay waxayna
aheyd haad weyn ukuntiisa.

Markii ay ukuntii dilaaciyeen ayaa waxaa
kazoo baxay ilmihii haadka oo markaas
noolaa sidoo kalana maalin ama labo
maalmood inuu ukunta kazoo baxo uga
dhineed, markaas ayay haadkii ilmihiisii
qasheen misna bilaabeen iney hilbihiisii

karsadaan.

Aniga mudada intaas la eg oo dhan waan iska hurdayaa markii aan soo kacay ayaa waxay ii keen hilibkii ilmihii haadka markii aan weydiiyayna sidey wax u dhaceen ayay ii sheegeen.

Anigii madaxa ayaan qabsaday waayo waxaan ogahay waxa ay sidaas yeeleen inuu yahay haad weyn ukuntiisii hadii uu nagu imaado misna arko sida ukuntii laga dhihgayna ay noo dhamaatay markaas ayaan bilaabay inaan af labadii qeyliyo anigoo leh war soo cararaaay hadii aad naftiina ka naxeysaan soo cararaay.

Intii aanba hadalka dhameynin ayay halmar qoraxdii qarsoontay mise waaba haadkii oo soo socdo markaas ayaan bilaabay inaan markabkii jiheeyo badana kusii daayo rakaabkiina iyagoo ordaya ayay markabkii isku soo shubeen.

Shimbirkii haadka ahaa markii uu arkay sida ukuntiisii laga yeelay ayuu aad u carooday wuxuuna bilaabay inuu sidii gugaca u qeyliyo waxaana isla markiiba meesha yimaaday shimbir kale oo asiga la eg

waxayna bilaabeen iney nasoo eryadaan
hase yeeshee bada ayaan isku sii deynay.

Shimbirihii markii ay na arkeen ayay naga
laabteen aniga waxaan niyada iska dhahay
alx marba hadii ay idinka laabteen waxaana
bilaawnay inaan safarkeenii sii wadano.

Wixii aan soconaba markii aan cabaar
soconay ayaan waxaan arkay labadii
shimbir oo nasoo daba socda lkn markaan
kaligood ma aysan aheyn ee dhagaxmaan
ayay lugaha ku wateen dhagaxmaantaasoo
aad u waaweynaa.

Sidii ay marba marka kasii dambeysa
noogu soo dhawaanayeen ayay markii
dambe dhagaxmaantii oo aad u
waaweynaa nagu soo daayeen iyagoo
waliba si daran markabkii ugu garaaceen
wuxuuna markabka noqday mid biyaha u
nugu oo sii quusay ilaa uu moolka bada ka
gaaro anagana aan dhamaanteena ka
maanshowno.

Aniga waxaan gudo galay sidii aan naftedii
ku badbaadsan lahaa waxaana gacanta la
helay alwaax weyn anigoo soo qabsaday
ilaa uu iga keeno xeebta jaziirad aad u

qurux badan oo ay ka baxaan nooc kasta oo miro ah sidoo kalana waxay laheyd ilo biyo macaan leh, markaas ayaan murugtii iyo kurbadii I heysay iska ilooway waxaana bilaabay inaan mirihii iska cuno ilaa aan ka dhargay.

Galabkii markii la gaaray ayaan is dhahay maad jaziirada soo fiirisid waa intaasoo ay dad ku nool yihiine, halii ayaana kazoo kicitamay sidii aan jaziirada ugu wareegaayay ayaan markii dambe waxaan arkay oday da' ah kaasoo hagoog ka dhigtay caleemiha geedaha misna meel qorax ah fadhiyo kaligiis.

Waxaan is dhahay odaygaan amuu kamid yahay rakaabkii markabka isla markaasna uu badbaaday waxaana bilaabay inaan u soo dhawaadi ilaa aan markii dambe kor imaado hase yeeshee ma uusan aheyn oday aan aqaano rakaabkii markabkana kama mid aheyn.

Waamn usoo dhawaaday anigoo bilaabay inaan weydiiyo su'aal ah sheekhow maxaa kugu dhacay maxayna tahay sababta aad kaligaa cidladaan u fadhiso?

Odaygii wuu isoo fiiriyay hase yeeshee ilama uusan hadlin wuxuuna ii tilmaamay inaan jidka ka qaado oo aan geedka hoostiisa dhigo.

Markaas ayaan bilaabay inaan garab siiyo anigoo niyada iska leh odaygaan miskiinka ah garab sii waxaana kusoo qaaday garbaheyga anigoo lasoo aaday dhankii uu geedka naga jiray.

Markii aan geedkii hoos keenay ayaan is dhahay odayga daji hase yeeshee ma ahan mid daganaya waxaana isku dayay dhowr mar inaan dajiyo lkn ha sheegin waxaan lahadlay odaygii si uu iiga dagto anigoo ku leh geedkii hoostiisa waan ku keenay ee dago lkn ma aheyn mid ila hado.

Markii dambe ayaan gadaal dhabarkeyga dhanka garbaha ka dareemay dhaqdhaqaaq waan fiiriyay waxaanse arkay arin layaab leh, waxaan arkay lugihii odayga oo isku badalay kuwa aad u madow sidoo kalana dhabarkeyga sidii gacmaha oo kale u heysto markaas ayaan isku naxay.

Waxaan is dhahay odayga iska tuur lkn ha sheegin ma ahan mid dhacayo ilaa aan

markii dambe ka war helay odaygii oo
madaxa iga garaacayo waliba garaacis aad
u xanuun badan ilaa aan ka wareero
istaagana ka dhaco.

Cabaar markii aan wareersanaa ayaan soo
naaxay waxaana arkay odaygii oo wali
dhabarka ii saran iguna dhagan

Sheekada waxay noo mareysay markii aan
odaygii caawiyay misna geedkii hoostiisa
geeyay oo uu igu dhagay sidoo kalana uuna
bilaabay I nuu I garaaco.

Odayga sidaan moodayay ma ahan wuxuu
noqday mid aad u xoogan waxaana layaab
igu noqotay siduu dhabarkeyga u
saaranyahay oo ugu dhaganyahay ugana
dhaceynin, sidoo kalana wuxuu rabo ayuu
iga sameysan karay waayo wuxuu ahaa mid
aad u xoog badan anigana ma laheyn tamar
iyo awood aan ku khilaadi karo waxaana
noqday sidii neef uu liijaanta u hayo
dhankuu doonanan u hagi karo.

Odayga wuxuu ahaa mid sidaas
dhabarkeyga u saran sidoo kalana hadii aan
hadalkiisa khilaafu wuu I garaacayay xitaa
hadii kaadi iyo saxaro qabato igama uusan

dageynin oo korkeyga ayuu ku sameyn jiray.

Wuxuu igu amray inaan geeyo beer uu ii tilmaamay taasoo ay ka baxayeen noocyo badan oo miro ah wuxuuna ahaa mid mirahaas cunakuna nool, miraha beerta waxaa kamid ahaa canabka waxaana aqaanay sida miraha canabka loo khamiiriyo isla markaasna khamri looga sameeyo, markaas ayaan bilaabay inaan mitrihii khamri ka sameeyo.

Markii aan khamrigii sameeyay ayaan bilaabay inaan cabo si aan isku ilowsiiyo kurbadaan iyo hamigaan aduun ee aan ku jiro odaygana wuxuu ahaa mid I arko waxaan sameynayo wuuna I weydiiyay waxay yihiin, markaas ayaan u sheegay kadibna keen ayuu dhahay waana u dhiibay asigoo dhamaan wada cabay.

Markii uu odaygii khamrigii cabay ayuu wuxuu bilaabay inuu qoslo kadibna fooriyo wuxuna ahaa mid aad u skhraamay taasna waxay ii noqotay fursad aan uga takhaluso markaas ayaan si tartiib ah isaga dajiyay mana uusan I dareemin maadaama uu aad u sakhraansanaa.

Markii aan ku guuleystay inaan odaygii iska dajiyo ayaan dhulka seexiyay waxaana soo qaatay dhagax weyn anigoo ka cabsanayay inuu igu soo kaco markaas ayaan dhagaxii weynaa madaxa uga garaacay ilaa ay dhiigiisa iyo hilibihiisa isku darsameen oo madaxii aan ka baduujiyo waxaana u dilay si naxariis daro ah.

Muadadii aan odaygaas dhabarka ku siday waxaan dareemay ciriiri aan waligey horay u dareemin wuxuu ahaa mid korkeyga ku kaadiya kuna saxarooda si xuna ii garaaca alxamdulillaah ugu dambeyn waan ka taqalusay.

Markii aan odaygii dilay kana takahlusay ayaan ku fikiray sidii aan Jaziiradaan uga baxsan lalahaa, waxaana bilaabay inaan uruuriyo jirida qaar kamid ah geedaha jaziirada ku yaalay anigoo isku xirxirayo si aan uga sameeyo waxyar oo doon u eg taasoo aan jaziiradaan uga baxsado.

Markii aan howshii dhameeyay ayaan badii isku soo daayay ilaa aan maalinkii dambey doon ay dad saaranyihiin la kulmay dadkii ayaana sidii ku raacay.

Dadka waxay ahaayeen kuwa u socdo deegaankooda kaasoo ahaa jaziirad bada korkeeda ku taalo waxayna jaziiradaas ka dhaxeysay daanyeero iyo dad iyadoo daanyeerada ay habeenkii jaziirada soo gali jireen xilli dadkana ay maalinkii oo dhan joogayaan habeenkiina gurayahooda ku hoyan jireen mana jiro dad habeen soconaya ama daanyeer maalinkii soconayo.

Nadaamkaas wuxuu ahaa mid u dagsan oo heshiis horay uga dhaxeeyay ayuu ahaa waxayna dadka ii sheegeen in iyaga iyo daanyeerada oo ah kuwa aad u waaweyn sidoo kalana aad u xoogan ay jaziiradaas waxbadan ku dagaalameen sidoo kalana dad badan ku waayeen hase yeeshee ay ugu dambeyn heshiiskaas gaareen.

Sababta ugu weyn ee dadka iyo daanyeerada jaziirada isugu heysteen ayaa waxay aheyd jaziirada oo aheyd mid barwaaqo ah sidoo kalana nooc kasta oo miro ah ay ka baxaan waxayna laheyd biyo aan go'in aadna u macaanaa.

Markii aanjaziiradii in mudo ah joogay ayaa maalintii dambe waxaa jaziiradaas yimid

markab ay wateen koox safarleey aheyd
waxaana u sheegay inaan dhulkaan qariib
ku ahay iina ogolaadaan inaan raaco si aan
dhulkeygii dib ugu laabto weyna iga
aqbaleen.

In mudo ah markaan jidka kusoo jiray ayaan
ugu dambeyn imaaday magaalada Basra
waxaana uga sii gudbay magaalada
Baqdaad lkn toogtaan waxaan ahaa midaan
wax hanta ah wadanin oo misna fara maran
waxaana ku faraxsanaa anigoo bad qabo
inaan magaaladeydii nabad ugu soo
laabtay.

SAFARKII LIXAAD EE SINDIBAAD

Habeenkii xigay Shahar-Zaad waxay tiri
waxaa isoo gaartay boqorow in Sindibaadkii
badmaaxa ahaa uu ku yiri Sindibaadkii
xamaaliga;

Markii aan kazoo laabtay safarkeygii 5aad
ayaan aad ugu farxay inaan magaaladii aan
jeclaa dib ugu soo laabtay waxaana
bilaabay in keydkii hantideyda ee
magaalada ii yaalay ku ganacsado waxaana
magaalada joogay in mudo ah ilaa aan
maalinkii dambo la kulmay koox safarleey

ah oo safar ka timid aadna ugu faraxsan in magaaladoodii dib ugu soo laabteen.

Markii aan kooxdaas safarreyda aheyd la kulmay ayaan soo xusuustay waayaheygii safarka waxaana la yiri Rag caadadii ma baajiyo sidaas owgeed safarka caado ayuu ii noqday waxaana ka fursan waayay inaan markale safro.

Waxaan uruuriyay hantideydii waxaana kulmiyay ehelkeygii anigoo u sheegay inaan safri doono waxaana isku diyaariyay si aan u safro anigoo ugu dambeyn imaaday magaaladii Basra.

Waxaan magalaada ka kireystay aniga iyo koox ganacsato kale ah ah markab aad u weyn anagoo isku shubnay baddii.

Markii aan in mudo ah soconay ayaa waxaa noo yimid naaquudihii markabka asagoo naleh; waxaan ku suganahay xaalada halis ah waayo markabkeena wuxuu ka baxay badii uu ku safraayay asigoo dhex galay bad aanan garaneynin dabeylahana waxay noo jiidayaan Jiho aanan ogeyn marka aan Alle barino si uu nooga badbaadiyo.....

@Somalibooks